





Jane - and

Herecht- Euch

Obright

Aus Berg und That,

Wilder und Geschichten

aus bem

Schweizerischen Volksleben.

Bon

Ioseph Ivachim.

Viertes Bändchen.

3m Selbstverlag des Berfassers.

Solothurn. Drud von Burkard & Frölicher 1889.

hald his graff suff

posterit into contractive

solubles redusprised A

APPROVED STATES

SOUTH OF THE PROPERTY.

Inhalt:

's Manni.

's Bale-Manggi. Nen armuethigi Gschicht.



THE REPORT OF THE PROPERTY OF



's Manni.

1.

"Stelzegrüt". — — Uf'm Stelzegrüt, do het me d' Sunnen us erster Hand. Lähnet jo das Nestli so schön mittagssyts am Berg, und gseht me vo dört uus wyt aben i's Thal, wyt überen i's Biet, und no wyt äne dra — schier ohni Grenze.

Die Lüüt aber, uf dem Grüt, die freue si nit start uf die früechi Sunne; denn sie weckt ne d'Chind us'm Schlof; und die Chind uf'm Grüt sy viel chärscher, viel gsünder as die im Thal unten und möge viel mehr esse — wenn sie's hei. Jo, wenn sie's hei! Aber just die Sunne, wo so früeh unsstoht dört oben und so warm schynt, im Summer so schröckli warm — dört obe treit das bitterweni ab, uf dene ghögerige Hüble, wo's blos nes dünns Schüümli Herd sich, schier lunter rothe magere Bolis, wo d'Flüchspitz druns use luege, wie d'Elbögen us eme blöden armselige Gwand; wo schier nüt wüll grothen as d'Recholders und Brombeeristunden und d'Eggedörn und wilde Münz und Schofgarben und Tusigguldes

chruut — fürnemme Thee — — Aber was bruuche die Grüter Thee? Die Lüüt si jo so gsund, so esend gsund und möchte so gern viel und guet esse — —

Uf'm Stelzegrüt trifft me 's best Quellwasser. Das chunnt teuf us de Tuftsteiflüchne use, nes eigetligs Bächli; a dem Bächli wachst Brunnchressech i großer Mengi; da Chressech git nes scharps funs Salötli, reizt dr Appetit. Und das Wasser selber, so hal wie Christal, im Summer so herrlig chiiel, im Winter warmlächtig, aß's frei rüücht — das Wässerli, säge d' Döfter, bsunders das ab'm Bürftlibrunne, da'sch ne wahri Medizin — me sett's nit emol verrothe — — So ne Kur, das putt und lüüteret Lungen und Mage, Leberen und Niere vo Grund uns — Aber die Lüüt im Grüt — was nütt dene das gsunde dünne Wässerli? Hei sie nit scho liechten Othen und berrlia asundi Mägen und ne prächtigen Appetit — ach. dä Appetit, er isch leider schier nit z'stille. Und thäte sie no meh Bürstliwasser trinke, so wurd jo de Hunger no viel viel größer -

's Grüt, 's Stelzegrüt, isch weber ne Stadt no ne Flecke, nit emol nes Dorf: nes Nestli, zwöi, drüß Dote Hüßli ungfähr, zuegwandt und chilchgnössig uf Matteried, im Thal.

I dem Matteried aber, im Thal, do gfeht's anderisch bhäbig uus: Wässermatte, tupsebe, so wyt me gseht, wo's Gras wachst schier chneuzteuf, bürstedick, chruutig wie Salat; Acher, teufgründig und seiß, wo d' Frucht schier z'Bode gheit vor Schweri, und dr Gottessege hercho mueß, schier öb 'r well oder nit. Denn die Buure zwänge's mit Mift, zwänge's mit Gülle, zwänge's mit dr eigene zäche Chraft, und, wo die nit längt, mit dr Chraft vo Chnecht und Mägd und Taglöhnere.

Und frogt me so ne Taglöhner oder Chnecht: Woher, Mano? Nei, me bruucht scho gar nit z'froge, vom Grüt oben abe su sie, mit weni Uusnahm, schier allizsäme.

Nei me bruucht sie nit zfroge, me kennt sie scho zum voruus vor dene Dörflere, die Burschten und Meitschi ab'm Grüt: Viel gnerviger und gklingger, viel alerter und hübscher! Denn eimol us dem magere Gländ a die gueti Buurechost versetzt, do thüei sie gwöhnlig dr Chnops uuf, wie, unzsämezellt, nes jungs grahmets Gusti, wenn's ab dr magere Weid chunnt i ne guete Stal im Thal.

Und me sell nit öppe meinen, aß die Lüüt im Grüt grüüsli dr Chopf henken und demüethig thüe — nüt weniger as das! Oder aß sie ihri Armuet schröckli epfinde, bsunders die Junge — bewahr! Das singt und jubiliert vo Morge bis Nacht, 's Erdbeerimeitschi, dr Geißbueb, dr Holzer und Bechbrönner, as wär's dört obe Chilbi Johr uus und p. Denn im Singe sie halt Meister, 's Züngli isch ne glöst, und die dünne Hälsli bringe sie scho mit uf d' Belt, und 's Bürstliwasser thuet au sp Sach byträge — das wei mr wüsse! Und thüei die Matterieder diek und stolz uf das Taunervolch aben, oder wenn me will, u se luege, dr Berg nuf, uf die Geiß- und Besenbueben und Lismermeitschi*), so geben es die ebe so diek ume:

^{*)} Strickermädchen.

"Fröschechöpf", "Motschgrinde", "Chropsbuebe", "Pflotschizüüg" etzetera — bis änen use. Und gits hie und do Hoors und Staubuus zwüsche dene Chiltbuebe — do mueß me's gseh, wie die gslingge Bergbürschli die dicke Matterieder überhoble wie ne Schyn und sie heisschicke mit vrbüülte Chöpfe, mit Schand und Spott: "Quack, quack!"

Doch mr wei no, für nes Whli, uf das Grüt ufen und is e wenig umluegen i dem Nestli, spg's au nit Gschäftishalber, nume so us Gwunder —

Also i dem Nestli obe: von ere ghörige Stroß isch do kei Red — für was au? Für d' Geiße, für die paar Brienzerchüeli, drüü, vieri? Nüt as usgwäschni, gsteinigi Wald= und Allmendwege, chrüüz und quer; do nes Hüüsli, dört nes Hüüsli, wie akleibt oder hyraben in die stoyigi Bergwand. Vor em Hüüsli nes Geißmistli, nes Gärtli, mit Dörn oder Tannstchunpli hyhaget, nes paar Zhlete Bohne, wo chuum möge dr Stecke uuf g'chledere, nes Bettli Seyziebeli, e chlh Salot und Chruut, g'chruuslet scho vor dr Zht, a dr heiße stechede Sunne, i dem magere uustrochnete Herd. Nes Trüppli gserbligi Chries= und Aepfelbäum, ne Pflanzerei uf dene Küttene und ne Fruchtbou, aß mr wohl begruft, wie 's Sprüchwort het chönnen etstoh: hie obe krepiere d' Spaße i dr Ern —

Z'obrift obe, dört wo dr Hubel am sunnigste, tröchsten isch und dr Wald afoht bi paar Schritte scho, stoht em Chrattechriste sps Heimetli. Mr wei, so höfligfeitshalber, dem Ding "Huus" sägen, eigetlig aber isch's nume ne Hütte. Alls so schröckli nieder und chly.

Aber wieder so sunder, in und um. Und, nede'm Chruut, au nes paar Meyestöckli im Garte; a dr Wand, sunnssyts, ne Trüübelstock; nes Brünneli vor em Huus, es tannigs Stöckli, nes eichigs Trögli, unter em Holdersbusch.

Dr Chrattechrifte - 'r isch Sägerchnecht gfi i dr Matterieder Müüli unte, vieli vieli Johr, lidig= und ghüurotheterwys. Dört het 'r au sys Fraueli uuf= glese, denn sie isch Ober= oder Chuchimagd gsi am aluche Plaza; und mit quet choche het sie niemer über= troffe, das hei d' Dienste aseit wie d' Meisterlüüt. Wie sie aber ghüurothet gha het, im ene Rungli drunf, und i das Hüüsli hzogen isch uf'm Grüthubel, do bet sie's alu nümme chonne, das guet choche, die Kunst isch gsi wie unfgfloge - Müt as runchs Mues und bunne Gaffee und magers Gmues und abgnohni Milch, Herdöpfelsuppe, schier ungschmolzen und un= afalze. Warum? Wül eben öppis afehlt, öppis gar wichtigs dahinte blieben isch; 's Müllers Speckchäm= merli, 's Müllers Mehltrog und Ankehafe — — Drfür aber isch öppis anders cho im Ueberfluß: Chinder, eis um 's ander, eis hübscher as 's ander. Aber au eis hungeriger as 's ander. Und nume das Brdienstli vom Vater, das bigeli Pflanze vom junge Müetti.

Und einisch de morge früeh — dr Christe het Tag und Nacht gschaffet gha uf dr Sagi*), Tag und Nacht, wül viel Holz ume glegen isch, gwaltig Hüfe, und er dr dopplet Brdienst gar wohl hätt chönne brunche

^{*)} Sägemühle.

— also de Morge früeh bringe sie dr Christe hei us'm Wägeli, hei zue sym Fraueli us's Grüt. Er isch i dr Schloserigkeit und Finsteri nebeby trappet, d' Tannen uuf und noche — 's Lebe het's 'm nit grad g'chost, nume 's Bei, dr Fueß. Dr Fueß, dä hein 'm Dökter no gar abgschnästet und em, nom ene Rung, ne hölzige Stolpen atho; und hei gar großi Freud gha, wie das Alls so schön g'lunge syg, 's abnäh und 's amache.

Aber dr Chrifte het kei Freud gha, und sps Fraueli no viel weniger. 's Müllers — ach die Lüüt sp meh as guet gsi! — 's Müllers hei fryli alli Chöste zahlt, nit weni! Und z'esse gschiekt die Zyt uns für die armi Hunshaltig, rechtschaffe christlig. 's Johr uns und pund furtwähred hei si sie doch nit chönnen erhalte, d. h. me hätt si, au i dem arme Hüßli inn, uit drfür gha. Drum het dr Christe müesse druuf denke, wien 'r si i Gottsname wieder chönn durbringe — jo wie? Bo wieder uf d' Sagi goh, oder anderer grober Arbet, isch sei Red meh gsi, bewahr! Und kei wyteri Prosession —

Doch wol, jet chunuts 'm i Sinn: Dr Netti selig isch jo ne Chörber gsi und het ne bsunderbare Guh gha für 's Chrättemache: Chirsi= und Beerichrättli, Stei= chrätte, z'Obischrätte, Munlchrätte, Chuchi= und Stal= schäferli, ätzetera; und het Geld vrdienet nume recht gstuf. Und er, dr Christe, het's i synne Buebejohre scho ordli los gha, das spalten und schaben und unsstellen und slechte, die ganzi großi Chrattemacherkunst. Numen isch's 'm dazumals, als hoffärtige junge Chnab, viel zgring gsi, das Hamberech. Set aber, i sym Clend,

denkt 'r: Channsch 's ächt au no, das Chrättele? Wills bigost probiere, 's probiere chost nüt!

Und 'r het's probiert, probiert mit Flyß, bis 'r 's wieder chönne het, schier besser und vörtelhafter as albe.

Und Rustig, für die Chrätte z'mache, isch währlignne vorhande gsi, ganz nooch, im Berg, im Busch: Schwischli, Hiele, Haselstunden und anderi: im Thal unte, de Heegen und Gräbe noh: Wydli aller Gattig, Wydli i Hülli und Fülli.

Da het's gheiße: "Bueb lauf! Lauf vo Morge bis Nacht, muesch benn nes Aextrastückli Brot ha und neui Hösli uf d' Chilbi und ne prächtigi Zoddelchappe — Bueb lauf!"

Dr Bueb het Hansli gheißen und isch bereits nüün Johr olt gsi. Und 's Müetti het großes Beduure gha und gseit: "I chumen au mit dr, cho dr Weg zeigen und die rechti Rustig!" — Die rechti Rustig — sie het sie z'erscht selber nit könnt und 's müessen aköre, wie dr Christe gschimpst het, aß sie ganz lätes*) Züüg heibrocht hei, gar nit z'bruuche: uurusti oder überständligi Wydly, Schwarzdolder statt Schwischli, Lindesstatt Haselholz — wo wett so nes Wybervölchli uf eimol die Könntniß hernäh vo all dem Gwächs und Holz und Cstrüüch i Berg und Wald? Het jo nit für Förster gstudiert und au nie dra denkt, das hofsfärtige wohlgmeinte Weitsli, syr Lebtig nit, aß's nomol ne Chrättema werd hüürothe — Und dr Christen,

^{*)} unrechtes.

i sym Unglück, uf sym Werchbänkli, isch mängmol so nen ungeduldige, wunderlige asi!

Bald aber isch Alls ordli besser gange. Bsunders dr Hansli het nes guets Augemerk übercho uf Alls, was dr Aetti tadlet oder globt het, isch ne Ruethessammler worde ganz nach Noten, aß 's Müetti gar nüm nöthig gha het mit'm zgoh. Drfür si Anderi mitgange, vorab 's Nanni und 's Liseli — chlyni Buzli zwar, i den erste Röcklene; sie sy gern gange, mit Freude, i Berg und Bald, da'sch so lustig gsi das streipsen und haseliere, do het me so herrlig i d' Welt use gseh — o die Welt isch so groß gsi, so wyt, so Dübichops usz'luege! Und die vielerlei wilde Meyen und Blüestli, die Vögelnestli und Beeri, Beeri groß und chly, roth und schwarz, so süeß!

2.

ie Jöhrli sy umegange, weidliger 1) und ringer 2) as 'm dr "Chrättechriste" — da'sch jetz sy Name gsi — nume vorgstellt het. Scho isch 'm dr Hansli a d' Hand gangen bim Werchbank zue, jo, 'r het bereits meh uusgrichtet und gfirteri Arbet gmacht as er selber. Dr Christen isch drob nit höhn worden, im Gegetheil. "Das git eine, dr Jung, dem git gly einisch seine meh Füetteri wyt und breit!" het 'r denkt. "Schad, aß 'r nit e chly i d' Fröndi cha, für syneri Sache,

¹⁾ schneller. 2) leichter.

's fyneri Gslecht au z'lehre. Ru, me cha denn öppe spöter luege."

Statt em Hansli, isch jetz 's Nanni dr Asüchrer worden uf dene Streipfzügen, i Wald, i's Thal. Ihm noh 's Liseli, dr Vikterli — ach, dr Vikterli het schier nit nohmöge mit sone chrumme Stumpebeinsene und dem dicke Büüchli, und hets doch wellen erzwänge — Jetz het men au aso Beserns sammle, birchigs, wyßstannigs, Heubeeristunden und Bux. Und z'Obe, nom Füürobe, het 's "Mannevolch" no Bese bunde, das het kei großi Kunst bruucht und au nit viel Liecht, und doch mänge Bayen ytreit, frei mänge, sozsäge obedry.

Und 's Müetti isch husiere gange, 's Lieseli het die Waar — Chörb und Chörbli und Chrätten und Besen aller Gattig — nohgstoßen us'm Handcharli. Zerscht het si 's Müetti ordli gschiniert — — Aber bald het's denkt: für was schiniere? Isch's ja ehrligs Brot! Und besser das, as suulenzen oder bettlen oder no Schlimmers!

Die Bațe hei si gmehret vo Johr zue Johr. Wenn de Morge früeh de Hirt i's Horn bloset het und gruese, aß me's wyt fört het i alle Stuben und Chuschene: "Geiß uus!" do hei 's Chrättechristes nüm blos eini, nei zwo, drei Geiße hei sie nuse gloh, Muttigeiße, vo den allerschönste, und no Gizzi drzue, Röllesi am Hals, mit gstrüüßten Thre. Milch und Anke z'gnue, schier 's ganz Johr, uud Herdöpfel z'gnue; 's Brot, das het me vrmöge z'chause; und amene Helgetag*)

^{*)} Heiligtag, Festtag.

sogar nes Mümpfeli Speck, a dr Chilbi — ach, 's isch jo doch nume einisch Chilbi, 's Johr uus, und wenn me süscht keis unnüges Chrüüzerli vrthuet bi all der suure floßigen Arbet! — a dr Chilbi Chüechli! Und die Freud drunsch, dä Jubel bi de Chlyne!

Einisch, z'Ostere, het dr Later Christe gseit: "Fetz mueß mr dr Hansli doch no ne Wyli i d' Fröndi, mueß ne Kunstchörber gä — dä lehrt's!"

Aber blos nes paar Tag druuf isch er, dr Christe selber, i d' Fröndi gange — —

Bim Wydlispalte het 'r fi i die linggi Handballe gftoche, gar nit teuf, 's het chuum möge d'blüete. Aber 's isch ebe das nämlig Messer gsi, won 'r drmit em Fuchs, wo dr Hansli tod im Wald het gsunde gha, 's Fäl abzoge het. Und das Pläyabbli*) het aso böse, d'Hand aso gschwelle, dr Arm au — — Me isch zum Dokter g'nlt, me het agwendt, was numme azwende gsi isch, Tag und Nacht. Und exakt i acht Tage isch dr Christe todt gsi, gstorbe a dr Bluets vergiftig, wie d' Dökter gseit hei — —

Das Gjammer bim Lychezug, vo dem Wittfraueli, vo denen arme Chindlene, und die Truur, und das Elend i dem Hüßli uf'm Grüthubel! Und au das unfrichtig Beduure bi alle Lüte wyt und nooch!

D' Mülleren isch cho, die rychsti fürnemsti Frau im ganze Dorf und au die dicksti, eigene Gangs, usen i's Grüt, zue ihrer früechere Magd, zue 's Christe's Wittfraueli. Und suecht z'tröste was sie vrma und chunnt selber Augewasser über, wo sie die Schaar Chinder

^{*)} Rleine Wunde.

gseht, dell ') no ganz chlp. "Schick eis abe drvo, Masreili, hinecht no, zue mr i's Huus, mit eme Seckli oder Chörbli — hesch gkört? Und schick di jetz i Gottssamme dry und denk, es syg halt so Gotts Wille gsi und er, dr Liebeherrget, werd dr au wieder bystoh und helke, wenn brav bisch und fromm — An mir isch dr Ma gstorbe, jung, so jung!"

"Fo i weiß 's, i weiß 's jo wol! Aber dir syt rych gsi, heit Sache gha i Hülli und Fülli — und ig do die Schaar Chiner, achti, denket au — achti! Und keis erwachse, as blos dr Hansli; und dä selber isch au no gar jung, und d' Frog isch 's, öb's 'm nume werde folge, die Andere, öb sie mir werde folge! Weiß jo viel z'guet, wie mängisch dr Christe selig het müesse dry rede mit syr chrestige Stimm, wenn sie hei welle meisterlosig oder blästig ') thue. Euserein isch halt doch nume nes Wybervölchli, schwach und — wie sell i säge —"

"Z'guet, muesch säge, z'nachsichtig, i d' Chind vrnarrt — säg's wie de wit, mir selber isch's au so gange, jo währsi!" het d' Mülleri gsüüfzget, "Dr Köbel, so lang dr Bater, my Ma, glebt het, het 'r si ordli düüßt") und z'säme gno, mir soz'säge keis grobs Wörtli gä; hätt kei Wahl gha, dr Hans selig hätt so öppis — du weisch's jo wol, Mareili, — nit dusdet, weder a den eigene, noch a de frönde Lüüte. Aber chuum het 'r d' Auge zuetho gha, do het dr Bueb gmeint, alls syg sys und er chönn alls regiere, Huus und Hos, bis inen i d' Ruchi. Und het doch no

¹⁾ einige. 2) widersetzlich. 3) geschmiegt.

so weneli prstanden und so weni Brstand aba, leider Gott vo Natur uns — weiß i Gottsname nit, vo wem 'r das g'erbt het, ömol vo mir nit und au nit vom Vater — so groblächtig und hölzig — — isch au jet nonit dr funft, brzieh mr's Gott, af i's fage mueß; isch gar nit eine wie dr Gottlieb - da het, bi aller Lustigkeit nes Imueth, so lind, wie nes wäch= fias, wie nes Chlosterfräuli; ifch so vrständig und Insmüehlig, donnt feis Chind beleidigen und glaub feim Thierli weh thue, bet mr vo jungem uuf gfolget schier uf e Düüt — — Und au 's Madlungeli so lang as ig das Meitschi i myr eigenen Obhuet gha ha, hätt i's chönne ume Finger ume lyre. Do isch 'm Hans dr unglückselig Gedanke cho - nei da Gedanke het 'm eigetlig in Schwester yblost, d' Leue= wirthene — für das Meitschi i d' Fröndi z'thue, i d' Pangsion, zwöi drun Jöhrli, wie 's jo jet dr Brunch fng gfantumen i bene beffere Bunfere. Geld het das fost, glaub mr's nume, Mareili: ne Steichratte voll - Und wo's endlige bei do isch us dr fürnemme Pangsion, groß und gstaadlig wie ne Herefräuli me bet's fast numme konnt - und ig gmeint ba: jet heich einisch hilf, ne Stüten i dem große huuß= wese - o wie bin i do agrönnt! Schaffe het's nümme chönne, nümme welle, nüt as d' Frauli spiele, dr Hoffert no finne, Tigare spiele; Büecher lese, büütschi und weltschi, wo nüt drin vorchunnt as vrliebts, uchrift= ligs, narrächtigs Züüg — D die Madammenanstalt — hätt i's doch nie dörthy gloh! — Und das herte Chöpfli, wo's hei brocht het, wo mir keis Bikeli

meh nohfrogt, das wüeschte Muul — i darf's nume Niemerem chlage, d' Lüüt wurde fage: worum duldisch das, du eifältigi Frau? Aber was sell i mache? Furt= jage, mus Chind, mus einzig Meitschi? Oder Husche') aä, wenn's nit folge will? Das wär halt 's best; und scho mängisch bin i druff und dra gsi, wenn d' Wort nüt abulfe bei, die Seiten uufz'zieh. Und ba's eisder wieder loh gelte, ha denkt, es werd öppe mit dr Hülf Gottes an meh Brstand übercho mit dr Byt, und well dr Strpt mode: und brav bete — was wüll i anders machen; ig olti murbi schwachi Fran? — — I ha Niemer meh, keini nooche Brwandte, won ia mys Elend dönt chlage. Dir aber fägen i's, Mareili, nummen af gfehich, wie viel as da groß Ruchthum zbedüüte het, wo d' vorhi gseit hesch - Ach Gott, es het scho Stunde gä, scho mängi, won i gern tuuschet bätt mit'm huusärmste Wybli, jo währli! - - Aber was i säge wüll: Do mys Gotteli2) do - wie heißt's numen au? Aha, Ranni, wege dem Meitschi bin i eigetlig cho - - Loh mir das, Mareili, i Dienst!" "Aber Jösis! Was denket Dr au, Meisterne?

"Aber Fösis! Was denket Dr au, Weisterne? 's Nanni, erst zwölf Johr olt, no nes lötigs³) Chind —"

"Zwölfi, oder dryzehni, chunnt uf eis use!" seit d' Müllere. "'s Meitschi isch groß und starch gwachse, het syni gsunde Glieder und diffigi Augen und ordli Brstand, das gseht mr 'm a — Strabliziere thuen i das Meitschi nit, bruuchsch sei Chummer z' ha, Ma=reili — "

[&]quot;D jo, das weiß i wol!"

¹⁾ Ohrfeigen. 2) Rleine Pathin. 3) pures.

"Also soh mr das Chind! Channsch's öppe scho etmangle, hesch jo dere Rustig no gnue, wo noche wachst. Mir aber chäm's kommod, für 's pöstele und uushelse do und dört; und 's notisnoh im Huuswese z'brunche. Und es sehrt d' Sach; und mueß ne rechti Chost ha und rechti Chleider, do druuf channsch zelle; und zuedem no süfzg Franke Lohn, scho 's erscht Johr; spöter no meh — me cha denn no suege."

"Aber nei, was Dir nit fäget! Da 'sch jo, mit de Chleidere, ne wahre große Magdelohn! Körsch, Nanni, was dy Gotte seit! Wotsch mit-ere goh, hei i's Huns, und byn-ere blybe? Nu so red denn au, Nanni! Denk, wie guet z'esse, wie schöni Chleider, viel schöneri as mir vrmöge — Also Du gohsch, mit dr Gotte, gel?"

"Dei !"

"Aber los mr an do — worum denn nit, Chind?" Do het 's Meitschi d' Wuetter ume Hals gnoh und 's luuter Wasser aso briegge und gschrone: "Darf i denn nümm Dys sh? Wotsch mi denn vrchause, vrstoße, Muetter?"

"Bhüetis Gott nit, a das denkt kei Mönsch! Au Dir nit, gellet Gotte? Bisch jo ganz glych mys liebe Chind, mys liebe Nanni und wirdsch 's blybe myr Lebtig!"

"Fo!" het d' Müllere bstätiget. "Und darfsch all Sunntignomittag hei goh zue Dym Muetterli oder so bhäng as Längizyt überchunnsch — Ach Gott, das guete herzige Chind — hätt ig doch numen au so eis!" het sie gsüüfzget — —

Und am nööchste Sunntig 3'Dbe, wo 's Nanni hei chunut uf Bsuech, us dr Mühli, hocket's hurti ab uf's Dfebankli und seit: "D, i bi so mued vom Springe! d' Gotte het mi scho aly lo goh, scho 3'Mittag, no dr Chindelehr, d' Madlung1) aber het mi do und dört use aschieft, mit Brieflenen uf d' Bost, zum Chrämer go Hoornodlen und Steckgufe, zum Beck go Paftetli hole, zwöimol zue dr Huetmachere - gab wie d' Gotte abgwehrt und balget2) het, sie sell mi doch nit so helchen3) am ene heilige Sunntig, nume dr Hoffert z'wege. D da 'sch ne gueti, die Gotte! - Und die Chost, das Esse, wo do achochet und uuftreit wird: de Morge herrlige Gaffce, zwo dick Channe voll, zwo Blatte voll Herdöpfelröfti, mit ere Ruume4) zundgal; und Leibe Brot, me ma fie chunm g'arfele5), Brot z'gnue, über e Tisch ewegg ; z'Mittag Süuffe Smues aller Gattig, und Späck drzue, großmächtig Schnydete; oder Chnöpfli6) oder Pflutten oder Bappe - o Müetti, do aits z'Esse, do so's Sachen i dem Huus inn me prstnunet schier, jo awüß! Und z'erscht han i denkt: chunnsch ächt au einisch gnue über vo dene guete Spyse? Und dr dritt Tag han i scho nümme halb so viel möge, bi scho schier meisterlosig worde. Und ha denkt: wenn i doch vo dem nume chönnt heilängen em Müetti, wett gern e chly faste — Und dä Huuffe Lüüt, wo all Tag a Tisch hocket, Chnecht und Mägd und Tauner; und die arme Lüüt, wo ahosche vo Morge bis Nacht und wo gspiese werde vo dr

¹⁾ Madelon = Magdalena. 2) gescholten. 3) qualen, 4) Kruste. 5) mit den Armen umspannen. 6) Klöße.

Sotte — 's nimmt ein ordli Bunder, wo sie's hernimmt, jo gwüß — — Und dä groß Hund — z'erscht
han ig 'n grüüsli gförchtet, wenn 'r mi so bös agluegt
het mit syr Doggenase; jeh nümm, i bringen 'm 's
Fressen und darf 'n alänge wien i wüll — — Und
— hätt's jo bald vrgesse — do schickt ech d' Gotte
nes früsches Byßbrötli, und morn sell eis abecho mit
'm Mehlseckli, am liebste du selber, Müetti — D
da 'sch ne gueti, die Gotte — nit wohr?

"D jo! Die füfzg Franke Lohn, wo's dr vrsprochen und mir scho voruuszahlt het — sie het gwüßt, as ig keis settigs Almuesen anähm, keis! Du het sie dem Ding en andere Name gä — Füfzg Franke Lohn em e settig bluetjunge Meitschi, wo no häl nüt cha — jo sie isch ne gueti, d' Müllere! Und folg recht und bisch brav und flyßig — hesch fört, Chind?"

3.

Chrättechristes Meitschi het Recht gha: Da'sch ne Gwerb gsi und ne Sach i der Mühli inn, nit bald eso Land uuf und ab; ne Mühli mit vier Mahlgänge, das het g'chläpperet und g'chläselet, me het schier 's eige Wort nit vrstande; die Frucht- und Mehl= und Holzwäge, wo acho und abgange sp — das het g'cheßlet und g'repoltet schier Tag e Nacht, ohni Uuf= höre. Und d' Sagi mit ihrem Grassel, d' Werchrybi*) — drzue das große Buuregschäft — wenn's glüütet

^{*)} Hanfreibe.

het mit 'm Glöggli, zum Esse, do fy fie cho, die Diensten, us allen Eggen use, wie gschneit — —

Wo 's Nanni selb Sunntig 3'Dbe wieder hei cho isch i d' Mähli, vo deheime, het d' Gotte grad die junge Hüehnli afnetteret und gseit: "Bisch scho wieder ume? Gel, du bisch grüüsli gsprunge, gfeh dr's a de rothe Bäckli a! Isch 's Müetti doch asund und wohl? Und hesch's uusarichtet, was dr aseit ha? — Das quete Mareili — so ungfähr isch's nes Meitschi afi, wie du, wo's zue eus cho isch i Dienst, gar nit viel größer. Und das Grüebli i dr Bace, das bruunglanzed Hoor, grad wie du - 's isch mr, es sng erft gester asi! Und isch doch sider meh as zwänza Johr, isch so viel über mi gange, Freudigs und Truurigs, so viel, jo währli, i Gottsname — - Jet Nanni, wenn öppis schaffe wit, so legg nes Werchtigschäubeli a, und reich im Chämmerli hinte zwee Leibe Brot, vo dem ältere, härte, z'hinterisch uf dr Hurd; und foh afo nschnide für morn, i das wyße Chörbli, frei rein — 3'erscht aber nimm no öppis Zimmis — im Chunnstrohr inn stoht Gaffee und Milch — stell's wieder ordli z'warme, viellicht nimen ig au no nes Schüsseli. Und i dr Tisch= drucken inn, z'hinterisch hinte, isch no nes Stückli Ankezüpfe, ha dr 's extra danne tho — nimm 's nume bergaft, 's isch jo Sunntig, und muesch au so anne springen und schaffe!"

Chuum aber het 's Nanni dr Gaffee hgschenkt gha, isch d' Madlung, d' Tochter vom Huus, cho d' Stegen abzruusche. "Aha, bisch einisch do? seit sie, "Gschwind louf zue 's Bleickers aben und säg, sie selle dr Lisette

dr Schahl und 's Hüetli schicke, mr welle e chly spaziere goh zsämen, i 's Ottilichäpeli use — gschwind lauf, frei gschwind! — — Und los no, Nanni: Au 's Parisöli selle's dr mitgäh und d' Händschli, die gäle — nu gklingg!"

Aber au wo 's Meitschi zrugg cho isch vo dr Bleiki, gschwind wie nes Keh, het's no kei Kueih gfunde. "Do", het d' Madlung gseit, "do hesch nes Zedeli, und mit dem gohsch hurti i Leuen abe — aber paß guet uuf, was i säge: Das Bilseh gisch niemer anderisch, as em Friz, ihm selber — hesch kört? Er thüe grad cheigle, du rüessch 'm neben usen aber jo aß niemer nüt merkt! Hurti, hurti! Was luegsch mi no lang a wien 'n Delgöß?"

"I darf nit, darfsch schier gar nit! D' Gotte het mi gheißen pschnyde —"

"Wotsch ächt goh uf dr Stell? Oder sell dr Füeß mache?"

D wie das zimpfer syn Meitli so bös het könne luegen und Füüstli mache! Und 'm Nanni, wo's ume cho isch, "Dubel" und "Muulass" gseit bis änen usen, aß 's dr Frip so lang nit gfunden het!

Dr Gaffee isch g'chaltet gsi und au Züpfe het 's Nanni nümme möge, 's Augewasser isch 'm d' Bäckli abglause bi dem Pschnyde. Und bi dem Jüstlen, aß ömel d' Gotte nit balgi, schnyd se si no i Finger, recht teus. Und 's het g'süßzget: "Wär i doch wieder deheim bi mym arme Müetti, wegg vo dem hochmüetige böse Fümpferli — worum gohn i nit hei? Nei, i darf's dr Gotte nit z'leid thue und au em Müetti nit

— Chleidli und füfzg Franke — 's Geld het sie jo scho, voruus — Nei i wüll mi i Gottsname lyde, mynen arme Lüütlene z'lieb! Sie müeße jo au gar gnue thue und das no bi der armselige Chost — —"

Die Wolfahrt i's Ottilichäppeli use het ordli lang dunret, bis i d' Nacht ine. Und wo d' Müllere mit ihrer Tochter balget het, scharpf balget, wie das kei Art sing von eren ehrbare Tochter, so umenand z'säckle di Nacht e Nebel; do isch d' Madlung schröckli uuse bündlet und seit: "I ma thue wien i wüll, so mach i nüt recht! Sell i öppe, so jung as i bi, i's Oseneggeli hocke, zum Büüßi, und dr Nosechranz beten und Trüebsal blose vo Morge bis Nacht, dr ganz Sunntig? Nei, do wüll i denn lieber grad i's Chloster goh und mi lo ymuure — Anderi Meitli hei au ihri Freud, göih do und dörthy Sunntig und Fyrtig — numen ig sett kei Freud ha, sett deheim vrgrauen und vrsuure?"

"Anderi Meitli mache si lustig — jo do hesch Recht", het d' Muetter druuf gseit. "Sie suechen ihri ehrbari Freud, all Sunntig. Am ene Werchtig aber, die ganzi Wuchen uuß, thüe si schaffe und werche, so wyt i gseh. Thüe nit erst uufstoh, wenn d' Chnechte chöme cho z'Nüüni*) näh, und dr ganz läng Tag uuß numen Wisten epsoh, oder z'Wiste goh oder Gäuggelwerch trybe, wo nüt nütz und nüt abtreit — drwyle die olti übelzytigi Muetter schier z'Grund goht, di all dem schaffen und sorgen und chümmere — schämst di denn nit, Madlung? Wenn das dy Vater gsäch und

^{*)} Zwischenmahlzeit.

chönnt luegen und lose, wie du's trybsch und mit dyr Muetter redsch? Nei, 's isch besser, er kör 's und gseih 's nit — oheiheheie!"

Uf all das jommeren und balge het d' Tochter numen ei Antwort gwüßt, die nämligi, wo sie scho mängmol bruucht het mit guetem Erfolg: "I bin Sch halt nüt lieb, nume d' Buebe! Fo a denen einzig heit D'r dr Nar gfresse, die chönnte thue und Geld bruuche wie sie wette, die sy glych lieb, glych werthi tuusigs bravi Chind — Aber i cha jo goh! Cha mys Brot scho vrdiene, pursür! Cha Gouvernante sy, Chammerjunpsere, Chellnere — o mir macht 's kei Chummer, dur d' Welt z'cho! Und so guet, wie desheime, sind i 's allweg allenorte — säget nume das Wort, i sell goh! — —"

Aber d' Muetter het das Wort nit gseit — — Ihri liechtsinnigi Tochter i d' Welt use schicken, alle dene tuusig Gsohre prysgäh — ach nei, das het sie nit chönne, nit dörfe.

Und d' Tochter het eigetlig an nit ernstlig begehre 3'goh; die wyti Welt wär ihre scho recht gsi, aber 's Brot vrdiene, diene, früeh uufstoh und gar no solge — nei, doch lieber nit! Demel jetz nit, wo sie just nes Briesli übercho het, nen Antwort vo dem junge Herrli us 'm Weltschland und das Brhältniß neuerdings aknüpst worden isch mit 'm Gusäng im "Leue."

Spot 3'Nacht, wo Alls scho i dr Rueih gsi isch, het's nes großes Grepolter gäh im Huus ume. Dr jung Huusheer, dr Köbel, isch hei cho vo Schindung*)

^{*)} Chindon (Berner Jura).

Märet, mit ere Chuppele Roß. Mit ihm 's Chronewirths Suhn vo Großhuuse, sy nooch Fründ.

Dr Köbel het ne Stimm wie ne Leu, wie ne Baßtrumpete; und wenn 'r lachet — o das mueß me
gjeh und köre, das lache, wien 'r 's breite hööche
Muul uufthuet und dr Chopf hintenabe henkt, aß 's
recht use mah, das "hahahaha!" so grob, so luut!
Und dr Chopf so chugelrund und dick, so unendlig
dick; und drzue die chlynen Aeugli, die ydrückti Nase,
die nideri Stirne, die große Ohre, wo so wyt abstöih,
aß mr chönnt nes bahigs Brötli behinter stecke; die
zwöi Chini — bi dene junge Johre scho — dr churz
dick Hals, die breiten abgschleipsten Arle, dr läng
gwaltig Lyb und die churze chrumme Beinli drunter,
die breite Händ —

"Hahahaha!" het 'r glachet und d' Peutschen uf e Tisch ane gworsen und dr Huet uf en Ofesitz. "Hahaha!" — dr Bäri — Bäri, könsch mi au no? So gib mr dr Talpe — so! Und Du, Muetter, was hesch is z'Nacht? Do der Fründ lohn!) i hinecht nit hei, dä blybt do im Guscheeh, hahahaha! — — Und d'Wadlung — scho im Nest? Wei's go wecke, Schangi?) — ne Gspaß! — —"

D' Muetter het gnue z'wehre gha, aß die atrunkne Gselle nit im ganze Huns ume grolliert sy die selbi Nacht, so dumm und afächtig hei sie tho. Gern het sie ne Hammeschnitz uufgstellt und früschi Weggli und Wy und Chirsiwasser bis gnue, numen aß sie rüchig sy blybe hocken und au anderi i dr Rueih gloh hei.

¹⁾ laffe. 2) Dim. von Jean.

D' Madlung isch, wie gseit, eisder wytuus die letschti gsi i de Federe. De Morgen aber, wie das g'jeuckt het im Hof ume, die junge früsche Koß vorgsüchrt und prodiert worde sy und au die olte, für sie dem Fründ z'zeige — wer hätt do chönne schlose? Und dä jung Chronewirth, dä hüdsch alärt Burscht — D' Madlung het 'm im größte Neglischeh zuegluegt dur d' Schalesie dure — und ne ganz gwaltige Schluß gfasset: Jeh stohsch au du uuf und wenn's erst halbi siedni wär! — In der That aber isch's scho halbi achti gsi am Sunnezyt a dr Mühli äne.

Also uuf isch sie gstande und het si hübsch zweg gmacht; und nes wyßes Chuchischürzli umbunde; und mit Flyß nes chlys Chuchischnäuzli a 's Chini gmacht; und was d' Muetter allerlei Guets gchochet het dem Gast — wo eigetlig no ne wytläusige Vetter gsi isch — z'Chre, das het d' Madlung ine treit und uuss gstellt, aß me hätt chönne und selle meine, sie hätt das Alls zwägkünstlet, so herrlig guet; und so gschäftig tho; und das Kumplimänt vom Herr Vetter so sittsam etgege gnoh und schier rothi Väckli übercho, won 'r ihri Chocherei grüehmt het; und Gott danket, aß grad dr Brueder Köbel use het müesse, go de Chnechte Vscheid gä — gwüß hätt 'r aso lache wie ne Nar und sie verrothe — o für das wär 'r nüt z'guet gsi, dä grob Lali — —

's Nanni, wo dr Huusgang gwüscht het — 's isch frei erschrocken und ganz roth worde, wie's dä jung Meister, dr Köbel, agluegt het im Brbygoh; und 's g'fört's, wien 'r zue dr Muetter seit — 's

hätt selle lyseli sh, aber ander Lüüt het's ebe nit lyseli dunkt: "Das Schützligmeitschi do — wofür das? Sell das öppe do blybe? Eis meh as Brot ißt, he?"

Do het d'Müllere au afo reden und zwar lüüter as dem dicke Pralli lieb gfi isch. "Eis uvrschannter as 's ander, bu und 's Meitschi! Bi jet über Sächzgi und ha d' Bei voll Gfüchti und muek schaffe Johr uus uud p wie nen huusarmi Frau! Und wenn i, que myr Uushilf nes halbbatigs Meitli que thue, so goht das no schröckli übel bi dr Herrschaft, thuet me me's proonne -- - Meinet dr denn, i sva vo Men und Stachel? Dber ne Gottswillefrau, ne hund? D wenn dr Bater selig no lebti, da het doch no Brstand gha und gwüßt, wer i bi und für was as me mi sett ha — moni Chind aber wüsse's nümm, bei's schonts ganz vrgesse, wer ne 's H- putt und sie dure gschleipft het i gsunden und chrankne Tage - nei, sie wüsse 's nümm, jet wo sie d' Rasen ellei chonne schnüuze, werfe sie eim d' Schlötterlig a! D läg i doch au bim Sanfi felig im Grab! Um End reut fie das Bibeli Esse no, das Schlückli Gaffee — wer weiß?"

Und sie het afo briegge vor Maßleidigkeit, und dr Dick, ihre Suhn, afo muren und öppis brummle vo "Narethei", "dumm's Sschwäß", "Flännizüüg" äßetera und isch drvo trappet wieder i d' Stuben inne.

D' Mülleren aber, no'n ere Wyl, het d' Auge trochnet und gseit, zuen ere selber: "Wol, wol, Eine het Brstand, dr Gottlieb — — " Und ihres Gsicht het si wieder afo ufheitere; und lyseli, bim Bohnen= erlese, het sie's wiederholt: "Jo, dr Gottlieb, dä het Brstand, isch eine, so guetherzig, wien en Engel!"

Wer isch ächt das, dr Gottlieb? het 's Nanni benkt. Deppe dr Student?

Just dä isch's gsi.

Und d' Gotte Müllere het mörnderisch selber und ungfrogt drvo agfange, wo sie Gschäft*) 3'sämegleit hei. "Dr Gottlieb, euse Gottlieb — könnsch 'n an, Nanni?"

"Nei, Gotte — das heißt, i ha einisch zwee Stubente gseh dr Berg uuf cho, mit rothe Chäpplene, und me het gseit, eis drvo sog Eue, 's Müllers. Aber i ha nit gwüßt wele."

"Dr hübscher, Chind, dr hübscher! D da settsch gfeh, wien 'r Bäckli bet, wie Milch und Bluet, und so schön schlangg und gattlig gwachsen und 's Thue= dium so fyn und doch nüt stolz. Und so glehrt — redt dr Sproche, nes Halbdote, vrstohsch kei Silbe drvo, und schrybe, läsen und rechne no wytuus besser as dr jung Schuelmeister — Und 'r wüll geistlig werde. Das heißt, zwänge thuet mr 'n nit, bhüetis nei! Aber gern gfäch i's, schröckli gern, und das weiß 'r - Und einisch, wenu 'r denn Pfarrheer isch. sings do oder dört, gohn i zuen 'm, blybe byn 'm bis zue mym letschte Stündli, wo mr dr Herrget rüeft - gang lue doch aschwind, öb öppe d' Bohnen über= choche, gang frei weidli - Jo i zäh Tage, morn über nüün Tag chunnt 'r bei z'Ravanz, das beißt: benn isch d'Studenteschuel uns — o i freue mi das

^{*)} Linnen.

Mol, 's weiß kei Mönsch, und blange wie no nie! Drum han i au d' Matrate lo chehre, aß sie schön lind isch, und d' Wösch gha; und d' Näihere macht 'm nes Dotze rystigi Hömli mit slächsige Chrägen und Buese — o dä wird Freud ha — — Jo währli, morn goht's nume no nüün Tag!" —

Die Tage, wo die gueti Frau Müllere so gnau noche zellt het, sy vrschwunde und no ein drzue — ihre Suhn Gottlieb aber isch währli nit heicho.

Ne schröckligi Gschicht het si zuetreit gha — —

's Nanni, wo's nes Augeblickli hei het chönnen uf Bsuech, het's sym Müetti schier nit chönnen erzelle vor Schnuufen und Jaste:

"Grad am letschte Tag fpg's gfi, am letschten Dben, und d' Studente heige no nes großes Abschiedstrinket aha im Bierwirthsbuus und ihri Studenteschuelmeifter au drby. Do, teuf i dr Racht, heb's Füürlarme ga und Alls sing unsprost wie Brunch und Recht. Und richtig heb's scho schier zue allne Fensteren uusbrönnt am ene Hung i dr hintere Gaß, wo alls minderi Lüüt wohne, 3'chnuppeliwys i dene höche Stöcke. Und e Ma, nen arme Schnyder, mit eme Chind im Arm, heb gjommeret und gschroue: "Ach Gott, 's isch no eis doben im vierte Stock!" Und d' Stäge brönnt — und niemer heb meh dörfen ufen - as Gine, dr beft Chläder= und Gumpermeister vo allne Studente. Und dä sya ufe astiege, vo ussen ufe, me heb fast nit dörfe luege; und es Seil agmacht am Fenster und 's Chindli, won 'm die Frau glängt het, i Arm gno und mit 'm abegrütscht, wie ne Pfvl, 's Seil ab; und isch, gab wie das Volch abgwehrt het, zum zwöite Mol nfe= gftiege, für go das arme Wybli z'hole. Er heb's gholt, sozfäge zue de Flammen nuß! Die Flammen aber, drüber erbost, hebe 's Seil agfresse, 's Seil soht so goh, und ratich! ligge die Zwöi am Boden uf br berte Bieti, er untefür, fie obenuff. Ihre, dem Fraueli, heb's schier nüt tho, aber er — bhüet is dr lieb Gott. wie het die armi Gotte gjommeret und gjäblet, wo sie's brnoh het, me het fast nümm dörfe warte! Und ig ha mit ihre müesse briegge, i ha nit anderisch chonne, so het sie mi duuret. Denn da jung muethig Student isch ihre Suhn, ihre Gottlieb - bent au, Müetti, wie grüüsli - - Und me heb ere nit emol Alls dörfe fäge, wie elend, wie schröckli elend und vrheit dä Chnab zuegrüftet und zwäg sig, zwüsche Leben und Tod! Nächti!), i aller Ml, het sie dr Leuewirth i d' Stadt müeffe füehre, sie bet schier nit emol dr Wyl anoh, nen anderi Scheuben 2) umz'binden und d' Huuben uufglegge, so isch fie erbatteret gfi, gang us 'm Suusli, die armi Gotte!" - -

An sie, 's Nanni's Müetti, het z'chlage gha, frei viel. Dr Hansli syg flyßig und hunslig, meh as hunsslig, schier gytig; me dörf nume nümme gnue choche, es reu en jedes guete Mümpfeli, wo us e Tisch chömm, jedes Stückli Brot, wo sie de Chlynen abschnyd; und wenn die Andere, syni Gschwisterti, nit eisder schaffen und zueträgen us Lyb und Lebe, syg 'r luuter wild und taub und grob und uwirsch wie ne Chätzer—gar nit wie dr Vater selig, wo so manierlig tho und

¹⁾ Lette Nacht. 5) Schürze.

Brstand zeigt heb bi aller Hunsligkeit — Bsunders mit 'm Liseli chönn 'r si schier nit vrträge, dr Hansli; die Zwöi thüeie chissen und chasse und gege nand bäumele wie zwee jung Güggle, aß mr mängisch frei müeß abwehre. "Und scho mehrmol het 's Meitschi dräut, es sauf no drvo, au go diene wie du. D Nanni, wie mir das Müeih macht, dä Ufriede, das G'chär!"

Also Chrüüz allethalben, im Buure= wie im Tauner= huuß!

4.

hrüüz allen Orte. I dr Mühli aber 's größt. D' Müllere isch hei cho — ohni Suhn. Und het 's Huns voll g'jommeret und g'jäblet; und isch ichier vrzwyslet, so daß me dr Pfarrheer het müesse reiche, so het sie tho. "D du arme Gottlieb!" het sie gschroue, "du armen arme Bueb, wie du muesch lyde! — Jo, denket, Herr Pfarrer: dr Rüggegroth broche, d' Hunsgmacht, d' Hand verrenkt, und 's Bei — ach Gott! sie wei 'm 's Bei abnäh, 's rechte Bei — Aber i loh 's nit gscheh, so lohn i mi Bueb nit traktieren und vrschnässe, nei i Gottsname nit! Er mueß jo geistlig werde — o helset mr au, Herr Pfarrer, schrybet, redet mit ne, aß 'n ömel nit so schröckli struppiere! Und göiht au einisch zuen 'm use, zue dem arme Bueb, i bitten Ech dr Tuussiggottswille!"

Sogar dr Köbel het sytdem viel süferliger afo reden und thue. Und sy Trost g'üßeret und sy Roth: "Selbmol, wo das brunne Handroß über 's Flüeli abegheit isch — wie lang isch 's jetz, drüü Johr? — und dr Scheiche') gschunde het vum Gsieser ewägg bis oben a 's Chneu, schier bis uf e Chnochen ine, do het dr Schachevehdokter ne Salbi agmacht — i bi selber drby gsi und ha 's gseh, ömel 's mehrste, was 'r drzue gno het: Hundsschmolz, gäls Wachs, Bülsharz, rein vrstampsete, i dr Milch gchochete Tuubes mist, vrmürsleti") Deckelschnägge, Säu —"

"D hör doch uuf mit dem dumme Glafer!" isch 'm Muetter uwillig ngfalle — 's erst Mol, wo sie so bös mit 'm gredt het — "hör doch uuf vo dem Behwäse brichte! My Gottlieb isch keis Roß, isch ne zarte Chnab, dr best wo unter dr Sunnen ume lauft! Nei, jet chanu 'r nümme laufen, isch dr ärmst unglückseligst Tropf uf dr Welt — o wo het 'r, wo han ig ächt das schröcklig Ungsell vrdienet!"

Für ihn und bi de Chnechte, bim Nachtesse, het dr Köbel gradglych uf syr Meinig vrharret: "Wenn 'n nume der Schachechlausi unter d' Händ bekäm, dä bräch 'n zwäg! Er het mr au no nes anders Mitteligseit, bsunderbar guet für allerlei Präste und Wunde— i ha 's vorhy, wo dr Pfarheer do gsi isch, nume nit möge säge— 's stinkt e chly lunt, selb isch wohr; aber besser, bsunders für vrlezti Blessure, gäb's nüt, i keir Apeteegg: Mi nimmt halt drüüerlei, vo de Mönsche, vo de Hüchneren und vo de Säne— thuet Wressig und Scharniggel= und Chäslichruntthee dra und vo junge Buebe— aber was wüll euserein

¹⁾ Schenkel. 2) Im Mörser zerstampft.

au reden und arekommidiere? Die Herre si gar gftudiert und meinen, es chonn und wuß niemer nut as fie. wenn sie scho mängisch dümmer sy as dr dümmst Buurekerli - Gstudiert - was isch das, astudiert? Schön fun schryben und lese? Naretheie lehren us de Büecheren use? Sproche, af fie enand selber numm prstönd? I bi nit so lang i d' Schuel gange wie die Glehrten, und au nit dr nusbund besser asi: aber so aschod und illustriert wie die bin i denn au! -— Sp einisch mit 'm Liebel 1) zwee Studente hei cho und paar Tag do bliebe 3'Ravanz; und die hei tho und ahaseliert i dem Züüg ume wie die wilde Ranibale, me bet mängisch frei müeße lache. Und einisch, wo sie an i dr Mühli ume arolliert in und enand d' Chittle woß amacht bei us luuter Tüüfelsucht, han i gseit: "Do, dir herre glehrte Muffieh: do i dene Secken inn isch Frucht aller Gattig — wele von ech cha mr 's äschpliziere, was fürigi?2) Und denk mr: Em Buech= weize hei sie Rogge gseit, im Rogge Haber, d' Wintergerste für Chorncherne, d' Wicki für Säubohnen und die für Rosinli agluegt, ätetera — schier zum todlache, hahahha! - Wie aseit, mit dem Studiere, mit eusem Liebel, bet 's mueke zwängt sy, vo ihre, dr Muetter uns -- Ja, wie gseit, ha au nit astudiert und stoh doch feim us Weg im Handel und Kummärs, i alle Gschäften, allen Orten — oder isch 's nit so? Sell mr eine nes Rok porfüehre oder ne Chue oder nen Or und meinen, i chonn öppe nit drüber cho, wo 's fehl? D bu Züttel du! Ober Frucht? - finsterlig wüll i 's gruffe, was

¹⁾ Gottlieb. 2) für welche.

und wie sie isch, was Gattias - Und dr setted 's nume fore, wien i mangisch im Smeinroth uuspacke - wol, die thüei d' Ohren und d' Raselöchli schön uuf, pot millidie! Jo mit 'm Redhuus forcht i halt keine, selb isch wohr — — Und no einisch vo eusem Liebel ahz'foh: 'r thuet mi doch duure, duuren aß 'r isch go studiere; hätt 'r das nit tho, so hätt 'r hüt no syni grade Glieder, sy quet gsund Grind wien ia! Und was das Bürschtli scho Geld a'choft het — Manne, dir würdet luege! — ne ganze Huuffe, elend i Dreck uuse gheit. Rit ag mi eigetlig reut, aber me zellt numen au drvo, und i ha 's scho uusgrechnet, wie manas Baar Stieren af mr batt donne brfür chaufe — nes halb Doke — — Und de no die zwöiti Dummheit, die malefix dummi: an es brönnligs huus ufe 3'chlädere, 's Lebe 3'woge für settigi Lüütli, schunt's ganz minderi, wo viellicht nüt a dr Welt az'spreche hei, kei Fure Land und, wer weiß, 's Füürli viellicht felber przeuserlet bei — was syn 'n die agange? Kei Bit, gar kei Bagitäll! Und mit eme dlyne Chind huuszhöch abe zrütsche, 's Seil ab — ig miech bas nit, i denkti; dere Ruftig isch 's gnue uf dr Welt, 's git jo all Tag - hahahaha. Oder han i nit Recht, Christe? - So, jet wei mr baten und de wüll ech 's fäge wege morn d'"Drnigtuschur", seit dr Weltsch."

Dr Madlung wär das Ungfell vo ihrem Brüeder wahrschynlig au recht nooch gange. Fataler Wys aber — 's het halt au so müeße z'sämetreffe — isch au sie grad vom ene schröcklige Schlag heimzsuecht worde; 's Lenewirths Friz, ihre hübsch Gusäng, het schließlig,

ftatt mit ihre, mit 's Bleickers Lisette Allianz agfange — "D dä impertinent wüest gwüsselos Burscht — 'r isch nümm werth, aß 'n dr Erdbode treit, aß 'n d' Sunnen aschynt, nei gwüß nit! Und d' Lisette — wie faltsch, wie elend, wie spizdüedisch faltsch! Also wege dem die dicki Fründschaft, wege dem das Gläus i 's Huns, wege dem das Gslattier und Gheuchel, aß ig sie sett yfüchre bim Friz, aß sie mr 'n chönn abwendig mache, abstehle? D i chönnt 'm d' Augen uußechraße, dem Gäznäsi, chönnt 'm das uufgstrüüßt Chruselehoor zum Grindsi uußryße, chönnt's glaub vrwürge!"

Das Elend het das Töchterli ganz chrank gmacht: Stürmi, Chopsweh, sogar chalti Fröst — Und briegget het's und ulydig und wunderlig tho — '& Nanni, won 'm het müeßen abwarte, isch dr plogtisch Mönsch gsi uf dr Welt.

D' Mnetter aber het gmeint: "'s isch em Madlungeli au schröckli nooch gange wege dem arme Gottlieb — wie sett's nit? Me müeßt jo kei Funke Liebi, me müeßt keis Herz im Lyb ha, wenn das ein nit müeßt agryffe, jo währli — Aber aß das Meitschi no so viel Brstand und Beduure hätt — das hätt i doch nit glaubt, nei wägerli nit! Nanni, bring 'm ömel flyßig Thee! Und am End wär's doch besser, me thät dr Dokter reiche, aber dr alt, nit dr jung, dä thät's allwäg ordli schiniere und dörft 'm nit emol Alls säge — Oheieheie! Dä Gottlieb so elend hergrichtet, 's Meitschi chrank — und mir selber chlopfet 's Herz schier zum Brspringe — jeß säg mr no öpper: dä Rychthum, das Wohllebe, das große Glück i dem Huns inn! Mit 'm ärmste Fraueli thät i tuusche, gäb Hab und Guet, wenn nume dä arm Bueb wieder zwäg chäm mit gsunde Gliederen und aß 'r no chönnt geistlig werde!"

's het sie nümm a'litten deheim, die armi Müllere. "Cha keis Aug meh zuethue!" het sie g'jommeret, "kei Minute meh rueihe. Im Wachen und Traume dunnt mr ba arm Bueb vor, wien 'r b' Sand gege mr uus= streckt, die woße magere, und mi so beduurlig aluegt, wien 'r 's amacht bet vorgester - - 3 gob, i mue & goh, gohn 'n bsueche! Wenn i wieder hei chumme i weiß 's nit, Nanni, du bisch no jung, grüüsli jung. Aber gradglych, do hesch d' Schlüssel, dir vetrou ig fie a, b' Chafte, d' Linschen und 's asig Bung!) -- Lueg mr schön zue Allem und heb frei Acht, aß ömel nüt z'Schande goht — hesch 's jo wol gseh, wien ig 's mache. Am Mehltrog isch's agschriebe, wie thüür jedi Sorte, und am End isch jo dr Köbel au do, für Uuskunft a'gah - - Leid gnue, af i keire vo de Mägde darf troue, nit emol em Breni, wo doch scho so lang do isch — ha 's erfahre, wie das cha rechnen und huushalte, selbmol, vor zwöi Johre — - Und förcht di nume nit, Nanni, wenn's di au suur aluegen — i will ne's scho sägen, öb i goh! — — Und gang z'Nacht i mys Bett go ligge — hesch fört? Und nimm ehnder2) dr Bäri que dr i 's Stübli. de hesch queti Wacht. Am ene Chrömli sell's dr nit fehle, wenn d' witig bisch — Und gib ömel brav z'Almuese, Nanni, recht viel, mach aber, af 's dr Röbel

¹⁾ eßbare Sachen. 2) (hier:) lieber.

nit gseht, 'r isch leider Gott gar e grüüsslige — — Bached isch's ömel no für zwei Tag und g'anknet au; 's Mischabnäh — du weisch jo, wie mr das macht, gel? So wüll i jet i Gottsname goh!"

Chuum aber isch sie recht zum Huus uus gsi, isch dr Köbel überufe gange mit groblächtige Schritten, i's Madlungeli's Zimmer; und het aso poldere: "Wie? D' Muetter surt, und du bärzisch do im Bett ume, as wärisch au abegheit, hunsz'höch ab eme Dach abe? Isch das nen Ornig? Und do das Strupfmeitschi sell huusholte, das Bettellöchli, wo no sei Suppe g'sochet het? Und wenn's no eini chönnt choche, so müest mr jo no förchte, 's chäme Lüüs dry — Mee — sägen i, zum Käst uus! Oder i goh au und ligge dry, wenn doch Alls mueß drunter und drüber goh! Cha jo au e chly pfantastig thue — —"

Do het 'm aber d' Madlung alli Schand afo säge: "Du groben ufläthige Kerli du — gröber as Bohnestrou, as hagelbuechigs Holz — jo das bisch, dr gröbst Kerli uf dr Welt, fei Bildung; fei Brstand, nit nen Unze! Süscht chämisch eim nit däwäg, wenn me gar nit zwäg isch und no im größte Schweiß — schäm di, du Pflegel, du Tet garee! Und mach du d h Sach, eusi, im Huus inn, wird wol au gmacht werde — Und wenn jez nit use gohsch, so rüesen i zum Fenster nus i alle Lüüte — "

"Und ig", het dr Köbel gseit, "rüefen em Leuesfritz und allne junge Burschte, sie selle cho luege, wie das schöne gschläckete Müllermadlungeli im Näft ume droli, mir nüt und dir nüt, und wie das einisch ne

flotti Huusfrau gab — jo das thuen i, das sägen i, bigott's!"

"So säg's, i froge nüt drnoh! D' Lüüt könne di wol, wüsse's scho lang, wie ne grobe Cholderi bisch!"

Aber sie isch doch unfgstande; und isch i d' Chuchi abeschlurpet; und het em Nanni nes Buliong gheusche und nes Wilchweggli. "Du wirdsch doch wüsse, gschods und channsch's dr Muetter so guet breiche, bisch jo 's Hähnli im Chord — wie wetsch du nit wüsse, was nes Buliong isch? Nit? Nu so wüll ig's selber mache — nume träg 's Näsli nümm so höch! Au 's Mittagesse, für my, wüll i selber rüste — muesch mr's nit öppe no sürha oder go täsele, du hebisch mr müeße choche — i wett mi bedanke! Aber suuri Schnizlizirüste, für das wirdsch öppe nüt z'fürnemm su oder?"

's Buliong het no ne zimli trinkbari Fason gha, 's Mittagessen aber het euser Junpsere Madlung nit recht welle g'rothe. A d' Schnizli het's z'viel Salz tho, 's Süppli het g'räuckelet; und erst d' Amelette! "Lueg do", het d' Madlung gseit, gar hochmüethig: "lueg do, Meitschi, so thuet mr d' Amelette chehre, paß uuf!" 's Nanni het uuspaßt, aber nüt gseh, as dä Ciertätsch i 's Füür abe drole; und gäb wie's d' Madlung mit andere probiert — au wieder i's Füür oder i's Aescheloch abe — der viert endlige chehrt sie vrdrießlig mit 'm Schüüseli, soht 'n aber vrbrönnen, aß 'r nusgseht, wie ne Chohlesack und 'n kei Mönsch cha gnieße, nit emol d' Kay will si dehinter woge.

's feuft Ameletteli het du 's Nanni gmacht und das isch gstyf grothe, wenn au d' Madlung no so viel dra unsz'seze gha het.

5.

r Herbst isch cho, dr Winter. Dr Student Gott= lieb aber het eisder nonit welle, nouit chönne heicho.

Mängisch no isch d' Muetter i d' Stadt gfahre bi schön und wüestem Wetter, bi großer Chölti; und jedes Mol, wenn sie hei cho isch, bet sie a'jommeret. g'jommeret öppis grüüsligs: "Dä arm quet Bueb — 'r gfeht uns so mager, bleich und erbärmlig, wie dr bitter Tod. Drüü Mol scho hei's 'n g'operiert und weiß Gott wie mängisch brönnt, mit Höllestei, mit füürigen Die; und 'm neu Dwättig agleit, af br Rügge, dr Lub wieder sett grad werde — v sie traktieren 'n so unbarmberzia, 's nimmt ein Wunder, af 'r nonit astorben isch. Aber 'r wird wol sterben, o jo! 'r asebt uns wie euse Herrget am Chriiuz, vor Schwechi chan 'r schier numm zellen; und 'r luegt ein so truurig wehmüethig a us sonen vgfallnen Auge - - Und das arme Fraueli, em Schnyder ins, goht ichier all Tag zuen 'm und vrzwyflet schier, af 'r für sie und ihres Chindli jo schröckli müeß Inde, viellicht sterbe! Mundig*) het's 'm sogar nes Pfund Zucker brocht, het ameint, 'r sna au so arm wie sie, das arme Fraueli."

^{*)} legthin.

Au d' Madlung isch mit-ere gange zum Gottlieb. Aber d' Muetter het g'chlagt, wo sie hei cho isch: "Do isch 's Meitschi, anstatt öppe nes Rüngli bi sym arme Brueder z'sizen und 'm abz'warte, umenander pfänderlet, het mit dene junge Döktere g'liebäugelet und isch sogar mit eim im Spitalgarten umeg'spaziert — o i bi so höhn worden, i ha mi schier nümm g'spürt; han 'm aber au ferm dr Chopf g'wäsche: das chunnt nümme mit mr, ma dä Brdruß nit ha!"

Endlige, am Heiligobe 1), hei's 'n heibrocht, dr Gottlieb; guet pg'macht mit Chüssi und Wärmfläsche; nit gheilt, nume grettet. 's heile, hei d' Profässer gseit, müeß erst cho notisnoh, mit dr schöne Johrzyt, mit 'm warme Sunneschyn, a dr guete Chost und Pfleg.

Nu, a dr guete Pfleg het's nit gfehlt, bhüetis nei! d' Müllere het keis Geld groue, kei Müeih Tag und Nacht. Dr Sunneschyn, dr warm, het sie aber nit chönne chause, mit all ihre Feuslibere nit. Nauhi Wind sy gangen und hei gstürmt um's Huus ume, Schneesslocke hei gwirblet wie wild, sy a 's Fenster ghanget und hei nydisch ine güggelet i das schöne warme Stübli, uf das schöne warme Fluumbett, wo da Chnab glegen isch — hei sie das weeberen?) au g'chört und das süüsze? das zuesprechen und bete vo der Frau, dr Frau Müllere? Sie isch lang nümm die dicki chärschi meh gsi, sit dem Fall het sie um's Halbe gliechtet, isch dubwyß worde. Und si schier nüt meh agnoh um's Huuswese, 's merst dem junge Meitschi überloh, em Nanni.

D' Madlung isch zwar wieder hergstellt gsi schier

¹⁾ Weihnachtsabend. 2) stöhnen

uf eimol. Da 'sch selbmol gsi, am Santichlaustag, wo d' Draguner ngruckt in i's Quatier. Au 's Müllers hei, wie billig, ihre guet Theil übercho. Und d' Mad= lung het nen eigehändig uufgwartet und isch pütelet asi wie nes Muetteraöttissi, und 's woße Schäubeli isch ere so guet agstanden und sie het so zimpfer tho; und si dr Wy gar nit loh reue. Und nit lang isch's gange, bet's mit dem hübsche gschnäuzlete Kurier afo weltsch parliere; und 'm ihri Romanbüecher zeigt; und isch mit 'm go Rlavier spielen i d' Herrestuben übere, vierhändig oder no meh. Und z'Racht isch Bal asi im Leuen obe de Herre Dragunere z'Ehre. Und gab wie d' Muetter abgwehrt het, es schick si nit, au ganz und gar nit, go z'tanze, drwyle dr Brueder chrank ligg im Bett - "Chan i öppis drfür?" het d' Tochter umegredt. "Sell i denn gar kei Freud meh ha drwege, gar keini, vrsuure i dene Muuren inn?" Und sie isch mitgange, mit 'm Herr Furier, im höchste Wir - -

Und vo bört a het sie wieder afo Gitare spiele und singe: "Nach Sewilla, nach Sewilla — — " und: "Ach, wie ist's möglich dann — — " ätetera, aß 's ein dunkt het, dr Käpel*) sett nümm rüeihg chönne schlosen us'm Ofesit. Und het Briesli gschrieben, eis um's ander, und isch viel gsprächer und fründliger worde, sogar mit 'm "Weitschi."

Au em Köbel sh Stimm het wieder g'chlungen im Huus ume, i Schüür und Mühli, wie d' Posuune vo Fericho — 's son rede isch nämlig nie so Sach gst.

^{*)} Kater.

Und d' Muetter, wo dr Gottlieb hei gsi isch, het mängs Brdrüßli gha und mängi Angst, wenn er, dr Köbel, do i's Stübli hinteren isch cho z'rönne, mit schweren, unkamblige Schritten und mit spr luute Gelle') gfrogt het: "Wie goht's? Wie stoht's? Weit dr jetz no nit zum Schachedokter? Mi dunkt's, me sett ase gschyd worde sp a dene glehrte Schnäuzlere, wo nüt chönnen as d' Lüüt vrpfusche und elend großi Günte') heusche — " Oder vom Fruchthandel het aso brichte, vo de Rosse; oder über Chnecht e Mägd aso schimpse, wie sie so fuul thüeihe dröschen und eim dr Lohn abstehlen, und über 's "Gottswillemeitschi", wo de Bettlere dr Sack vollschoppi mit Depsel, Brot und Rüebe, wie nit gschyd — däwäg müeß mr jo um d' Sach cho, mit Flyß.

Das Meitschi, das Nanni, das het 'r halt gar nit chönne lude!

Aber au d' Mägd hei's nit möge; hein 'm Flattierschähli gseit und Werthschläckerli und 'm heimlig z'seid glebt, was sie hei chönne. Und 's Nanni het doch nume gmacht, prezys, wie's d' Gotte befohle het! Und Niemerem z'böst gredt und Niemerem z'best, und seis Wort meh gredt, aß 's just het müessen, und isch 'm eisder no grüüsli angst gsi bi allem springen und schaffe — Am End het's es doch dr Gotte g'chlagt und gseit: "I halte's schier nümm uuß! Sie strecke d' Zunge gege mr use und säge mr wüest, wenn dir's nit köret! Lieber wüll i heigoh zue mym Müetti, dört lebt mr Niemer z'seid, i weiß's!" Do isch aber d'

¹⁾ Kehle, eigentlich Schreifehle. 2) Conto's.

Mülleren unfprott und het dene Meitlene d' Zäggen abglese: "Das Meitschi do, 's Nanni, thuet, was ig befiehlen, exakt! Denket dra! Und wenn Euch die Drenig nit gfallt, so säget's: die anderi Wuchen isch d' Liechtmeß, do chönnt dr jo unspacken und goh, wenn dr weit, i ersauben Ech's — d' Müllere z'Matteried het no eisder Mägd übercho, vierzeh für nes Doțe!" Das het gwürkt. Isch au d' Pfersucht die glychi blieben und au dr Nyd — offe hei sie's nümm dörse zeige, no viel weniger 's Meitschi helche.

Sie bei's nümm dorfe helche; und d' Müllere bet's all Tag wie meh zuer Arbet und z'Ehre zoge. Sie het's lehre de Hüchnere gruffe, zue dr Mohr und de chlyne Saue luege: und choche, z'erscht de Dienste: Bappe 1) machen aller Gattig und Chnöpfli 2) und Bflutten und Wasserschnitten und all die vrschiedene Mues und Suppe und Smües; und die Kunst mit 'm Milchunfzieh und Ankemache, mit 'm Anken= und Schmutuusloh, mit 'm Gaffeemachen, af nüt aschändt wird, mit 'm Säumäste; bet's au lebre chüechlen i dem Stuck, wie an in allnen, isch fie ne Meisterne gfi wie nit bold Eini, das bei alli Dienste mueße que= gstoh, d' Tauner und au d' Bettelwyber - Druuf 's fynere G'choch für d' Meisterslüüt, für d' Mad= lung und d' Wisite; sogar 's bachnig Züng - Und g'letscht het's au müessen afoh Brot bache für's Hung, Wäihe machen allerhand, für über e Tisch. "Du bisch fryli no jung", het d'Müllere gfeit, "aber scho ordli ftarch - ig bi chuum ölter gfi, won i das ha müeße

¹⁾ Brei. 2) Rlöße.

machen, und jung lehrt mr d' Sach, mit emen olte Stock cha mr nüt meh afoh - - Bei's ömel probiere, wie's mit dem Chnete well aoh, am End, wenn dr Teig nit masch gferge, cha me denn em Breni no rüefe — Queg jetz, so muesch's agryffe, mit den Arme recht untedure, d' Chnolle z'erscht eigelig vrrybe; denn süüferli afo afüechte, mit de Füüste drhinter her und recht würke — — No chly Wasser noche — so! Jet probier dr Teig z'l üpfe, so hööch as d' channsch, so viel as masch erlänge; uuflüpfen und wieder i d' Muelte schmeite, frei awolti, bis Bloteren uuffahre, würke, chneten und chlopfe, bis ganz suuberi Händ besch, bis dr Teig läng und zart isch - Aber warm macht's dr, gel Meitschi? Da'sch recht! Wenn keini Schweißtropfen i Teig abefalle, goht 'r scho nit schön uuf. Mussch nes Aextrastückli Wäihe ba, und em Müetti darfsch au eis heibringen und säge: "Die han ig gmacht — gel? D wenn nume dä arm Gott= lieb au dere möcht effe! Aber oheie! dä isch eisder no fo leid, so schröckli leid und blöd!"

Ueberoben, i ihrem Zimmer, het d' Madlung Gitare g'spielt und g'sunge:

"Freudvoll und leidvoll, gedankenvoll jein, Hangen und bangen in schwebender Pein — —"

Denn sit vierzeh Tagen isch kei Brief meh cho vo ihrem Hölder.*)

Au 's Nanni hätt frei möge singen und johle — vor Freud! Denn hüt het es die ersti großi Bachete

^{*)} Solder, Geliebter.

Brot gmacht, und die isch g'rothe, all die anderthalb Dope Leibe chestenebruun und chugelerund!

Im Hof uß het's gragöhlet und hei Roß gstampfet und grüchelet*) wie am ene Märet. Denn dr Köbel isch im Handel gsi mit eme Jud.

Und dr Jud isch i d' Stuben ine cho und het aso unsbleche, ne ganze große Hunffe Feusliber het 'r uf e Tisch usezellt. Und dr Köbel schenkt 'm nes Chirsis wasser n; und chunnt i d' Chuchi use: "Muetter — wo isch d' Muetter? Gät d' Wäihe füre — will dem dinnen au nes Stücki gä — Dä vrdienet's besser, as die Schmöicks und Bättelwyber, dä bringt Geld i's Huns! Do, Meitschi, vrhau!"

"Aber 's isch jo Speckwäihe!" het 's Nanni ngwendet. "So? Gradglych. 's Jüdli frißt sie einewäg lueg de! Me mueß em's nume nit vrrothe, mueß sägen, es syg Ankeruume — hahahaha!"

6.

om ene länge strenge Winter nen allerschönste Hunstage, wie billig und recht.

Blüemli ohni Zahl si füregichloffen, a windstille Halde, i de Heegen und em Wald noh het's aso gruenen und blüeihe, d' Bögel hei gsungen und pfifse die wahri Freud. D' Mönsche chlu und groß het's nümme g'litten i denen enge dumpse Stuben inne, su unszoge mit Pflueg und Wage, mit Hauen und Chärst us's Feld

^{*)} wiehern.

— da'sch ne Rüchrigkeit gsi und ne Drang und e Jubel zäntume.

D' Immeli hei gsurret wie wild i ihre Hüßlenen inn und hei a 's Thürli pütscht, hei use wellen, go die junge zarte Blüemli chüsse. D' Rindli im Stall hei gmürmt 1) und d' Füli 2) gscharet — hei use wellen, usen uf d' Weid —

Und einisch, am ene sunnige wunnige Romittag, hei sie au 's Müllers Gottlieb use brocht, d' Mülleren und 's Ranni — o sie bei ne wol moge, die zwöi Wnbervölchli, so liecht isch 'r asi — — Da'sch grüüsli fätteli3) und sorgsam zuegangen, ag 'm ömel nit weh thüet. Und vor 'm hilmige sunnige Gartehüüsli bei 's 'n abgjett uf e Rueihebank, uf die Fluumchüssi -- Herrje, das Bild, das Schmerzebild! Ei Fueß abanoh, bim Chnode dure, ei Arm naschindlet, dr Chopf ganz ngjunke, schief uf den Axle, dr Rügge chrumm und bugglig! Und dr ganz Lub so mager und uusgferbelet, 's Gficht, d' Arme, d' Sand, nüt as Hunt über Bei - er, wo erst vor Churzem no dr hübschisch döllft4) Burscht gfi isch wyt und breit - Wien 'r syni Händ gschauet - so bleich und dursichtig! Und 'r het si chuum mögen nufrecht ghalte, het gfüüfzget und gweeberet bim chlynfte Wänkli und d' Zähn vrbisse -- Dr Muetter isch 's Augewasser d' Backen ab drolet, ei Tropf het dr ander g'jagt; am liebste hätt sie graduse gschroue vor Mitlyd, vor Elend - ach, sie bet si überha, dem arme Burscht 3'lieb; und het 'm g'chüüderlet und düderlet hinten

¹⁾ gemuht. 2) Fohlen. 3) sachte. 4) stattlichste.

und vornen und 'n das und dieses gfrogt, wo's 'm weh thüei und was 'r mög: nes Buech, d' Zytig, Gaffee oder Thee, ne Schluck Wyßen oder Rothe?

"J's Bett will i!" het 'r gfüüfzget, "ma's nümm länger vrlyde" —

Und sie hei 'n wieder ine g'serget i's Bett; und mörnderisch wieder usen, und so all Tag, all sunnig windstill Täg. Und notisnoh isch d' Schwechi g'wichen und d' Chraft het zuegnoh, eisder wie meh. All Tag wie länger het 'r 's möge vrlyde, meh mögen esse, nes dünngsottigs Ei, nes Schnydetli Weggen i dr Milch gsotte, nes Chachelmüesli, sogar nes ganzes Güggelbei —

Und dr Dokter het bi dem no alliwyl gseit: "Danket Dir Gott, Frau Mülleri, aß 'r überhaupt no lebt — — Das het 'r einzig und ellei euser Kunst z'vers danke — —"

Do het dr Gottlieb gfüüfzget und gseit: "D die Kunft, die heillosi Kunft, ein däwäg herz'richte, zum Chrümpel, aß Gott erbarm, — Hätte 's mi doch lieber grad lo sterbe! Da'sch jo doch keis Lebe meh, keis!"

Druuf het d' Muetter gmahnet: "Muesch nit so rede, Gottlieb, da'sch ne Sünd! Denk, es sug so Gotts= wille gsi und schick di dry — mit dr Zyt, wer weiß? cha no Alls besser, Alls no ganz guet werde. Gsehsch denn nit, wie's dr besseret vo Wuche zue Wuche?"

I dem Maß aber, wie's em Suhn besseret het, het's dr Muetter afo bosen, an vo Wuche zue Buche. Sie isch ganz us de Chleidere gfalle, die erst no so runde früsche Backe sp bleich und runzelig worde und gar vielmol het sie klagt: "d' Bei wei mi gar nümm träge!" Und das schlose, wenn sie abghocket isch und das vrgeßligwerde —

Und mehr as einisch het sie zum Nanni gseit: "Mueß di no das und dieses sehre, dinn und im Garte, 's buuchen und wäsche, mit 'm Gsöm umgoh und mit 'm Gspünst — 's böset mr gwolti, i g'spür es guet. Eitweders stirb i gly oder cha süscht nümme noche cho!"

Und richtig im Spotherbst, wo d' Wösch vrby gsi isch, isch sie i's Bett glege und het aso chlagen über d' Schmerzen i alle Gliederen öppis schröckligs. Und öppis schröckligs isch's gsi: die hitzigi Gliedersucht! Sie het gschroue vor Schmerze, me het schier nümm dörfen abtrampe, kei Thür meh dörfe zueschletze — 's Nanni sch schier Tag e Nacht nümm us de Chleisdere cho.

Und jet isch's dr Gottlieb gsi, wo a dr Chrucke zum Bett zue cho isch und ere Trost zuegsprochen oder öppis vorglese het, aß sie sett d' Schmerze vrgessen und Mueth schöpfe.

Und d' Madlung? O die isch fast dr ganz Summer vo eir Fründin zuer andere g'reiset, vom Baad i d' Trüübelkuur — Und wo sie hei cho isch uf 's Gottliebs Bries, het sie schier meh Schmerze gha as d' Muetter, i de Beinen, us'm Herz, allen Orie, vor Schrecke. Und vo Abwarte kei Red: es duur sie z'grüüsli, sie chönn schier kei Chranknen aluege — das heben alli empfindsame Lüüt, het sie gmeint.

Dr Köbel, dä isch grad wieder mit sym "Schachevehdokter" bi dr Hand gsi und het, bi aller Wohlmeineheit, so schröckli luut und runch g'redt, aß mr
froh gsi isch, wenn 'r si nit z'viel zum Bett zue gloh
het. Dr Schachevehdokter isch, uf sys heimlig Gheiß,
au würkli cho; und me het gnue z'thue gha, für 'n
mit Glimpf abz'schüsselen, aß dr Köbel nit gar z'höhn*)
worden isch.

Höhn isch 'r glych worde, recht höhn, und zwar über sp Schwester. "Ne Schand isch's und e Spott", het 'r polderet, "wie du thuesch umepfänderlen und suullenze, Madlung! Und das Meitschi, das Grüter Strupfmeitschi, lohsch lo choche, lohsch lo scholten und wolten im Huus ume, i Chuchi und Cheller, nes settigs Bettellöchli, wo nüt vo huuse weiß, nume vo güüden und den arme Lüüten d' Sach ahente! Me schüücht jo frei 's Esse! Und so mängs tuusig Brdruß, aß i scho gha ha drwäge — jetz lyt d' Muetter im Bett, jetz chönnt mr dem Meitschi dr Nagel stecke! — Aber du bisch halt viel z'suul, wotsch lieber 's fürnem Fräuli spielen und dr Gäuggel mache Johr uns und y! Do möcht mr jo uf dr Sau furtryte — "

"So ryt mynetwege!" het d' Madlung gseit. "O nei, i wett e Nar sy, i all Drecken hue z'stoh und die rueßige Herdöpselpsannen und Sauhäse ume z'schleipse i dr gstinkigi Rauchchuchi inne — o nei, das thuet 's Müllers Madlung nit, für das isch sie nit bildet worde! Thue mira nen anderi, ne Huusmagd zue und

^{*)} boje.

jag das Meitschi furt — mir glych. Nume mir keini settige Zuemuethige mache — nei pfi tunsig!"

"Furtjage, das Meitschi surtjage? Fo, wenn d' Muetter nit so dr Nar an 'm gfresse hätt! Und jet, jet thät sie's erscht gar nit surtsoh, thät wien ne Nar, i wär nümm sicher i dr Huut inn! — Aber uufpasse will 'm, z'seid sebe will 'm, aß 's gern goht, aß mr 's gar nümm bruucht z'jage — —"

Und no öppis isch 'm Köbel i Sinn cho, ne ganz vrwegene Gedanke. "D' Muetter chrank, d' Madlung nes Zuckerditti, hinten und vore nüt, hüürothet, vielslicht morn oder übermorn scho, öppe so ne Schnäuzler — Und ig wüll au hüürothe — jo, das thuen i! Nimen Eini ine, 's wird de wol nen anderi Drenig gäh."

Und jetz foht dr Köbel afo studiere: Was für Eini? Aß 'r nume bruuch d' Hand uusz'strecken no'm fürnemste, schönste Meitli Land uuf und ab — dora het 'r scho gar nit zwystet. 'r isch vor e Spiegel gstande, het dr Hömlichragen i d' Hööchi zoge schön über d' Ohren uus, und das silberige Gschäll a dr Uhrechetti zwägg'rissen, aß 's frei läng über e Buuch abe glampet isch, dr Buuch selber wyt use gstellt, dr Huet i Lecke, d' Händ im Hosesach — two isch ne döllere Burscht, wo? Und rych? Und aschyd?

'r het frei d' Backen uufblost*) vor Wohlgfallen und do het's en dunkt, 'r gfeih eisder wie gstadliger und stölzer uns, gar nit z'widerstoh — —

Und selbi Nacht no het 'r 's uusgmacht: "Vo

^{*)} aufgeblasen.

Zwoonen eini! Sitweders nimmsch 's Obermüllers Tochter z'Büren oder 's Schilthöfers Meitschi im Groß-ried — Beedi tüüfelsschöni Meitli, Beedi einzige Töchtere, Beedi vrsluecht rych, us fürnemme Hüüsere — Wotsch bi 's Obermüllers asoh — 's luege schadt nüt, cha jo zum Fürwort ha, i lauf uf enes Koß uus oder nes Paar Stieren uus — die werde d'Augen ufthue, wenn ig chumen, und mr fäderläckle, die Alti und die Jungi — habahaha! — —"

"D' Muetter löih lo froge, wer byn 'm fyg, aß 'r so schröckli mög lache?" isch 's Nanni cho fäge.

"Niemer isch by mr, Niemer! Aber 's cha sy, aß gly öpper chunnt — zell druuf, Meitschi! — öpper aß dir nes Chlämmerli a 's Schnudernäsi macht — hesch das vrstande? — — Dem han i's gseit! wird wol nümm cho froge — hahahaha!"

7.

o's Nanni wieder einisch hei gangen isch uf's Grüt, uf Bsuech, und 's het wellen aso chlage, das Elend mit dr chrankne Gotte, die Trüebsal mit dem eine, chränklige, und die Uvrschantigkeit vom andere Meistersuhn, d' Wunderligkeit vo dr Tochter — do isch 'm 's Müetti über 's Muul gkahren und seit: "Hör nuf, Chind, und lo my chlage! Ig ha nes Elend, ig, im Huns inn! Nüt as chissen und chafte dr ganz läng Tag. Dr Hansli isch so gytig und uverschant und grob, 'r sett si schäme, vrpönt Allne 's Essen, i glaube

fogar mir! Und 's Lifeli fuulätig, muulet 'm ume, eis Wort git 's ander, bis 's Füur im Dach isch bi Beedne g'fame - - Wie gfeit : Strut und Sandel schier all Tag, sie hore nit uuf, die Zwöi, me ma fägen und abwehre wie me will. Und denk, Ranni, gester sy sie nand i d' Hoor g'rothe, dr Hansi het 's Meitschi achläpft und es ihm 's Gsicht vrchräblet, die Chlyne hei gichrone vor Schrecke wie am ene Meffer, und ig hätt bald au no nes Ziggi erlängt bi allem Abwehre. Di ha mi aschämt vor dene Nooch= buure! Und neuerdings denkt: o was isch au so nes arms schwachs Wittfraueli! Af boch ba quet Christe het müeße sterben und nit ig - - Und but be Morgen isch 's Lifeli uufpactt, go ne Platg sueche, 's blub kei Stund meh bi dem Cholderhans - -Und er, dr Hansi, - du weisch denk wol, Ranni, af 'r sit Johr e Tag scho dem Näiheremeitschi nohstrucht, i Webernelis ihrem - fie hein 'm gnue g'löcklet, bas Weberzüng! Und i merke's ganz guet, wie 's 'n uuf= whie: 'r syg e Nar, af 'r so schaffi und hundi für inni Gschwisterti -- Und jet isch 'm plöglig 's hüürothen i Sinn cho, will das Fraueli nne näh — - Ach, Ranni, was fell i mache? Abwehre? Ab= jäge? Denn bündlet 'r uuf und goht furt und br größt Theil vo eusem Brdienst drmit! Denn han i niemer meh as die chlyne Chind und by - jo wenn i dy nit hatt, Nanni, dy schön Lohn und dy Trost, i müeßt mängisch schier vrzwysle! Und no einisch vom Sansli ag'fob : Lohn i das Gritli ine, fo bin i numm viel meh i mym Hüusli inn as ne Schuehlumpen —

o i könne das Webernelizüüg, wie hochmüethig und brutal bi aller Bettelhaftigkeit! — Nei, Nanni, dank du Gott, aß furt bisch und so ne guete Plazg hesch, so gueti Chost, so dolli Chleider und dä groß Lohn; Denk mr au, scho siebezg Franke! — Wie du aber au wachsisch, Meitschi, bisch jo bald so groß aß ig! Und so hübsch, glizerisch jo frei vor Glätti — jä jo, lueg nume, hesch di jo nüt z'schäme — Und die llusbesserig am Lohn — hei's d'r=e ganz frei= willig gäh, ohni z'heusche? Aber nei!"

"Und 's Trinkgeld, Müetti! Lueg do dä funkeleneu Feufliber, dä het mr d' Gotte gäh, a 's Gottlieds Namestag, aß 'm so guet gluegt heb die ganzi Zyt us! Do, Müetti, nimm 'n du, i thue dir 'n schenke; chouf dr druns nes Tröpkli Wy — "

Bhüetis, was benksch au, Chind! Nei, das Geld nimm i nit, da'sch dys, hesch's jo suur gnue müeße vrdiene, sogar dy jung Schlof breche! Dys Trinkgeld — nei, i müeßt mi jo schäme — —"

Aber 's Nanni het nit nohgloh — Und 's Müllers: Mes ghunftigs Mäß prächtigi dürri Hafelnuß, wo die Chlyne gfammlet hei und nes Bageet voll Reckholderbeeri für i Suurchabis, und ne großi Buschele Chrüüterthee, wo me numen i de Berge findet; und viel Grüeß drzue.

Und mit dem Plunder isch 's Nanni wieder i d' Mühli aben und wär bold dr lätz Weg glaufen im Schloßhubelwäldli unte, so teuf het's gstuunet über das, was 'm 's Müetti erzellt und g'chlagt het; gstuunet, was ächt dä Müllerköbel gmeint heb mit dem "Chlämmerli a d' Nase henke", mit sym bösen Aluege? Gstuunet, wie das ächt au no nen Uusleitig nähm mit dr chrankne Gotte, mit 'm Gottlieb, mit 'm ganze Huuswese — Und wenn me di im Fal thät furtschicke, furtjage, het's denkt, jo furtjage, — me weiß jo nie, was dem kolderige Köbel i Sinn cho cha — giengisch gern oder ungern? Und 's het 'm selber müeße gstoh: zum Theil gern, zum Theil ungern.

Und selbi Nacht het's nüt anders gmeint, weder 's treff's grad h, das Furtjage — — 's het bi dr Müllere gwachet und wär bi dr große Stilli i dem linde Ruethestuehl bald hygnückt gsi. Aber plöylig isch's höch uufgfahre; nes Sprengwägeli isch i Hof inegfahre wie wild: dr Röbel, 's Nanni het 'n könnt am Poleeten a. Aber das Mol het 'r au gar luut gmacht mit 'm Roßchnecht, wo nit gleitig gnue isch cho uusspanne; und isch unäthig!) cho thue i 's Huus ine: was das für nen Ornig shy, aß eim Niemer chömm cho zünde? öb me mein, er shy ne Hund oder ne Vagant, ne Gottswillema? Aber 'r well nen anderi Ornig mache, bim Donnerhagel!

So het 'r polderet und d' Geißle') uf 'n Tisch anegheit und dr Huet uf e Boden anegschmissen und dr Hund trappet, aß'r frei g'eußet het, und won 'm's Nanni d' Suppe bringt, isch 'm die z'dick und z'heiß. Und isch i sps Stübli use gstolperet und het eisder no gmurret, all Tritt, d' Stegen uf.

's Nanni isch ganz erdatteret gfi. Und d' Müllere

¹⁾ unwirsch. 2) Peitsche.

het g'jommeret: "Ach Gott, wie bin i au erschrocke — 's isch mr i alli Glieder gfahre! Nei, so han ig 'n jet no nie gseh, no gar nie! Und wär i nit so nen armen übelzytige Tropf, so wär i use cho und — aber was wüll i machen i dem trüebselige Zuestand, as lyden und schwyge?"

Nom e Rüngli foht sie wieder a: "Was 'm ächt au über e Weg glaufen isch, aß 'r so usöd ') thuet?" Er dr Köbel hätt's chönne säge: z'Chilt2) isch 'r gsi, i dr Obermühli z'Büre —

Dr Müller het 'n gar guet uufgnoh und 'n höflig i d' Stäl gfüehrt und Alls zeigt, d' Roß und 's Beh. Und d' Roß und d' Viecher sh ordli höflig do gstanden und hei si geduldig lo aluege, visitieren und rüehme — D' Tochter aber, die schöni Müllerstochter, het nit welle zum Vorschyn cho. Und endlige, won ere dr Köbel nohgfrogt het, het's gheiße — die Alti het schier nit gwüßt, wie sie's will vrminggmänggle: sie syg nöhen uusgange — — —

Dr Köbel het jo chönne warte, het kei Wahl gha, wenn 'r 's Meitschi het welle gseh. Ne Zytlang isch 'r ghocket, ne Zytlang d' Stuben uuf und ab glausen und het die Neuthaler im Hosesack mit dr Hand lo usen und abe rütschen, aß 's frei klinglet het; druuf wieder goh abhocke; und het plauderet und g'lachet so schröckli luut, mit 'm Müller und dr Müllere, oder wer 'm öppe g'lost het, bis z'Obe — Hätt 'r chönnen i 's Stübli ine luege nebedra, wie die Müllere Nanette bi eim uf 'm Channebee g'sessen isch; wie sie

¹⁾ unleidlich. 2) Freiwerbung.

Beedi dur e Thürechlack usegüggelet und ihn, dr Köbel, nusglachet hei, wege sym dumme groblächtige Thuedium, glachet wie d' Narli, sie und dr jung Herr Grichtschryber —

Und fatal: Wo's agfange het öbelen, isch 'r einisch usegange, hinten use; und wien 'r im ene gwüsse Lokal innen isch, het's 'n bunkt, er för grad nebedra, im Garten, öpper gar lustig und zärtlig guschelen*) und lache. Jeh het au er dur ne Chlack usegluegt — dr Chlack isch breit gnue gsi —; und richtig, do nebedra isch 's Gartehüüsli gstanden, und i dem Gartehüüsli — 'r hätt sie schier mögen erlänge mit 'm Finger — hocket nes vrliedts Päärli, 's nämlige, wo mr scho im Stübli inne gseh hei — und sie, d' Tochter vom Huns, seit: "Fsch 'r ächt no dinn, dä Pralli?"

"D jo, Schat, heb kei Chummer — Dä hocket z'Nacht am Zähni no dinne, thuet dym Papa d' Strümpf abzieh, wenn 'r i 's Bett goht. Dem mueß mr 's mit 'm Rüreberger Trichter pschütte!"

"Hihihi", het 's Meitschi glachet, "wie du de Lüüte dr Plät mache channsch, Niggolah! I glaube fast, du spaisch doch nes Vikeli pfersüchtig."

"Ig? Pfersüchtig? Uf da do? Nei, Schat, i dem Fal denn gar nit! Do troue dr doch ne bessere Guh zue — Hesch's au gseh, wien 'r 's Untermuul henkt? Grad wie dr Esel vor dr Mühli, me chönnt 'm nes Paar Pantöffeli druuf stelle. Und d' Ohre loht lo lampen und de wieder strüüßt, wenn 'r nes Whdervölchli kört lause, meint, 's spg dp — Aber

^{*)} flüstern.

grunsam isch's doch vo dir, aß 'n nit e chly gohich go tröste, dä arm Tropf — — Eigetlig isch's kei Tropf, i chann 'n mit nüt besserem vrzlychen, as mit ere Riese-Zapserüebe oder mit dene Bögle, wo z'Nacht, bim Monschyn, uf 'm Bachbord hocken und so hübsch singe: "Quack, quack — hehehehe!"

Und 's Meitschi het glachet: "hihihihi!" Und druuf hei sie nand küßt —

Und dr Köbel het si nümm aspürt vor Chub, het mit for gwaltige Fuust a 's Ladewändli gschlage und afo spotte, ganz wie ufinnig=närrisch; "hehehehe! hihihi hi!" Und brüelet, fo luut as 'r het chonne : "Bloset mr i d' Schueh, dir vrfluechts Uusschänzeler=Lumpepack, Heereschnäuzel-Fößelzüüg - Fößelzüüg!" - Er isch por Zorn ganz us 'm Hüüsl cho, het selber 's Roß us 'm Stal use zerrt und naspannet; und 'm Chnecht gseit, er sell 'm ine go dr Huet reichen, und 'r löih ne danke für das vrnareha, für 's alüge; und 's Brot well 'r nen umeschicke, sie hebe's viellicht no einisch nöthig; und sie sellen 'm - nei, me barf's nit sage, was 'r ne no für wyteri Grüeß z'rugg gloh het -"Hü, Choli, hü!" Und 'r isch unf und droo gsprengt, 's bet frei Füur ga uf bene Steine, gsprengt bis i 's Tobelbad; und dört trunken ei Schoppen um dr ander, vor luuter Zorn und Magleidigkeit; und chybia hei cho, wie mr erst gieh hei - -

Und het de Morge no uwirsch tho, dr Köbel, d' Chnecht e Mägd abrüelet, dr Sager. Alli won 'n sy cho froge wege dr Ordere; hätte's selber selle wüsse, zum Voruus, und dell scho amacht aha ha.

D' Müllere het g'jommeret: "Da'sch jet die bösti Nacht gsi sit langem, ha keis Aug meh chönne zuesthue! Aber 's isch kei Wunder, wenn me ein däwäg erschreckt, 'r het doch schröckli weni Brstand, dr Köbel!—— Und ig, ig weiß jet, aß i nümm cha zweg cho: lueg nume do die Chnüderen*) a Händ und Füeß, Gottlieb, und wie d' Finger ganz chrumm werde vo dem Gliederryße— das vrgoht nümm!"

's isch au nümm vrgange — d' Schmerze hei notisnoh wieder abgnoh, d' Lähmi aber isch bliebe. 's Bett und dr polsteret Sorgestuehl sy furta dr arme ryche Frau ihren Unsenthalt gsi.

Sie het si ordsi dry gschickt; und si damit tröstet: em Gottlieb, em liebe Suhn, isch's gwolti besser gange. D' Döster hein 'm ne künstlige Stelzsueß agleit; und isch 's Bei au chrumm, und 's Chnen styf bliebe — 'r het ömel wieder chönne marschiere, wenn au noths dürstig gnue. Und rötheri Bäckli übercho und lebhasteri Auge. Aber frysi, dr schief styf Hals, dr chrumm buggslig Kügge, die ganzi truurigi chrüppligi Gstalt, das het 'm kei Dokter meh weg brocht.

Aber au er het si wüsse dry z'schicke, het wenigstes drylyche tho, 'r chönn's; und d' Muetter aglächlet und ere d' Backe gstreichlet und all Bot gsrogt no ihrem Wohlsy und Begehr — Und zue sym eigene Zytvertryb und zum Nupe vom Huus afo schrybe Gschäftsbriefen und i d' Huusbüecher, d' Güntli und Duittänz, Alls, was süscht d' Madlung — hätt selle machen und die mehrsti Zyt dr Muetter überloh gha

^{*)} Knoten.

het. Isch demit, dr Gottlieb, au mit Gschäft und Handel vertrout worde, Sache, die ihm so frönd gsi sh, wie em Röbel 's Latin, — Und het i de freie Stunden i syne Studentebüschere gstudiert, i de länge Chilt=nächten aber em Wybervolch Gschichte vorglese, schöni prächtigi Gschichte, vo Riesen und Zwerge und verherete Künigschindere, vo Rittere und Ritterfräulene, aß die Spinnere mängmol hälluut hei müeße lache, mängmol vor Beduure schier briegge.

Am gsthfste het natürlig 's Nanni zueglost*), o dem isch keis Wörtli, kei Sylben etrunne, 's het die Gschichte mörndrisch bim Abwäsche em Mariann uf 's Tüpfi chönnen erzelle; denn 's Mariann isch Chuchi= rut gsi, het nie i d' Stube chönne.

D' Madlung aber het über da dumm Pfal, aß si nämlig dr Gottlieb so mit gmeine Lüüten abgäh het, ordli 's Käsli grümpst; ömel sie wett die Müeih nit ha, bhüetis nei! Und denn die eifältige Gschichte selber — wer die nume lese mög! Do chöme's denn im Walter Spott, im Alexander Düma, im Eugen Süh und i dr Elise Polka anderi, ganz anderi Sache vor, so intresant und spanned und ufreged — Am liedsten aber les sie Gedicht vom Chopibned, vom Schiller und Göthi und Beranscheh — o das syg so gfüehlvoll und sprech so zue Herze — sie chönn mängs vo dene Stücken au vordeklamiere —

Do het denn dr Gottlieb spöttisch aso lächele, und öppis uf weltsch gseit; und sie het druuf g'antwortet, und er wieder. Bis sie bös worden und droo glausen

^{*)} zugehorcht.

isch i ihres Zimmer ufe. Denn het me sie gehört singen uf dr Gitare:

"Einsam bin ich nicht alleine — —"

ober:

"D komm zu mir, wenn durch die Nacht Bandelt das Sternenheer — - "

Und mängsmol het's 's troffe spot i dr Nacht, aß eren öpper vom Hunsdach abe g'antwortet het i ebe so wehmüethig vrzwyslete Töne: "Mi—a—u. — —"

Dr Gottlieb het aber au anderi ernsthafti Sache vorglese, ganz merkwürdigi, vo Himmel und Erde, vo Mon und Sterne, vo andere Welttheile, andere Mönschen und Thieren und Gwächs, vo frönde Sitten und Brüüch.

Und 3'erscht nume grüüsli schüüch, notisnoh eisder wie herzafter, het 's Manni afo frögle, das und diefes, wo's nit recht vrstande het. Und dr Gottlieb het fründlig Uuskunft gah, grad wie ne Schuelmeister, ne recht alehrte, und Alls erklärt des wyten und breiten und so vrständlig. Und mängmol isch d' Muetter fest paschlofe asi und bei die andere Meitli d' Chöpf ghenkt ober sy ebefalls sätteli ngnückt wie bi 's Vikari's Bredig, und het dr Röbel gichnarchlet uf 'm warme Ofesit, ag that 'r Ruebe choche — 's Nanni, 's Nanni ellei isch nit mued worde mit losen und frögle, het uufpaßt wie nes jungs Büüffi*) uf alli Wörtli; und im Bett no drüber noche aftuunet und benkt; D wie bä gichyd isch, so gschyd, dr Gottlieb! Und morn frog ig en no das und das, 'r seit mr's scho, isch gar e ameinen und ordlige -

^{*)} Rätchen.

'r het au Spieli chönnen und allerhand Zauberstünst mit Charten und andere Sache — zum Brstuune! Und gyge — o wie dä het chönne gyge, 's het ein frei glüpst. Und no möge Gspäß ha bi sym großen Elend: "My Chops", het 'r gmeint, "my Chops isch jetz just grad gmacht zum Gyge! hocket expreß so schräg uf dr Axle, wie gmacht!" —

Dr Köbel, da het si über sys Mißgschick i dr Büre-Mühli notisnoh wieder afoh tröste: "Das Meitschi isch schnnt's, wien i ghört ha, mit dem Schnäuzler scho vrsproche oder ömel nooch drby — ne Dumm-heit, aß ig das nit gwüßt ha! Nes anders Mol besser nocheförschele —"

Und 'r het nochegförschelet: 's Schilthöfers Tochter im Ried heb grad Einen abgschüffelet, 's Fluehsmättlers Bueb im Schrägloch. Glaub's wol, het dr Köbel denkt, i das magere Schrägloch möcht i au nit, wenn i 's Schilthöfers Meitschi wär; und drzue isch dä Burscht ne länge dünne Gränggel, wie ne Bohnestäcken, und weiß schier nüt z'brichte — Aber my — my wird's aluege, wenn i chumme!

Und 'r isch gangen oder vielmehr hygfahre, dr Köbel. Und 's Meitschi het grad Bsuech gha, nen ölteri, glütterigi ') Tante, isch byn 'm voruß gstande, won 'r acho isch, 's het si also nit chönne vrleugne. Und die olti Schiltbüürene het gar großi Freud zeigt, die Jungi aber nit. Die Alti het 'm mit Hammeschnik uusgwartet und Fläschewn, die Jungi mit Gihnen ') und eisilbige Worte, mit zum Fenster uusluege, mit

¹⁾ wackelige. 1) gähnen.

usen und ine goh, gäb wie si dr Köbel agstrengt het mit zellen und sachen und gspäßle — uf sh syni Manier — Und won 'r furt gsi isch, het das Meitli gseit: "Wüsset dr was, Muetter: wenn dä no einisch chunnt, so schopp i Watte i d' Ohre! Nei, i warten 'm gar nümm ab, soh dr Jud Dreispiz holen und zahlen 'm dr Tagsohn, aß 'r 'm thüei ablosen und Gsellschaft leiste — dä paßt am beste zuen 'm! Denn dä Müllerschnarchli weiß doch nüt anders z'brichten, as vom Koßhandel, vom Fuehrwerchen und z'rüehme — Nei, 's allerbest isch, i söh em 's grad z'wüsse thue, wie werth as 'r mr chömm — d' Eierammei richtet das scho uus, die darf Alls säge!"

"Aber, Meitschi, denk au wie rych! Das prächtige Huns, die fürnemi Familie, dä —"

"Und dä dumm groblächtig Challi", isch ere d' Tochter i d' Red gfalle; "nei, Müetti, ehnder dr Hübelischnuder hüürothe oder dr Bendiseppli — müeßt doch nit übelkörig werden und suchswild bi dem dumme Boleete — —"

Und richtig, d' Eierammei het ihri Sach pünktlig uusgrichtet.

Und acht Tag lang het Niemer keis rechts Wort meh übercho vom Köbel, nit emol d' Roß, won 'm doch so lieb gsi sy.

8.

o ein oder zwee Brsuech het dr Köbel gmacht, de ryche, gichyde, fürnemme Töchtere nohzstryche, i dr Nööchi, i dr Wyti — worum het 'm keini welle Schör schenke, worum denn nit? Demel er het's nit chönne begryffe, ganz und gar nit! Wo isch ne döllere Kerli gsi, wyt und breit, ne schwerere, witzigere und gsprächere, wo? Und nes Heimwese wie sys? — — jo, wie sys! denn dr Gottlieb, dä gsähltnig Bürschtel, blydt jo unter allen Umstände lidig, het kei anderi Wahl — Also das prächtige Heimwese, dä groß Mühli=, Sagi= und Buuregwerb, die schöne Koß — wo sy die Koß, syne z'verglyche? Und das Aschickligsy*), die Huslig= und Kniffigkeit i alle Dinge — wo isch dä, won 'm a d' Syte stoht? Und früsch und gsund — nes Hammli z'esse, ganz ellei, z'Nüüni oder z'Zim= mis, was gäb 'm das z'thue?

'r het's gar nit chönne begryffe, dr Köbel — — Minderi, d. h. groblächtigi Wybervölchli, au recht vrmögligi, Meitschi oder Wittwyber, hätten allwäg d' Finger non 'm gschläcket, no'm Müllerköbel! Aber v nei, so Eini, so ne Bunredotsch wüll dr Köbel au nit — Müessen ömel no chly blange! —

Einisch, wo sie z'jämen ellei gsi so, het d' Mülsleren agfange, ganz hübscheli: "Das Geistligwerde, Gottlieb — meinsch nit, aß das meh chönn so?"

"Ach nei, Muetter, seider nit! — Lueg mi numen au a, wie krüpplig, wie esend! Biellicht öppe Chlosterheer — aber unfrichtig gstande, das Fuullenzers sebe chönnt mr's nit, au ganz und gar nit! Seelsforger z'sh von ere ganze große christlige Gmein, thätig z'sh i Red und That, mitfühle, mitfreue, mittruure, im wahre Sinn Seelehirt, Berother und Wohlthäter

^{*)} Anschicklichsein.

z'sh von ere Gmein, keis Opfer schüüche, kei Müeih — da'sch my Traum gsi, mys Lebeszyl, my Chrgyz, wenn men 'm so will säge — Jet isch's vrby; die llufgab will ne gsunde, nufrechte, chräftige Mensch, kei sieche Krüppel! — —"

Und 'r luegt truurig jum Fenster uus.

"Mussch nit so schwermüethig su, Gottlieb! 's cha no Alls anderisch, besser cho — wer weiß, was dr Herrgett mit dr bschlosse het? Viellicht dus beste Glück — "

"Glück?" 'r het truurig dr Chopf gschüttlet und Inseli g'murmlet vor anem ane:

"Laßt den Trost! er ist vergebens! Denn ich fürchte, was so bange Mich beschleicht, sogar im Drange Meines Strebens, It der Schmerz verlornen Lebens ——"

het dr Stecke gnoh und isch use ghülpet.

Und d' Müllere het gfüüfzget: "Ach, i wüll jo nüt meh drvo afoh! Gfeh's wol, 's git doch nüt meh druuß — — Und 's isch doch my liebst, liebst Gestanke gsi, das Geistligwerde — i Gottsname?" —

So ganz trost= und freudlos sy em Gottlieb syni

Tage gluch nit gfi.

'r het ne junge Kanari abgrichtet, dä het mit dr Byt die schönste, wunderbarste Gjätzli pfiffe, me het nit gnue chönne lose — Im olte gschnitzlete Buffet inne het 'r nes ganzes Schublädli voll olti Pergament gfunde: Pventari, Uuschäuf, Fergige*), Grichts=

^{*)} Fertigungen.

iprüch po de Landvöate. Testement — Familiegschrifte us olte, dell no us urolte Ante. Drinn bet 'r afunde, wie die Mühli scho sit mängem Johrhundert i dr nämlige Familie gfi isch, wie se si vom Mannsstamm aber uf eimol uf e Frauestamm, uf's jetig Gichlecht vrerbt bet. Au bet nie meh as ei Suhn vom Huus abüürothet — und wäre's dere nes Halbdote afi: die andere in "Götti" blieben oder Chlosterherre worden, oder unter d' Soldate gangen i frondi Dienste. Gine, vo dene Soldate nämlig, isch in Itali umcho im heiße Schlachtstryt, ein bi de Raiserlige i de Niederlande. ein z'Paris, bi dr große Reveluzion; vo eim - 'r isch 3'Rom Porteschwyzer afi - het me weder Staub no Laub meh achört, lang isch sog Erb no vrwaltet worde vom Untervoat - - Au Briefe, vo Brwandten und Bekannte, us selben alte Zyte - Das Alls het euse Gottlieb gar usnehmed afo intressiere. 'r het au d' Erlaubniß übercho, im Smeinchaste nochez'luege; so bei er und dr jung Vikari die Gmeinschrifte dur= schnauset*) und die olte Gschrifte z'sämegstellt und ab= aschriebe, dell mit großer Müeih, denn das sy gar furiofi Schriftzeichen und Emöler gfi und uusgstorbnigi Uusdrück; und bei g'fame nen Art Chronegg uufgsett über die Nämen und Begebeheiten im Dorf vo Alters noche, die Sitten und Brüüch, wo Riemer nüt meh drvo gwüßt het schier - nes ganzes dicks Buech!

So isch em Gottlieb Zyt umegange. Frysi, dann und wann hei si die Schmerze wieder grodt i Beinen

^{*)} durchstöbern.

und Rüggen, und 's het Täg gä, won 'r gar nümm het chönne fueße, nit emol graduuf hocke. Do hei er und die lahmi Muetter nand chönne Gsellschaft leisten und tröste. Druuf het's wieder Buche lang guetet, d' Dökter hei wieder früsch Hoffnig übercho und das und dieses pröblet mit Maschinen und Medizine, hei gmeint, 'r müeß wieder gsund und grad werde, hein 'n frei uufghenkt und allerhand poßligi Sache mit 'm gmacht — was het's hulfe? Nüt! Und endlige het dr Gottlieb ygseh wie alli Anderen au: für die Lähmi, das Chrummsy isch keis Chrüütli meh gwachse, do mueß me si dry schicke mit Intvrtryb und Geduld.

D' Geduld isch nes gar fürnemms, chostbers Chrüütli. Dr Gottlieb het's lehre können und schäte. D' Mad= lung aber nit, die het eisder no gmeint, 's müeß Alls prezus goh no ihrem Chöpfli, und isch's nit so gange, so isch sie eitweders wild oder ganz melancholisch worde: aber 's mehrst mol wild, wei's arad bekönne — Da Weltsch, won ere ne Zytlang so schöni Briefli gschriebe het, isch leider nonit im Fal gsi für 3'hüü= rothe, denn Bapa und Mama hei no alebt und su z'erscht no zwoo lidig Schwesteren unter d' Huube z'bringe gsi. Res Jöhrli zwöi Geduld oder höchstes brüü! So het dr Lui tröftet. Aber d' Madlung het nümm nes Jöhrli zwöi drüü möge g'warte; im Brdruß het sie aschwind nes Chörbli aflochten und em's aschickt. em Weltsch. Graddruuf isch sie's wieder hefti aroue gsi und sie het 'm nes Ergusti-Briefli gichriebe und allerhand Süeßes dry tho. Dr Weltsch aber wird benkt ha: pfüet di Gott, schtee wüh! - het kei Muggs meh gmacht, weder gschriebe no gseit, het si nümm so erblicke.

Do het si d' Madlung wieder trostet: es sy dere Nase zwoo — will die eini nit, isch die anderi froh. Guet, wenn men eisder no Nebeby-Schät im Vorroth bet : isch dr Freienämter au nit so hübsch und gschmeidig und stoft 'r si au e chly a mit dr Red, so isch's und blubt's doch einewäg ne fehr annehmbari Barty, pur= für! Dä het weder öpper z'förchte no z'schüüche, cha abfahre wenn 'r will - Drum isch au sie, eusi Madlung, abgfahre, ganz i d' Nööchi vo dem Bürschel, uf Rhnfelden i 's Bad. Do hei d' Muetter und dr Gottlieb lang donne Vorstelligen und Dwendige mache, 's brunch si gar nüt, das mit Solzwasser wäsche, und sig au tei Bot meh drzue so spot im Herbst, und dr Köbel lang chönne wetteren und fluechen über das phantastigthue, das umefahren und Geldbruuche: b' Madlung bet pflännet wie nes chlys Chind und g'jom= meret, me well sie mit Floß chränkner machen, i 's Grab bringe - - het pflännet und wunderlig tho, bis men am End froh gsi isch für sie lo z'goh.

Und d' Muetter het gfüüfzget und 's au graduse gseit: "Wenn i jetz das Meitschi nit hätt, 's Nanni — was wett i au asoh? das slußige, treune brave Meitschi, wo Tag e Nacht springt, meint, es chönn nit gnue thue!"

"Jo, wenn dr das nit hättet", het dr Köbel chybig gspottet, "wenn dr das Grüter Meitschi nit hättet wer thät denn das Bättel= und Fuullenzerpack fuetteren und ne d' Seck vollstecke? Wer ne Schweizi mache, dene Chnechten und Mägde, aß me d' Chnöpfti und Pflutten und dr Griesbappe schier nümme gseht vor lunter Grümmeli.? Wer ne Herdöpfelrösti mache, ne Rume dra, aß frei gligeret vom Schmuz*), vom Anke? D jo, wenn me das nümm hätt, das Meitschi!"

Do isch d' Muetter recht bös worde. "Du bisch doch eisder dr uvrschantisch Kerli, Köbel, wie's kei zwöite git, i glaube's nit! Gönnsch denen arme Dienste, wo so gune müeße werche, nit emol's Aesse, die runchi Chost? Schäm di, Köbel! Dr Liebeherrget chönnt di jo strose, aß au no einisch müeßtisch go diene, frönds Brot esse! Jowolle!"

Dr Köbel aber isch nit z'bessere gsi. "Ha scho mängisch frönds Brot g'esse", het 'r gmeint, "Wyß-brot, Weggli und Züpfli i dr Fröndi, am Ordinäri; und 's het mi besser dunkt, as euses deheim — hahahaha!"

Zum Nanni het d' Müllere gseit: "Mussch's nit achte, was 'r seit! Und mach du nume dy Sach zue, wie bis dohy! Deb er, dr Köbel, nume gern wett chassen oder öb's 'm würklig ernst isch bi dr Sach, bi dem Gnürzigthue — i weiß's nit. 's dunkt mi eisder, so sett keis Chind chönnen us dr Art schloh, ömel sh Vater und an dr Götti selig sh nit so uvrschant gsi, bewahr! hei alle Lüüten ihri Sach gönnt, 's Schaffen und au 's Aesse! Und so lang i sehen und z'besehle ha, wird i dr Matterieder Großmühli gnue g'chochet und recht g'chochet, wie's Mönschepflicht isch und Christepslicht! Wenn i einisch nümme do bi — nu, für selb chann i denn nüt!"

^{*)} Schmalz.

Re große Zedel isch cho, amtlig. Drinn isch aftande, vo dr Staatschanzelei uns, dr Köbel ing als Stell= vertreter i d' Henasten= und Stuteaschaukummission ernennt worde. Und af 's grad breicht het: dr Amts= richter Dickima z'Lueghuusen isch unpäßlig asi, drum het dr Röbel mueße go funttioniere a d' Bezirks= gichauig. Chönne barf me fage, benn die Sach bet 'm unghüür Freud gmacht. Nei, fogar ne Fötzelregierig isch's doch nit grad, bet 'r benkt, die Lüüt wüsse die rechte Lüüt no usez'finde -- 3wo Wuche brvor und drei Wuche drnoh het 'r nume vo de Rosse brichtet, wie sie müeße bschaffe sy und wie sie a dr Uusstellig au bschaffe gfi sygen «in natura» — d' Chnecht und Mägd sy afo ganz sturm worde vo dene "Hauptmängle." Und het brichtet, wien er 's Wort afüehrt heb bi benen "Aexpärteren" und wie Alls g'lost heb umen umen und si vrwunderet, Herre wie Buure. "Sie bei numen au müeße gfeb, af dr Müller= föbel fei Nar isch und meh vo dr Rogwüsseschaft könnt, as zwöi Doke Schnäuzler z'säme! — Und em Grichts= ichriber, wo mi het wellen unslächelen und liecht ha bim Mittagesse - bi dr Chronen isch's gfi, im Berrejaal —, da han i gfrogt: ,Was gelten acht die ungreisete Giti und die übergähnde Geiße? Bet Ech d' Muetter niit aschriebe?' Jo, das han i aseit und drzue glachet; und Anderi hei au glachet; nume 's Grichtschryberli nit, das het nes Grindli übercho wie ne Güggel und mi aalueat, af wett 'r mi fresse. Aber i ha denkt: Fo chumm du nume, du Gränggeler! Und gang jetz wieder i '3 Gartehüüsli go hocke, go schmützle -"

'r het si vrredt gha, dr Köbel — was hei die Chnechte vo dem Vorgang gwüßt i dr Büre-Mühli und was isch sie die Sach eigetlig agange? Drum het dr Röbel gleitig nglenkt und gfeit : "Das heißt i han 'n numen au so gneckt wege re awüsse Sach — Aber 'r isch nit uf mi dar cho, die Andere hein 'm düütet und 'm uf weltsch abamahnet. Und i ha denkt: parlieret dir numen, i bi einemäg dr Müller= töbel! und ha ne Feufliber uf e Tisch use gheit, aß's frei tätscht het, und ha kummidiert: ,3wo Fläsche Busche= leh 1) uf my Runte!' Aber wol, die hei Respätt übercho und mr afo fäderläcklen und gmeint, i sett no meh wiren, und 's Cheller-Fümpferli hinter mi greiset, für mr cho 's Chini2) z'streichle. Aber wo die dritti und vierti cho isch, han i gseit: "Uufghört do — jo bir suuffet's, dir Galgebünd dir - habababa! Oder han i nit recht aba?"

9.

r geneigt Leser mög mr's verzieh, wenn i mit 'm ne rasche Gump³) vorwärts mache, ne Gump vo gnau neme Halbdote Jöhrli —

D' Wühli stoht no a selbem Ort, im schönste Gländ vo Matteried, und thuet ehnder no lüüter und weidsliger chlapperen as früeiher; dr massiv Wohnstock, die wytläusige Schüüren und Schöpf; die Sagi nebezue; unten am Bach d' Rybi und Chnochestampsi; d' Pappelebäum vor 'm Hus — Alls het 's nämlige wohls

¹⁾ Beaujolais. 4) Kinn. 3) Sprung.

häblige, gwerbsame Uussäche, wie vor Johre, nume, thuet's ein dunke, no chly schöner, früsch agstrichener.

Und dieselbe Lüüt — aber, chönnt me schier säge, au anderisch "agstriche."

D' Muetter Müllere im polsterete Lähnstuehl, i dr wytläusige Stuben — ach, wie si die voraben und z'säme gloh het, so grunzelig, bleich und mager gegen albe 1)! Sie het 's Noster 2) i dr Hand und betet, ganz lyseli.

Am Schrybtisch ne bugglige junge Ma — dr Gottslieb. F syne junge gsunde chräftige Tage schier sechs Schueh läng, man 'r jet, chrumm und hyschmüekt, chuum recht über e Tisch unsgluege. Nüt meh schöns an 'm as die syne wyfe Händ, das synen, unsnehmed hübsiche Gsicht, wo so gschyd und ordli munter us dem brunne Vollbärtli use luegt. — 'r hocket ob große Schrybbüechere. Vor anem stoht dr Köbel — dr nämslig Köbel no, wie albe, nume no dicker und brüüner, und 's Untermuul no wyter unsgstellt, 's Chini no breiter vrdopplet, d' Backe no völler, und d' Ange ne chly roth unterlause.

Also vor 'm Tisch stoht de Köbel und diktiert mit spr ruuche, sunte Polderstimm: "Und do, Liebel, uf 'm Täseli, hesch d' Gwicht vo de Ladig Mehl für e Hübelibeck. Han 'm dasmol nit ganz 's spnere gäh, isch vedli z'rugg mit 'm Zahle, de Hübeli — nit wohr? Am Märet gohn i zuen 'm und will suege, wie's stöh mit dene Finanze! De Jung, de Jung, da'sch nümme de Alt, dä macht me z'viel Uuswand im Lurus,

^{. 1)} früher. 2) Rosenkrang.

viel z'viel - - Mach hurti d' Fraftur, Liebel, aß dr Hans da abfahre - - dr Simmel für e Baftete= huber — hesch 'n scho naschribe? Mach ne Santine meh - nume herzaft, 'r darf nüt fäge, isch au mit br Zahlig z'rugg — — Worum wotsch's nit mache? Re queten olte Chund seisch? Babah — olt ober neue Chund, Geld mueß in, uf e Tätsch - ohni das trou i feim Mönsche meh! - - Und wege dr Rechnig für dä frönd Weize - jet han ig sie afunden im Sackfalender inn - bo! Cha nit begruffe, wie die do dry cho isch, bi omel nit gsoffe asi, gester, nit drwerth. Aber lueg ein die Rechnig a, die Gschrift! Was das für nes Ghöbagel isch mit dene Buechstabe - ömel ig weiß nit recht drüber 3'cho und bi doch au nit dr dümmer, pot Donner nei! Also rechne's aschwind uus, wie und wenn und wie thüur und zieh dr Spunto ab und schick 's Geld furt, hut no, wenn 's ma gfy! Und wege 'm Länggaßbeck 3'Büre — i ha mi gnau g'firmiert und bi selber byn 'm asi; und 'r het mr ne Fläsche Dwohner awirt bim Chüefer= chlausi und mr die beste Notize gmacht. Also - ba'sch nume ne blinde Lärme afi, was d' Lüüt awafflet bei: dr Lärmen isch schunt's vom Schachemüllerli unsgange, wüll dr Länggäßler kei Kundsame bet welle mit 'm ha. Also nume druff mit dem Mehl — oder meinisch nit au, he? Also porstande? Guet? '3 Nanni sell'3 Mittagesse gly rüste, 's Mittagesse — wo isch's, 's Manni ?"

I dr Chuchi chochet's und strudlet's schier in alle Löchere. I dr Hinterstube, vor em große Toalette= spiegel, sit nes Jümpferli — nei, jet darf mr füeglig Jumpfere sägen, eini ordli uf de Johre, nämlig d' Madlung.

Dr guete Mablung isch's die Jöhrli uus gange, wie scho mängem andere fürnemme Jümpferli au: Dr eint Schat und Abeter bet ihre nit afalle, ba won ere afalle hätt, het aar aln wieder, öb 'r recht im Garn gfi isch, wieder hottume gmacht, isch uusg'risse, plöklig oder ganz füüferli - - 3 dr Tuur noh het fie Bekannt= und Liebschafte gha mit Müller= und Wirthssühne, mit Berren und Buure, mit dr Gawallerie und Infanterie, mit Lütenamte und Gmeine, mit Düütschen und Weltsche — churz oder lang. Drüü Mol isch sie vrsproche gsi, einisch sogar vrlobt — - Am End, jet am End, isch sie froh asi über ba Rotar Winkelspit, ne Wittlig mit eme blutte Chopf und drun Chindere, aber doch e Herr, ne gebildete Herr, wo ne gebildeti Person weiß z'schätze — 's Geld viellicht no viel meh - - Hüt Nomittag wüll sie mit 'm uus= fahren i d' Stadt, go d' Hochzytchleider bitelle.

Also sist d' Madlung vor 'm Spiegel. Und us dem große syngschlissene Spiegel luegt nes Gsichtli use so schmal und grüenlächtig, nes Näsli so spis, ne Stirne mit viele viele chlyne Runzele, um d' Augen ume blauschwarzi Ringli — Und zwöi seißi suuberi glatti Händ sy uf dem Chopf ume d'schäftiget und sette die dünne Höörli abtheilen, aß allenorten öppis längt, aß me chönn die g'chauste Züpse dra hefte. Und zwöi Arme chöme zum Vorschyn, wyß und chugelerund, schier zum Abyße; aber die prächtigen Arme

jy nit dr Madlung ihri, die före dem Meitli, dem große schöne Meitli hinten anere, won ere züpfet. Dr Spiegel isch groß gnue, aß men au dem schöne Meitli spis schöne Chöpfli cha gseh, das prächtige runde Gsichtli, die spune rothe Bäckli, das allerliebste Stumps-näsli, die bruune glizerige Auge, die mächtige chestenes bruune Züpfe. — Ach, wenn das Gsichtli so dann und wann, halb oder ganz, zum Vorschyn cho isch im Spiegel, neben ihrem eigene vrblüeihte, vrblichene —wem hätt dr Vrglich nit sellen uuffallen und d' Madslung a ihrem Platz nit psersüchtig und wunderlig selle werde?

D' Madlung, aber nume d' Madlung, het's gfeh, wie no nes dritts Gsicht sichtbar worden isch im Hinter= arund, unter dr Zimmerthure, nes Gficht wie dr Bollmon so rund, aber viel finsterlächtiger und mit eme arößere Muul - da'sch em Röbel sy Chopf, me könnt 'n unter tuusige. Was will ba do? Ganz süüferli chunnt 'r nööcher, dr Köbel - wer hatt gmeint, af dä so lus chönnt abtrappen, uf de Zeche1), dä bären= artig Kerli? Und so vrliebti listigi Aeugli mache, jo schalkhaft lache mit dem breite Muul, mit 'm ganze Gficht? Und das Zuedüüßele2), hinterruggs, was sell das bedüüte? Dr Bari bellet im Huusgang uß, so mächtig lunt, das chunnt em Köbel guet zue ftatte, scho isch 'r hinter dem junge hübsche Meitli zue offebar merkt's no nüt. Jet streckt 'r süüferli d' Armen aus und gflingg wie br Wind nimmt 'r bas Meitli hinterruggs bim Chopf, af 's luut uufschreit, d. h.

¹⁾ Zehen. 2) herauschleichen.

het 'm d' Händ vor d' Auge und es sett rothe — — Aber wer wett die ruuche breite Bäretalpe nit könne? Drzue thuet 'n d' Madlung ganz unzytig verrothe: "Köbel", seit sie ganz uwillig, "was sell die Narethei? Hei nit drwyl dr Flause z'mache, hüt!"

Au 's Meitli, wo da Gspaß hätt selle gelte, het's gar nit bsunderbar für ne Gspaß uufgnoh; sie het im Gegetheil gar nit emol glachet, het nume gseit ganz ernsthaft: "'s isch set scho guet — ach löiht mi doch goh!" Und si losz'mache gsuecht. Do het dr Röbel aber erst afo lache wie ne Nar, nei wie ues Roß so luut und gar nit welle lugg loh, het 's Weitli eisder wieder früsch packt, bim Chopf, ume Hals ume bi den Arme, gäb wie si das gwehrt het und höhn worden isch ganz offebar und 'm d' Schwester frei wüest gseit het, frei wüest und grob —

Unter dr Thür isch aber no nes vierts Gsicht erschiene, ne bugglige junge Ma am ene Stecke. Und wien 'r das Spiel gwahret, das Rülze'), hei d' Auge zornig uusglüüchtet, sy d' Bäckli frei roth worde, het si sy ganzi Gstalt plößlig gsuecht uufz'richte — nen Augeblick nume, do het 'r si bezwungen und bloß gseit, mit häler spöttischer Stimm: "So so! do goht's jo ganz lustig zue und chrüüzsideel? D' Herrschaft, d' Meisterschaft und d' Chuchischaft, die drei fürnemste Swalten im Huus; thüei tschuepe?) — kei Bunder thuet dr Chöhli überchoche i dr Chuchi äne!"

Das jung hübsch Meitli isch füürroth worden im Gsicht. Mit eine gäche vrzwislete Ruck het's dr Köbel

¹⁾ spaßhaft ringen. 2) spielen, tändeln.

wyt von 'm ewägg gschlungge, aß 'r frei pürzlet isch i Eggen ine; isch mit länge zornige Schritten uuf und furt, zum Zimmer uuß, und gäb wien 'm d' Madlung g'ruese het: "Nanni! so chumm denn au? Nanni! cho z'Züpse fertig uusbinden und d' Masche! Wirdsch mi doch nit so sangsasung wellen im Stich loh?" —

Aber 's Nanni het nüt welle köre — Dr Köbel isch 'm au noh i d' Chuchi ine, ganz taub*) — nei gar nüt taub, glach et het 'r, aß d' Kat i 's Aescheloch abe gsprungen isch vor Schrecke, und gfrogt: "Nanni, bisch no so böß? hahahaha! wie du nes chätzers starchs Meitschi bisch — Aber jetz muesch mr säge — nu se los doch au! Wirdsch mi ömel nit förchte — "

Aber 's Nauni het grad, vom scholte noche, nes füürigs Schyt i dr Hand gha, Füür het 'm au zue den Augen unsgluegt — nes prächtigers Meitschi het mr halt nit chönne gseh, as das Nanni im Zorn. "Meister", het's gseit, "i bi do Hunsmagd und mache my Sach so guet und treu as müglig. Magd bin i, i dr Gotten ihri, und meh wüll i, meh chan i nit sp — vrstande? Drum löth mi einisch rüehig mit Eue Dummheiten, oder —"

"Aber wer seit denn, es singe Dummheite? Nanni, los! Und mach nume nit so luut, was ig dr z'säge ha, bruucht jo süscht niemer z'köre: 's isch mr Ernst, mp Seel, ganz Ernst —"

"Und mir isch's au Ernst: Wenn das nit uuf-

^{*)} böje.

hört mit dene Dummheite, so gohn i furt, hüt no! Jet wüsset dr's! Und go grad ine zue dr Gotten und säg ere's!"

"Scho recht, ganz recht!" het dr Köbel gseit, "D' Muetter darf's wüsse, ig selber thuen ere's säge! Dir aber z'erscht — Nanni, los!"

Wieder isch 'r ne Schritt vorwärts gange und het 's Muul gspitt und ganz hübscheli aso chüüderle: "Was dr säge wüll, was dr scho lang ha welle säge — i ma di guet, i wüll di nit öppe vrnare ha, wüll —"

"Köbel!" isch d' Magd cho säge vom Dröschen ewägg, "Köbel, es syg e Ma do, will Stiere chause; dr sellet uf dr Stell use cho!"

Und 'r het halt müeße goh, wohl oder übel!

Dinnen isch dr Gottlieb d' Stuben uuf und ab gstäcklet und dr Chopf no teufer ghenkt as süscht. D' Muetter het deren und diesere wellen aso brichte, dr Gottlieb het ere chunkt Bscheid gä. Bis sie gfrogt het: "Bisch öppe höhn?"

"Allwäg bin i höhn — heißt das nei, i bi nit höhn — worum sett i höhn werde?" 'r het welle lächele, aber 's isch 'm nit glunge. Und wo 's Nanni ine cho isch, cho hschunden, isch er use gange.

10.

m Sunntig 3'Mittag, wo i dr Chuchi Alls uuf= gruumt und blangg gsi isch, het öpper a d' Thüre böpperlet — 's Chrättechristes Wittsraueli, em Nanni sys Müetti. Aber herrje! wie alt, wie grau= lächtig, wie leid — 's bloße Schirbi no vo dem dolle hübsche Fraueli vo albe; und so elend, vrchümmeret.

"Stör di, Nanni?" het sie gseit. "Bi z'Chilche gsi dä Morge, ha di wol gseh i de Stüehle vorne, — — Und du bin i no i 's Stedtli gange go das Böstli zahle. Aber du myn Gott, wie das ne scharpfe Ma isch, dä Prokrater, ne uvrschante! Denk: siebenedryßig Başe het's nume Chöste g'chost und druuf erscht no ne Franke Revision oder Awision oder wie's 'm säge — ha 's letscht Bäşli müeße füregäh —"

"Und hesch gwüß nüt z'Mittag gha, nüt warms drwäge, nit emol e Tropf Wh, gel Müetti? D i gseh dr's a! Uch Gott, wärisch doch, öb d' gange bisch, do vrby, do zue cho! Jetz aber chunnsch inen i d' Stube, d' Gotte hätt's jo ungern. Und im Oserohr sus no Bireschnitz und schöne magere Speck, ganz warm; und nes Schüsseli Gassee drunf — grad vorhy han i dr Gotte nes Chännli früsche gmacht." —

Nes Stündli spöter treffe mr die zwöi Lüütli, 's Nanni und sys Müetti, uf 'm Mühlifeld ussen a, im Bohneplätz. Dört, wo sie Niemer het chönne beluusche, hei sie, sit Langem wieder einisch, nand ihres Herzuußsschüttet.

Zerscht het 's Müetti sps Leid g'chlagt, sps große Leid. —

"D Nanni, aß ig au einisch so dumm gsi bi, die jungi Frau, em Hansi spini, i 's Huus ine z'loh, drwäge my Huushaltig uufz'gäh! Tuusig Mol scho isch's mi groue gsi, tuusig Mol no wird's mi reue, heißt das, wenn i 's Lebe ha! — Z'erscht het sie de

Chinde z'leid glebt, mone Chinde, und nit Rueih gha, bis sie zum Huns uns gange sy eis nom andere: arad wie sie das arme Ausanneli traktiert het - 's het mr mängisch schier 's Berg abasprengt, wenn i 's ha müessen gaseh — — Jet, wo Alli furt so und ia elleini do stoh i ihre Hände, wett sie gern my unter d' Schueh näh. D da'ich nes wüests, das Grit, das glaubt Niemer! Mit fronde Lüüt cha's zelle wie dr lieb Tag, bi eus, im Huus ume, thuet's schnurren und schnauze wie nes Wespi, git keim keis guets Wort, weder em Hansi, no mir. Und cha niit, uf dr liebe Welt nüt, as e chly näihe — o wenn du au dönntisch luege, Ranni, wie das Grit masche thuet und choche, jo foslig und obehy, und Alls jo ungschickt i d' Finger nimmt! Aber wo wett's 's glehrt ha, nes Räihere= meitschi, wo lidigerwys no kei Suppe gseh het mache? Und wenn 'm öppis will zeige, au no so manierlig - o nei, dr Stolz gab 'm 's nit zue, das schnauzt di a, aß froh bisch z'schwygen und z'goh! Und wie gichläcket das albe drhär cho isch, wie us emen Al= tärli use — luegs jet a, wie hiläßig, wie g'schlampig, ungrothen i alle Theile; fogar dr Hansi feit 'm mängs= mol Schlary und Dreckcharen, und er isch doch au nit dr eigeliast und funst. Aber denn schwygt es, 's Brit, au nit, bet nes Muul, wie ne Schlange - o wenn ig em Christe selig, dym Bater, dere Wort gab hätt, i glaub, 'r hätt mi vrchnütschet! Aber au br Hansi brönnt 3'zvtewns uuf und de git's Karewatschis, mängsmol gar schröckli, benn es, 's Brit, git gar nit ab, jo 's het's scho aah, ah es aafange het schloh,

denk au, nes Wybervölchli, und nit nohaloh, bis 's recht Wamms aba bet. Und fagen i nut zue dem Strut, so seit 's Grit nochedee, i beig Frend, af em's dr Hanfi däwäg mach, dä unerchannt Hund; und wehren i ab, so heißt's grad, das gang mi gar nüt a, sell d' Schnurre halte — — D das Lebe! Und de die Armueth i dem Huus inne! G'chochet wird's so mager, schlecht und afäuelig, nen eigelige 1) Hund thät's man= gisch nit arüehre, nei gwüß nit! Was goht benn? Dr Hanfi, wenn's 'm nit aschmöckt, nimmt '3 Schnaps= aütterli a 's Muul, er, wo das früecher so grüüsli uf 'm Strich aha het! Und 's Grit macht vrschmöickter= wys2) Pfannchueche; benn sy mir no, die vier arme Hüdeli, ihri Chind, und ig. Und weisch doch, Nanni, wie elend ig zweg bi uf 'm Mage, eisder no wie schlechter bi der schlechte Chost! Und schunden i, will i die awässerige Herdöpfeli nit ma prlyde, nes Schnäfeli Brot ab, vo mym eige g'chaufte Brot, so länge grad alli Chind brnoh, und 's Grit seit mr Schmäderfräß; denn i trink das leere himmelblaue Gaffee uus, schwy= gen und goh - sell me si vrwundere, wenn i alli Chraft vrlüuren und mi mängisch 's Herzwasser und 's Magebrönne schier tödt? - 5a nie gmeint, aß dr das well chlage, Nanni! - - Und d' Chind, myni Chind — wenn i dy nit hatt, i mueßt schier vrzwofle! Dr lieb Gott well dr's vrgelte! Aber die Andere — nu dr Bikterli cha mr nüt gä, wül 'r ebe nüt het, das gringe Wagnerlöhnli längt gar weni wht; drzue d' Chleider aschaffen, af 'r an darf vor

¹⁾ reinlicher. 1) heimlicherweise.

d' Lüüt. Dr Jokebli het no gar kei Lohn, nüt as 's Aessen und d' Chleidli; dekalnche 's Miggeli, die schöni queti Chost — o i man 'm sie so quet gönne. dem arme Chind! - Aber 's Lifeli - schäme fett fe si, die großi stolzi Tochter: so lang 's jet au dienet, nit e Liar het's mr no ga, keine! Du weisch's jo: im Herbst isch's hei cho, agleit wie ne fürnemmi Madam, mit eme Schleier uf 'm Huet, nes Uehrli im Nesteli, sydigi Sändschli, a de Fingere guldigi Ringli und Sunneparifoli. Mir aber feis Chrömli, as nes abifinias Ankewegali und nes abarütschts fadeschunias Schoperjunti, wo's abzoge het, wül's ihm selber z'föklig gsi isch. Und grüehmt, 's spa jet Chelleri im Serf. a dr Heugumpergaß. Und 's heb so nobli Gaftig; und e Herr, ne fürnemme Herr Inschenör, mach 'm dr Hof und 'r werd's hüurothe. Ach, und du weisch, Nanni, wie unghüür hochmüethig af 's tho bet und 's Räsli grümpft, über das armuethige Seimet, die aroblächtige Lüüt: nud nit gwüßt, öb's well äffen oder nit; und han 'm doch Fleisch g'chochet und nes prächtigs Suppli gmacht und fuuri Schnitli drzue und Whibrot — Alls us mhm Geld, nei us dhm, Nanni! D hätt 'm doch das Aessen a 's Grindli gschossen und 's staregangs zum hung unsajagt, die avttvergegni Schleipf! Denn denk, Ranni: Rächti isch's wieder hei cho, eusers fürnemme Jümpferli, bi Nacht e Rebel, alls em Haag noh; und nes Gsichtli amacht wie ne bschütteti Chat und afo schreien und jommere: Sy Inschenör, da roth Schwob, sya uuf und druuß: es aber im Dreck - försch's au, Nanni, was i sage?

es, eusers Lisi, im Dreck! — D, cha's au nen ungfelligeri') Muetter gä, as ig eini bi? Was i dem Meitschi zuegsproche ha, allimol wenn's hei cho isch: Bisch brav, Liseli! Bet, de Morgen und z'Nacht, numen au nes einzigs guets Vaterunser, bet zue dym Schutzengel und hüet di guet — 'Und erscht vern²) no han i 's gwarnet: "Gang mr i kei Wirthschaft, dört isch d' Gsohr am größte; lieber Chuchimagd su as Chelleri — 'Denn het's mi uusglachet wege mym oltväterische Wesen und gseit, es syg gschyd gnue. D jo, so gschyd: die ganzi Gschydheit treit's jetz denn gly im Schäubeli³) — das elende, nütnutzige Sschöpsschi! Und ig mueß das au no erlebe, ig armi gschlagni Frau — !"

Ach, wie isch 's Nanni erschrocken ob dr Neuigteit! Und het am End selber aso briegge mit dr Muetter, so het se's duuret.

"Was will's jet afoh, 's Liseli?" het's do gfrogt.
"Afoh? Ach du myn Gott, wenn du förtisch, Nanni, was das für eifältigi wunderligi Rede füchrt! Bald seit's, es well em Hölder in noh, unf und noche, und sog 'r vrborge z'usserist am End dr Welt, es welle finde; aber gwüß sog 'r deheim i som Heimet, und dr Papa sog ne grunsam ruche fürnemme Herr; denn seit's wieder, es well dem Ding no nes Rüngli abpasse, 's heig 'm gschrieden und gwüß löih 'r 's nit so im Stich; bold wieder thuet's ganz vrzwistet und schreit i eim furt, aß eim ganz angst wird, es stell no öppis a! — Und die Armueth bi dem Luxuse

¹⁾ unglücklichere. 2) voriges Jahr. 3) Schürze. 4) Geliebten.

wese — do cha mr an wieder sägen: usse six und inne nix! swöig Nöck und gfogligi Junti, zwöi Sunne parisöli und nit emol eiß guetß ganzeß Hömli, Löcher i de Strümpslene, eiß Paar Stieseli, abglausni, vrtreibeti! Und Geld — kei Rappe meh, blöseli für hei z'cho. Und die ruuchi schlechti Chost, bi 's Chrattechristeß Hansi — jet isch's 'm guet gnue! D Nanni, chumm ömel nie meh hei, i daß Elend ine, heb du di schön still i dym guete Platz und blyb schön fromm und brav wie bis dohy!"

"Und doch blyb i do nümm lang", seit 's Nanni druuf, "cha nümm blybe!"

"Was du nit seisch!" 's Müetti het vor Schrecke frei 's Briegge vrgesse. ""Was du nit seisch — furtgoh! Sie werde dr doch nit öppe g'chündt ha?"

"Nei, das nit. Aber ig ha im Sinn z'chünde —"
"Du? Worum das? I mueß mi ganz vrstuune!"
Do foht 's Nanni afo erzelle: "Du weisch's jo,
Müetti, — i ha dr's jo mängisch g'chlagt i früechere
Johre, wie mi dr Köbel hassi und vrsoszi, und wie
mi d' Gotten immersurt müeß i Schut näh vor sone
Grobheite. I bi's asen ordli gwohnet gsi das Hässigs
thue; und hüt denken i und ha's scho hundert Mol
denkt: wär's numen eisder so blibe! D jo, wär's
nume so blibe! Denn wien i größer worde bi, het si
's Blettli süsserli aso chehre, sit eme Johr ganz bsunder=
bar. Dr Köbel het sys z'Chiltsahren ygstellt, wird
halt gseh ha, wien 'n die ryche fürnemme Töchtere
nume zum Beste hei, begryfsig! Jetz strycht 'r mir
noh, dens au, Müetti, mir, dr arme Hunsmagd!

Und trappet mr schier d' Zechen ab und stoht mr i Weg schier uf Schritt und Tritt, aß i schier niene sicher bi vor 'm — —"

Nes Bohneblatt, wo's i dr Hand het, verrupft's i die chlynste Stückli.

's Müetti aber het vrgeße 's Muul zuez'thue vor Brstuunen und schloht frei d' Händ ob 'm Chopf z'säme vor — vor was?

"E jo, was du nit seisch, Nanni! Du wirdsch doch öppe nüt draege ha? —"

"Allwäg jo, han i drgege! I fäge's dr Gotten, und wenn denn das nüt hilft, so gohn i furt, myde 's Huus, selb isch ficher!"

"Was? 's Huns myde? Ne ryche fürnemme Buurejuhn, dr rychst sogar wyt und breit, macht dr Hoff= nig, und du wotsch drwege 's Huns myde — cha mr au dümmer, eifältiger zelle?"

"Het da Herr Inschenör, wo d' ebe gseit hesch, eusem Liseli nit au d' Hoffnig gmacht? Pfi Teusel!"

"Jä, so dumm wie es, muesch du nit sy, Nanni, so dumm wirdsch du nit sy — Du wirdsch, wenn d' Sach däwäg stoht, mit Freude zuegroffe, das heißt vor Allem uus d' Sach mit 'm z'Bode machen, aß 'r ömel nümm chönnt fallieren i keim Fal nit — Brstohsch mi denk wol!"

"So? Das rothisch du mir; my eigeni Muetter?" Pot Blit! Wie stolz het das schöne Meitli sus Müetti agluegt, wie bös! Af das ganz vrdutt worden isch und ganz schämig und vrlegen und schier nit gwüßt het, wie's sp Red will dräihen und vrbessere. "Heißt das — i ha eigetlig nüt Böses gmeint, bewahr: Ha bloß gmeint, du settisch 'n hübsch am Bändeli bholte — Zucht und Ehre vorbholte — — und 'n hüürothe, wenn 'r doch gneigt isch. Anderisch nit."

"Ob er a 's hüürothe denkt, wenn 'r mr schier z'Zechen abtrappet, das weiß i nit. Nume das weiß i, aß ig 'n nit hüürothe wüll, dä ganz und gar nit!"

"Was? Du, em Chrättechrifte sps Meitschi, wettisch nit Frau Müllere werde z'Matteried? Nei, jetz glaub i doch bold —"

"Nu, glaub du was de witt, Wüetti, vo mir, nume nüt schlechts! Und schlecht wär's, wenn i em Müllerköbel Bscheid gäb, uf die oder nen anderi Wys, won ig 'n doch gar nit cha achten und ehre, no viel weniger liebe!"

"Liebsch öppe scho nen Andere, Nanni?" thuet 's Müetti förschele. "Säg's nume: gel, du hesch scho nen Andere lieb, hesch scho ne Schap?"

"Nei, Müetti, uf Ehr nit! So mängen au scho het wellen ahosche, Chnechte, Tauner und Professioniste, Gspaß und Ernst — mit teim han i abunde, ha a dy denkt, Müetti, wer denn für di lueg; und jeß mueß i au no a 's Liseli denken, a das arme!"

Jet isch aber d' Muetter recht bos worde.

"So? A my denksch und a 's Liseli? Und wenn d' chönntisch ne rychi agsehni Frau Müllere werde, thuesch hochmüethig 's Chöpkli uuswersen und säge: nei?"

"Und i fäge no einisch: Dr Müllerköbel wüll i weder als Schap, no möcht ig 'n für e Ma, wenn 'r das au grad im Sinn hätt!" Das het 's Nanni ganz lunt gseit, aß me's frei wyt hätt chönne före, lunt und chärsch. Grad drunf aber isch's ganz chleimüethig und truurig worde. "Ach, Müetti, wie du so grüüsli arm worde sy muesch, so elend arm, aß mir, dyr Tochter, so öppis channsch zuemuethe! Bsinnsch di nümm a selb Morgen= und Schuzengelgebetli, wo mi glehrt hesch as jungs Meiteli und mr zuegsproche, wie brav aß i sell sy? Ig ha's nit vrgessen, aber schynt's du!"

Und das große stolze Meitli het frei aso slenne. Und 's Müetti isch do gstande, wie ne blöden arme Trops, und het gsüüfzget einisch über anderisch und gseit, ganz chlyluut: "Nu, 's isch numen au so mü Meinig gsi, zwänge wüll i jo nüt — D Nanni, du weisch nit, was das heißt, so arm und verachtet z'sh, wie euserein!"

Und druuf het 's Nanni gseit: "Los, Müetti! Brlang von mr was de witt, fäg, i sell Tag e Nacht schaffe, i sell keis neus Chleidli meh chausen und alli Chrüüzerli, won ig uuf= und abringe, Dir zueha— i thue's, i thue's mit Freude für mys lieben arme Müetti! Aber vrlang nume 's Unmöglige nit, aß i sell dr Müllerköbel gern ha, uf die oder nen anderi Wys— i ch a's nit!"

Zueglych het's sys Geldseckeli unftho und dr ganz Inholt, paar Silberstückli und e chly Münz, em Müetti uf d' Hand use gschüttet — —

I dr Mühli isch große Lärme gsi. Dr Unggle Leuewirth, vom Schlag troffen, am Sterbe — het's gheiße. Dr Köbel selber het 's Scheesesuchrwerchli füregrissen und helsen nspanne; und isch uuf und drvo gfahre, was gisch was hesch, für no ne zwöite Dokter z'holen us dr Stadt.

11.

r Leuewirth gstorbe, die ganzi großi Familie im Leid. D' Madlung, d' Müllerstochter am meiste, denn dä Vorsal het ihri Hochzyt wieder um paar Buchen usegstellt. Paar Buche — wie liecht hätt er 's wieder chönne greuig werde wie scho mängen Anderen an — o sie isch afe gwiziget worde, die armi Mad-lung. Drum nit vrgeben ihre Chummer, ihre Chyb über dä unzytig Tod.

Truurleid im Huus — em Müllerköbel het si das Leid notisnoh i großi Freud vewandlet.

Es het nämlig der Unggle Leuewirth nes Erbstück hinterloh, wo zwar nit i d' Iventarschatzig unfgnoh worden isch, aber gradglych au ne gwüsse Werth gha het: ne große politische Ahang und mehr as eis politisch's Gstell. Darunter au 's Großrothsgstell. Wer sell das erbe? het's gheiße. Natürlig dr Suhn Fritz — so gschyd und glehrt. Dr jung Leuewirth aber het dr Chopf gschüttlet und gseit: "Ma nit! D' Wirthschaft, da Buuregwerb und drzue no ne chly Wyhandel; und jetz elleini zum luegen und regiere — und ha wyters kei Guh für das politische Wese — nei, gät das numen emen Andere!" und sps junge

Fraueli, 's Bleickers Lifeli, het ebefalls gseit: "Fo, machet nen Andere, i bitten Ech!"

Nen Andere — da'sch gly gseit gsi. Aber was für Eine? Dr Bleicker nen olten übelzytige Ma, dr Stattsholter übelkörig, dr Chrämer uf dr andere Partei; dr Gmeinschryber — jo gschyd gnue wär dä scho gsi, aber nume zwöi drüü Chüehli im Stal — nei, so ein het me doch au nit chönnen i Großroth schicke. Und doch het Matteried eine müeße ha, dr Ehr und em Recht z'wille, vo dem het me nit dörse loh, so ne großi agsehni Gmein.

D' Noth isch groß gsi. Do chunnt's eme Gipaß= vogel, em Schnydertönel, i Sinn: "Ja weiß Ech Eine: dr Müllerköbel!" Das het 'r zue de junge Burschte gseit, und die hei überluut afo lache. "Halloh, dr Müllerköbel, da nehme mr uf 's Taveet! Herraott! wie wurd da ne Stolz übercho und z'fuuffe zahle jä jo, g'fuuffe gable mueß 'r!" Ein het's em ondere gseit: "Dr Müllerköbel mueß Großroth werde!" Und het au dr eint oder ander ernsthaft Ma syni Nwendige amacht: "Löiht das gelte, Buebe - - dr Röbel, so nen unglehrte unbfinnte Ma - nei, me müeßt si jo schäme!" "Was, schäme?" het's gheiße, "sys nit au allerhand für Mannen im Roth, Gichydi und Düpple? Ein mehr oder weniger, wege dem abeit d' Welt, gheit br Ranton nit um! Aber g'fuuffe gable mueß 'r, aß 's chrachet!"

Dr Köbel, wo's em's ag'chündet hei, het z'erscht ne ganz vrstuuneti Miene gmacht. A das, a die Ehr, het 'r no gar nie denkt, au het 'm d' Politik no nie Chopfweh gmacht; und 'm Unggle Leuewirth gstimmt, am Gmeinroth, a dr Gmein — das het 'm bis doht vollständig gnüegt. Aber jet, wo's 'm das Amt ansofferiere, do het 'r afo drüber no sinne ganz vo ernste.

'r het drüber nohgsinnet schier ne ganzi längi Nacht, die ersti i sym Lebe, won 'r schloslos zuebrocht het.

Großroth z'werde - hm! Bet dr Unggle felig nit mängisch g'chlagt, wien 'r so viel Zyt vrsuum bemit? Und über die Quästionen und Uchummlich= feiten, am ene fronden Ort übernacht 3'fn, und wie's eim aheb, das aftrengen i alle Sache? - Uber br Leuewirth isch afe nen olte, grüvsli dicke, churzöthige Ma gfi, het dr Wy nümm möge vrträge, d' Strapatete. Ig aber, het dr Röbel denkt, bi jo gfund und ma Alls vrlyde, sowohl 's quet ässe wie 's viel trinke - wol, mit bene Schnäuglere wett ig's benn uufnäh i allne dene Stucke — Und denn die Ehr? - - "Herr Großroth" - wol bigost! da'sch nen Ehr oder denn git's feini meh. "Berr Großroth", das luutet so stolz und fürnemm, scho dr Name macht ein agseh bi Herren und Buure. Und au bim Wyber= volch, bi de Töchtere, perjeh! — Und eigetlig isch's wohr: wo isch ba, i br ganze Gmein, wyt und breit, wo besser drfür zwäg isch für das Gstell uusz'fülle. as ia, wo? -

Und wieder isch's 'm i Sinn cho: d' Töchtere — thüeih ächt die fürnemme hoffärtige Jümpferli, wo dr "Müllerköbel" nume so über d' Achslen agluegt hei, au no hochmüethig 's Räsli rümpse, wenn dr

"Herr Großroth" ahosche thuet? Aber öb 'r denn no wüll? Da'sch ebe die Frog. Nei bigotts! denn wüll ig au erlese, jo das wüll i!

Dä Gedanke het Alls überwoge; und rasch, selbi Nacht no, het si dr Köbel etschlosse, wenn me's doch absolut zwänge well, so well 'r si lo zwänge. "Aber z'suusse zahle, wie sie öppe meine, hie und an anderen Orte — nähä, das thuet dr Köbel nit! Wol, die wurden ineligge, die Matterieder und Grüterbueben und erst die vo Leidiswyl, die Hungerlyder! Aber nähä!"

Won 'm aber dr Schnydertönel isch cho brichte; "Köbel, paß uuf! Dr Chrämer wüll's schynt's au werde — Und 'r sell vrluutet ha, gege Dy nehm er's uuf und 's reuen Alls nüt, weder 's ässe no 's trinke — — " do het dr Köbel mit dr breite flache Hand uf 's Hosebei gschlagen, aß 's frei luut tätscht het, und si stolz uufgrichtet uf syne chrumme Beine. "Was? Dr Chrämer wüll mi usebiete? Wol, bigotts, jeh wei mr luege, wer meh Feufliber het, dr Müllersköbel oder so nes Zikorimannli, hahahaha!"

Und 'r het em Schnyderli Vollmacht ga, unbedingti.

Und d'Muetter Mülleri het lang chönnen abwehren, und dr Gottlieb au, mit gueten und ernste Worte, 's het nüt meh hulse, dr Köbel isch scho ganz vrnaret gsi i das Gstell, i die Ehr —

Und Niemer het si gfreut im Huus, nebst ihm, as 's Nanni; 's Nanni, wül 's e Zytlang e chly Rueih übercho het vor syne Liebestälpeleie, dene dummen ungattlige. Denn uf eimol wieder syn 'm die ryche Buuretöchtere i Chopf gstiege.

Und wie wenn 'r si wett preperieren uf das Großrothwesen und das Brsuumte nachhole, het 'r schier
vo nüt meh anders as vo Politig gredt, bi de Chnechte,
bim schafse, bim ässe, i dr Schüür, allen Orte, bis
sie schier sturm worde sp und dubetänzig. "O das
macht mr kei Chummer", het 'r gmeint, "mit dene
Herre z'rede, poh Donner nei! Will wüsse, wer mi
eigetlig übertresse thuet punkto betress em Redhuus?
Ha dr Oberamtme scho gchört, ha dr President scho
gchört und d' Amtsrichter allz'säme; und an dr Landamme scho gchört, nämlig dr Vizer'), a dr Vrsammlig
im Stedtli — me het 'n uf zwöihundert Schritt scho
chuum meh vrstande! Aber ig, ig wett, wenn's müeßt
sin, so luut hoopen²), aß me's uf 'm Grüt obe thät
köre, ne Halbstund wyt, hahahaha!"

Und d' Chnechte hei's gern glaubt, wege dem luut= hoope; hei's scho gnue erfahre.

"Liberal sy", het dr Köbel ferners gmeint, "liberal sy, was das heißt, vrstohn ig am End au, gwüß so guet wie nen Andere —"

"Fä", het dr Meistermahlchnecht hywendet, "liberal dörfet dir jo nit sh, nur die Kunservative thüen ech jo wähle!"

"Ebe jo, kunservativ — wer seit öppis anders? Und uf d' Wort chunnt's eigetlig so spit gar nit a. D' Hauptsach isch, wien ig mr's vorstelle, aß me den Andere nüt loht — ömel em Chrämersi gar nüt!

¹⁾ Vice. 2) schreien.

Und aß me brav z'jäme het, nämlig d' Buuren, All wo öppis hei. Oder sellen öppe die andere regiere, i d' Sach ine rede, wo nüt stüüre, nüt z'vrlüüre hei? Nüt selle die z'säge ha, da'sch au em Leuewirth sy Meinig gsi und em Bleicker syni; nume hei se sie nit so luut g'üüßeret. Aber ig loh mi vo denen Aristokratesößlen ab 'm Grüt aben allwäg nit so d' Nase dräihe, dene sägen i 's de gly, uf e Tätsch use. Und im Großeroth bin i denn dr Erst, wo drzue stimmt, me sell — afäng, me wird's öppen einisch vrnäh, wien ig uußepacke wirde, wenn's zum Tresse chunnt — Grad wege dr Bürgergod: 's nimmt mi denn wunder, öb das recht isch, aß das Taunerzüüg') so viel Burgereholz selle bezieh, wie die große Buure, wo ne Trupepele Säu müeße mästen und Chnecht e Mägd ha?"

D' Wahl isch cho. Dr Wy het gwürkt und nit minder d' Schalksnarethei vo viele Lüüte: Dr Köbel isch Großroth worde; und het si nit übel aso meine.

Aber die Uertene²), wo die hylaufe sh us dene Gmeine — dr Köbel isch vor Schrecken und Täubi³) schier wild worden und dr Schnydertönel het guet recht gha, aß 'r si ne Zytlang absyts gmacht het, a fröndi Ort uf d' Stör: dr Köbel het gschwore thüür und heilig, 'r thüei dem Schelme=Schnyderli dr Hals z'ringsum dräihe. "Aber i zahle's nit!" het 'r wieder gschwore. Und het doch zahlt, het halt müeße zahle.

Ach, was d' Müllere für ne Brdruß gha het die Zyt uuß! Und dr Gottlieb nit weniger; wien 'r ft

¹⁾ Taglöhnervolf. 2) Wirthshausrechnungen. 3) Zorn.

gschämt het ob dem dumme Thue und Brichte, vom Röbel, und wien 'n Alls zum Beste gha het, durewegg.

12.

e funkelneui Bchleidig am Lyb, ne zwöistöckige Zilinder uf 'm Chopf, nes halbpfündigs silsberigs Uhreghänk über e dick Buuch abe, dr Nastuechsopfe wyt zur Chittelstäschen uus — so isch dr Köbel i Großroth gfahre, i dr früsch glaggierte Scheese, mit 'm spiegelglatte Schweißsuchs, so gstadlig as je eine.

Und die Bekannte, won 'm begegnet sy, het 'r scho vo wytem grüeßt: "bungschur! bungschur!" Und het währed dr länge Fahrt no einisch a dr Red ume gstudiert, won 'r denn well ha bi dr erste Glegeheit: übers 's Gobeholz und über d' Ansasse, die me gar nit sett müeße dulden i dr Gmein inn; und wege dr Kanastervrmessig, wo eigetlig, vo Rechtswege, d'Gmeinen, und dr Gstaad sette zahle müessen und nit d'Buure; und wie d' Regierig nes Gset sett mache wege de Dienste, aß die eim nit chönnte druuslause demitts im Johr, und keis frönds Mehl meh dörf glieseret werden über d' Grenzen ine — — So het 'r gstudiert, dr Köbel, und dem Studium nohghulse mit mängem, mängem Schöppli, sowohl rothen as wyße, für Guerässhi überz'cho.

Mit dr Red aber isch's fatal gange. Dr erst Tag het si gar kei Glegeheit bote, do isch scho gar nit gredneret worde, nume gwahlet. Du isch me go dis schiniere, bis schier i d' Nacht ine — ne schweri Pflicht,

aber euse Köbel het sy Ma aftellt und syr Smein Ehr amacht, keine bet 'n mögen im äffen und trinke — Um zwöite Tag, uf e britt z'Rüünischoppen ufe, het 'r si ameldet und in Red los gloh. Aber scho bim Afana isch 'r ordli vrstuunet. Alls bet afo lachen, und dr President bet gseit, das passi but gar nit, vo dene Sache sug gar nit d' Red. Und 's het em si gar nümm welle schicke; dr Köbel isch vo dem hocken und trinke, trinken und hocken am End gang fturm worden im Chopf und het si uf sh Red bold gar nümm chönne bfinne - - Au 's stimme bet 'm ordli Müeih amocht, er hätt's nit glaubt. All Bot, mängisch drüü, vier Mol hinternander, isch's abamehret worde. Ru, so lang dr Chronewirth i dr Chrüüzstroß do gsi und vor anem gseffen isch, bet dr Röbel numen uf da, uf in Fründ, chönne luege. Aber scho dr zwöit Tag 3'Oben isch dr Fründ hei — jetz was machen, af 's nit lätz use chunut? Dell*) si alben unfgstande, bell nit - wer seit em's jet, mit wellnen af 'r 's sell ha? Aber dr Röbel isch nit uf e Chopf gfalle, er stoht je de 3 Mol uuf mit beede Parteie, so cha's am we= niaste fehle - Um End aber sy's em druuf cho, und wieder het's nes großes Glächter ga: und br Amtsrichter Fingerli het 'n uf d' Syte gnoh und si anofferiert: "Blob du nume rüehig hocke, bis ig di stüpfe — mueß 's jo em Challeberger au so mache."

Won 'r aber hei cho isch, do het dr Köbel öppis wüsse z'brichte, pot Hagel! 's Gmeinrothsh, i dr Chäskummission und sogar by dr Hengstegschauig —

^{*)} Einige.

vo das syg nume ne lötigi Narethei gege das Großrothswese! Do werd's gredneret druuflos, eine schärpfer
as dr ander, me chönni mit seim Hämmerli drzwüsche;
und Gseti gmacht und Parigraphe, das göih so gslingg
wie's Heißt, i dummen eifältige Burschte — jo so ein
wurd schön arönne mit dr Pelzchappe. Ihm aber heb's
nüt tho; er heb denst: "Jo, jo, brichtet dir nume,
so gschyd wie dir syt, bin i allwäg au! Und ha my
Sach au gseit, nume ganz churz und eventuäll, das
heißt so hintedure — Aber die hei mi agluegt,
das hättet dr selle gseh, wie mi die agluegt hei, poß
Donner!"

Und d' Chnechte hein 'n am End würklig afo aluegen und denkt: "Isch's ächt au müglig und wohr, was 'r do seit? 's dunkt ein, 's sett nit chönne sp."

Druuf isch's em Köbel i Sinn cho, es möcht jet a dr Zyt sy, die Ehr uusz'nute und bi de ryche Buuretöchtere no einisch az'hosche.

Aber au dä neu Brsuech het elend fehlgschlage —

's isch rein zum Brzwnfle gsi, zum Wildwerde!

Und euse Köbel isch an würklig schier wild worde. "Blose's mr doch i d' Schueh, die hochmäethige Schnuder=löchli!" het 'r polderet. "Jet nimmen ig Sini, wo fei Bate het, aber doch meh werth isch, as sie alli=3'säme — jo, das thuen i!"

Und 'r isch zum Nanni gangen uf d' Lauben use — 's Nanni het grad Hömli glettet — und isch use= pletscht mit sym Aliege, mit eme förmlige Hürroths= antrag — Und 's Nanni het kei Wort druuf gseit, au gar keis. Het sys Glettyse gnoh und isch mit ine gange — benk go früschi Glüeth reiche, het dr Köbel gmeint. Aber keis Nanni het si meh loh erblicke.

'r isch's go sueche zentume; au i 's Chämmerli, doch das isch g'rieglet gsi.

Do het 'r afo brummle, ganz luut: "So? Sett i öppe no dem Ehr athue und d' Händ unter d' Füeß leggen, ig, dr Müllerköbel?"

D' Muetter, wo das Gläuf und Gmutter kört het im Huus ume, het gfrogt: "Wo fehlt's? Was isch los?"

Und im ene Küngli ane het sie 's Nanni lo cho, i ihres Stübli ine, und es heiße d' Thüre zuethue — duß aber isch dr Gottlieb gsessen am Bult, mit sym syne Gchör —

"Nanni!" het d' Müllere agfange, "i weiß Alls, 'r het mr's selber gstande, dr Köbel — — Und jet los, was i säge: So lang di könne, so lang aß bi mr bisch, Nanni, hesch mr schön gsolget, nüt aß Freud gmacht, jo währli! Drum bisch mr au so lieb worde, schier lieber as my eigeni Tochter — vrzieh mr's Gott! Und jet folg mr nume no einisch, nume no das Mol: Wird eigetlig my Tochter, hüüroth dr Köbel! — — D du weisch es nit, wie mr demit e Gsalle thätisch! Und denk, nit numen em Köbel isch daß i Sinn cho, au my Gedanken isch daß gsi, sit Johr und Tag, my liebst Gedanke: du settsch Müllere werde, du! Es wär nes Glück für 's Huns, nes Glück für e Köbel, du chönntisch ihn regiere, syni Sitte mildere, daß chönntisch du, besser as kei Anderi. Und i wüll

di unterstütze, so lang i cha - und er mueß die dummi Aemtlisucht lo fahre; und wenn 'r au chly groblächtig isch, im wahre Grund meint 'r 's boch nit so bös - du könnsch 'n jo wol und bruuchsch's au nit viel z'achte - ach, me glaubt nit, was so nes ordligs jungs bravs Fraueli uusrichte cha au über e ruuchhääriast Ma — Und Eine sett doch hüürothe oder sell das Gschlecht denn unssterbe, das schöne Heimwesen i anderi Händ übergoh? Jo, wenn dr Gottlieb chächer war — mit dem geistliawerde isch's doch halt vrby — ach Gott, das Chrüüz — Aber was fohsch jet afo briegge, Nanni? I will dr jo gar nit weh thue und di eigetlig zue nut zwänge, bewahr! Aber wenn's au mache chönntisch und my Wille erfülle — 's that mi freue bis i Tob — — Rei, Nanni, jet will i fei Bicheid! Bfinn di wohl. i gibe dr drei Tag Ant. Uebermorn isch dr Madlung ihre Hochzutstag - am Tag druuf gisch mr Bscheid, guete Bicheid, gel, Nanni? Will's em Röbel fagen, af 'r dr Rueih loht bis benn — So jet gang, Nanni, will e chly bete - - "

Aber 's Nanni het nit gwartet bis am Znstig de Morge.

Am Sunntig z'Nacht scho, wo's dr Gotte 's Nüdelissüppli inebrocht het i 's Stübli ine, het die gseit: "Wotsch nit au chly abhocke, Nanni? Hesch öppe gnue gschaffet hüt, g'chochet und g'chüechlet — 's isch eigetlig e Schand, aß me di het dörfe heiße, am ene Sunntig! Und muesch de Morge so früeh uuf — loh jet d' Mägd fertig uufputze, die sy au für öppis do

— Ach, dä groß Trubel morn, dä Unswart für die viele Hochzytlüüt — was wette mr jet an afoh, wenn me di nümm hät? Di chönne mr jo gar nümm furtloh, du muesch blyde für eisder, gel, Nanni?"

Sie het so fründlig moge lache, die olti übelzytigi Frau! 's Nanni aber het hüt so bleich und über= nächtig use gluegt dr ganz Tag, jet het's frei rothi Auge aba — vom chüechle? Nei vom briegge — — Und wie's d' Gotte so fründlig pladt zum sitze und so herzlig zellt vom doblybe, so cha si 's Nanni nümm länger überha und seit: "Dir heit mr drei Tag Zvt aä, Gotte — Aber i ha mi jetz scho uusbsinnt und ändere cha's nüt meh dra; und 's isch besser i säg's grad jet, 's isch denn use: Was dr mr do gseit heit wege 'm Köbel — 's cha nit sy! Gotte, werdet nit höhn, Euch - dr Liebgott weiß's - Euch hätt ig's jo gern g'lieb tho, aber ihn chann i nit lieben und drum au nit hüurothe, chonnt's i Gottsname nit über 's Herz bringe, 's war jo ne großi Sünd -- I bi no einisch mit mr z'Roth gange, nächti, die ganzi längi Nacht: und ha betet bis i dra naschlofe bi; und e Stimm, 's het mi bunft, es fng 's Aetti's Stimm, bet mr gruefen im Traum : thue's nit! thue's nit! - - I bitten Ech no einisch, Gotte, werdet ömel nit höhn, i bitten Ech dr Gottswille! Und i danken Ech für Alls Liebs und Guets, wo dr mr erwiese heit, mir und mynen arme Lüüte beheim — wül's nit vrgesse, nie! Und für Ech beten allant — — Säget em Röbel, au er sell mr's nit gurne: '3 Berg cha me halt nit ummodle, nit zwänge — Und

wenn i drwegen au dr Plat mueß myden und thue myde — i Gottsname!"

"I Gottsname!" het au d' Gotte gfüüfzget — Fuehrwerch sy acho, Stimme sy suut worde im Hof unte: d' Madlung mit ihrem Brüütigam uud dr Borbruut'), für z'übernachte. Do het's z'uuswarte gä und z'saufe!

Und erst mörnderisch, am Hochzyttagmorge! Do isch de Herr Brüütigam ordli bizyte zum Borschyn cho, g'ölet und glatt und glizerig vo Chops bis zue de Füeße — Aber d' Bruut — was das für ne Duästion gä het mit dem Akleide! Und die Gäst, wo notisnoh agruckt sy vo alle Syte mit Wägeli, Scheesen und Gutsche, Buuren= und Herrelüüt, im größte Wix. Dene het müeße dr Scharis gmacht werde, hinten und vornen, und uusgwartet mit Thee und Gasse und Wy, mit Chuechen und Chüechli, Hammen und Brotis. Vrständigi Müettere hei au Chind mit ne brocht, chlyni Strupse, wo zwängt und g'chaslet hei i allem umen und gwolti z'thue gä mit lüpsen und bsorge.

Und d' Muetter Mülleren im Bett — fie het ne bösi schlossosi Nacht gha, viel Schmerze; dr Gottlieb — was het me vom Gottlieb welle vrlangen as öppe 's Gsellschaftleiste? Dr Köbel, dä isch dr ganz Morgen im Roßstal uß gsi, het gnue z'thue gha die frönde Roß z'mustere, shui z'spienzle²), z'lachen und z'gragöhle mit dene Buuremanne, me het 'n g'chört dur all Wänd dure — So isch denn eigetlig Niemer gsi zue dr Unswart, zur Abwart für die Schmuslichind, zum

¹⁾ Brautjungfer. 2) groß thun.

Bicheidgäh i dr Chuchi, im Herrezimmer, allen Orten, as 's Nanni. Und hätt no eisder selle bi dr Madlung hocke, bi dr Bruut, eisder zuen-eren ufe goh.

"Nanni, isch 's Hoor doch au schön vrtheilt, d' Scheitlen exakt demitts und egal? Und d' Züpfe hanget sie nit z'teuf? Jet heft mr 's Chränzli uuf."

"Nanni!" het's vo unten uuf grueffe mit siebe

"I chume!"

"Nei, jet Ioh di nonit goh! Z'erscht muesch mr d' Steckgusen ythue und 's Medaliung ahenke — — Und mi recht bschoue: dr Rock — het 'r nit e chly ne Falgen am Rügge? Wol, 'r het! Säg's nume! D hätt 'n doch zuen-eren andere Schnydere tho! Brpfuscht het sie mr Alls, Alls horribel vrpfuscht, die Stadther! Wenn i dy eifältig Rock aluege, wie gattslig dä chunnt gege mys chöstlige fürnemme Chleid — i möcht brüele vor Chyd — — Und d' Schleppe, wie chunnt d' Schleppe? Viel z'churz, gel? Feh dr Bruutschleier — o heb ömel Sorg mit dyne grobe ruuche Fingere — denk, da'sch nes Gschenk vo ihm, vom Schühl —"

"Nanni!" het's wieder gschroue vo dr Chuchi her, us dr Stube.

"Jojo, jet !"

"Nei, so wart doch au, i bitte di! Dört 's guldig Braßli — läng mr doch 's Braßli — Und 's Uehrli und 's Uhrechetteli — legg mr's a! — — Und 's Büechli, das sammetige, im Schublädli inn — Und 's Nastuech — schütt mr paar Tröpf

dry, do us dem Gütterli, i Zopfe! — Und d'Händschli, nei, die wyße dört — ach, wie dumm! — Und lueg jet no einisch recht z'ringsum, öb doch Alls recht chömm — sie werden ömel nit uufslüügen übernide. — Aber i gseh's wol, 's isch dr nüt a mir glege, ließisch mi furtzieh wie ne Böögg, jo gwüß, das thätisch! Und i gseh's au wol im Spiegel: i bi no nie so weni schön gsi wie hüt, 's Hoor und d'Gattig — Aber dir isch das ganz egal — v i merke's guet!"

"Nanni!" Das Mol isch's sogar dr Gottlieb gsi, wo gruefe het uf dr Stegen unte. Und jetz isch 's Nanni würklig au uusgrisse, gäb wie d' Madlung gwehrt und gschumpfe het —

In ere Stund druuf isch's uf eimol wieder so still worden i dr Mühli. Furt si sie zoge, die ganzi Gsellsichaft, z'Chilche, i 's Stedtli zum Schmauß, uuf und furt — endlige!

"Endlige!" hei d' Mägd gseit und au d' Chnechte; benn jetz hei au sie rüchig chönne zuesitzen a Tisch, i dr Dienstestuben, und si hinter die Chüechli mache, binter d' Hammeschnitz, hinter e Wh.

"Endlige!" het d' Frau Müllere gfüüfzget im Bett. "D, das Chopfweh! bi so sturm vo dem Gstürm und Thopp im ganze Huus ume! Und 's isch mr so öd um's Herz, weiß nit wie — — Dank heigisch, Nanni, aß au a my denksch — dä Thee schwöckt so tuusigs guet! Aber Du erst wirdsch recht froh sy, aß sie furt sy, gel? Du arms plogts Meitschi, Du!"

""Endlige!" het au dr Gottlieb gmurmlet i dr

große leere Herrestuben äne. 'r het so viel müesse grüeße, so viel schwäße, ganz gege sh Art, sogar mit-lachen, über e Wille. Und so gnue müessen umenand stäckle, de Tische noh, inen und use; 'r isch so müed gsi und jetz so froh, aß 'r het chönnen us 's Kuehbett absitze. Und wer 'n gseh het, dr Chopf a 's Chüssiglähnet, mit gschlossenen Auge so müzelistill do hocke, hätt wägerli gmeint, 'r thüei schlose. Aber 'r het nit gschlose, nume teuf gstuunet — Und isch ganz erschrocken uusgsfahre, wo 's Nanni ine cho isch, für cho dr Tisch abz'rume. Au 's Nanni isch schier erchlüpst und seit: "Aber du myn Gott, jetz chunnt's mr i Sinn: Dir heit jo no gar nüt z'Morge gnoh — vrzieht mr ömel, ha so viel z'stuune gha und z'mache!"

Und gflingg, wie nes Reh, isch's i d' Chuchi abe und gly druuf mit Teller und Schüsseli ine cho, das Schüsseli het frei dämpft. "Do nes Buliong mit Ei, ganz früsch und warm! Und do nes Milchweggli, Pfeffer und Solz — — Trinket dr nes Glas Wyßen oder Rothe drzue?"

Bi dem warmduftige Buliong und dem Glas Rothe het euse jung Huusherr ganz munteri Bäckli überscho. 's Nanni het syni rothe Bäckli scho gha, vo dem niele rönnen und schaffe — me het's nit gnue chönnen aluege, das herrlig hübsche, schlangge gflingge Meitli! Au dr Gottlieb het's, wo's so gschäftig tho het, schynt's nit gnue chönne betrachte, mit syne träumerischen Auge. — Und wie 's Nanni wieder a sys Channebeestischli äne chunnt für abz'ruume und so fründlig frogt: "Het's gschmöckt?" do faßt 'r 's bi dr Hand — 's

isch 's erste Mol gsi — Und 'r seit mit emen eigethümlige Blick, dä het em Nanni frei glüüchtet bis i 's Herz ine, und mit eme eigethümlige Ton, dä isch inedrungen au bis i 's Herz: "Isch's denn wohr, Nanni, wotsch eus vrloh?"

's Meitschi isch roth worde wie ne Glueth, 's het vor Brlegeheit schier kei Luut fürebrocht. Und dr Gottlieb het no einisch gfrogt: "Also d' Muetter und mi chönntisch däwäg vrsoh? Mir hei dr jo nüt z'seid tho!"

Do isch em Nanni frei 's Wasser i d' Auge gschosse. "Was wül i anders mache, so wie die Sache jetz stöih?"

"Und wenn ig dr schön aholte, Nanni, wenn ig di frei bitte, do z'blybe?"

Ihri Hand het zitteret i syneren inn, sie het 's Schäubeli vor d' Auge gnoh und rechtschaffen afoschnüpfe.*)

"Mussch nit briegge, Nanni, das thuet mr weh — Los lieber, was ig dr no z'säge ha! Du hesch mym Brüeder Köbel dr Chorb gä — gisch mir 'n au? — I bi zwar nume nen elende Chrüppel! 's isch sei Gab, won ig dr bringe cha, numen ne Last! Und ha dr nüt z'schenken as my uufrichtigi treui Liebi — "

'r het so treuherzig zuen 'm ufe gluegt mit syne große gschyde treuherzigen Augen, und 'm 's Schäubeli vom Gsichtli ewegg zogen und 's bi beede Hände gnoh und nonemol agholte: "Chönntsch mir das Opfer bringe, Nanni, wotsch mys Wybli werde? So red

^{*)} schluchzen.

denn au, Nanni, red ganz frei und ungezwunge: Chönntsch mi gern ha, liebe?"

Isch das ne Frog gsi!

Wenn me, sit Johre scho, 's Nanni gfrogt hätt: Wer isch gschoder und glehrter, all Pfarrherren und Professer und Döster uf dr ganze Welt z'säme gnoh, oder 's Müllers Gottlied? so het's sicher g'antwortet; dr Gottlied! D dä weiß Alls, i alle Länderen, am Himmel und uf dr Erde, as hätt er Alls selber gseh, selber gmacht — Drum het es 'm jo au so uufmerksam zueglost, so vieli vieli Johr by syne gschyde glehrte churzwylige Plaudereie, alli Wörtli packt und nusbewahrt, so guet as müglig; ihm, ihm ellei het's jo sys ganze wenige Wüsse z'vrdanke gha.

Hätt me's gfrogt, 's Nanni, sit Johre: Wer isch bräver und frommer und guetherziger, nen Engel im Himmel, oder dr Gottlieb? so hätt's allweg g'antwortet: Brav und guet, über alli Begriff, isch halt dr Liebgott; ihm noh dr Gottlieb — o gwüß!

Und hätt me ferner die Frog gstellt: Wo isch dä Mönsch, dem du vollständig vrtroue chönntisch, dy Freud, dys Leid? — Em Gottlieb — — .

Und liebe, liebe mit dr ganze Macht vo dyr Seel? Ach, dr Gottlieb! Und wenn 'r no zehmol chrüpp= liger wär — Aber vo dem cha jo kei Red nit sy.

Doch jo, grad jet isch d' Red vo dem gsi, isch d' Red druuf cho, so urplötzlig vo ihm, vom Gottlieb selber. Er het ere Hand und Liebi atreit für Zyt und Tebigkeit, sy fürnemmi Hand — Und 's Nanni het kei Antwort gwüßt as: "Nen armi eifältigi Magd — i bi's nit würdig — —"

Aber er het gseit: "So rych bisch, Nanni, gar nit z'schäße! Und so fürnemm — fürnemmer as my fürnemmi Schwester und no viel tuusig Anderi i Syden und Sammet — Säg du nume Jo, und ig bi dr glückligisch Mensch uf Erde, by Dir und mit Dir — Und will Dr das Opser vrgelte, die Liebi!" —

Ach, wie het die Frau Mülleren vrstuunet uufsgluegt, wo die Zwöi mit enand i 's Stübli ine chosh, Hand in Hand, vor's Bett zue, 's Nanni vrschämt, dr Gottlieb mit glückstralede Auge!

"Muetter", seit dr Gottleb, "jetz goht 's Nanni nümme furt, 's will doblybe! 's will — denk, Muet= tersi — 's will mys siebe Wybli werde!"

"Dys, Gottlieb? Dys? Ach, wer hätt au öppis so denkt! Und isch würklig wohr? Oder machsch nume Gspaß, Gottlieb? Nu, so red doch Du, Nanni isch's de wohr?"

Statt aller Antwort isch 's Nanni vor aneren uf b' Chnen gsunken und het 's Chöpfli vrschämt i b' Bettdecki gsteckt. Und b' Müllere het em b' Hand unfgleit — b' Hand und b' Stimm hei zitteret vor Freud: "Dr Liebgott well Di segne drfür, mys Chind—— Fo mys Chind, myni siebe, siebe Chinder! D jez isch Alls recht use cho, besser, as ig mr's hätt so troume!"—

3'Nacht isch wieder großes Halloh gsi im Hof unte, Roßgschell, Mannen= und Wyberstimme, so luut und lustig durenand —- nes paar Hochzytgäst, wo si cho übernachte, 's Bruutpaar selber het d' Hochzytereis atrete nach Schnees*) — Bor allnen uus het me wieder dr Röbel ghört, im Hof, d' Stegen uus, eis "hahaha!" lüüter as 's ander. Und 'r het d' Vorbruut a dr Hand inebrocht und glachet mit 'm ganze Gsicht und frei glänzt vor Freud und Wy und gragöhlet wie ne Chilbibueb, er, dä olt die Chnab! und früsch afo "tischinieren" und mit dr Base-Vorbruut apütscht "Sante! Sante!" einisch über anderisch; und druuf mit ere heigfahren i Küttischachen abe.

Und de Morge, won 'r hei cho isch — dr Chopf het no viel dicker aschienen as süscht — het 'r pfiffe b' Stegen uuf, das bet uf guet Wetter büütet; und isch staregangs d' Geißlen i dr Hand, zue dr Muetter ine aftolperet zue ihrem Bett zue und seit : "Schlofet dr öppe no? D da'sch lustig gsi, gar vrdammt lustig - hahahaha! Und was i fäge wüll: Wenn dr em Ranni no nüt brichtet beit vo dem Züüg — wüffet jo wol was - so löiht's lieber gelte! 's isch näm= lia jet öppis anders im Spiel — keis Taunermeitschi meh, ne Buuretochter, pot Sagel!" Was 'r wnters no gseit bet, hätt selle ganz luseli gscheh, isch aber nit grothe: "Wirde nämlig d' Base-Vorbruut hüurothe — das heißt — afäng, dr Afang isch gmacht, ne gueten Afang - Dr Dlt het mi schier welle ver= tränke mit sym Chirsiwasser!"

"D loh di nume nümme so tschööple, Köbel!" het d' Muetter gmahnet, "'s dunkt mi, du settisch afe wizig worde sh — Nu, i ma dr's jo wol gönne, Köbel,

^{*)} Genève.

wenn nes rechts Wybervölchli überchunnsch, nes bravs — ha jo scho viel betet drwege — — Und Platz isch jo gnue im Hunz, für Beed, und z'luegen und z'schaffen au. Und besser hätt se si nit chönne breiche, was du mir gseit hesch wege'm Nanni, du wellisch's nit! Es nimmt jetz euse Gottlieb, denk!"

"Euse Gottlieb hüürothe? Bricht doch nit dere Narezüüg, Muetter — dr Gottlieb, dä lahm Schinggel, hüürothe? — hahahaha! Nu, jet wird's mr au nümme besser, mueß schier bärze vor lache — — Und 's Nanni, säget dr, well en näh? Nu, do cha men au säge wie men albe seit: Prosit Mohlzyt! — — Wie wird mys Meitschi, nämlig d' Vorbruut, lache, wenn ere's säge!"

Und i sym Chämmerli in no, bim umchleide, het 'r si lustig drüber gmacht. "Euse Liebel hüürothe — was das eifältig Bürschteli, dä fromm Düßeler, nit no achunnt! Nu, das Freudeli isch 'm scho z'gönne — ne kuriosi Freud, hahahaha! Und drby wird's au blybe — —"

Graddruuf het's 'n doch afo wurme: "Nes vrdammt hübsches, donnergfreuts Meitschi, 's Nanni, wie me nit mängs so finde thät! — Und bi viellicht einewäg ne Nar gsi, aß i g's nit gnoh ha, 's Nanni — Nu, d' Base Borbruut isch au kei seidi und dezue ne Buuretochter, nit nume nes armüethigs Grüter Meitschi — da'sch au az'suege, hm! Wenn 's Nanni jetz nume nit öppe gar höhn isch über mi, aß i us 'm Handel g'saufe by — das wär doch nen andere Schiek gsi, my z'näh statt dä chrumm übelzytig Liebel —

Das het's jet us Täubi¹) tho, 's Nanni, — was gilt's?"

Das het nes Uuffäche gä, nes Gred, im ganze Dorf ume, bis ufen i 's Grüt — —

D' Hochzytlüüt selber, dr Gottlieb und 's Nanni, hei mit dr Fyr kei Uufsäche gmacht, so weni as müglig; sy still und ohni großes Gleit i d' Chilchen use gange, d' Muetter mit, — beedi Müettere! Dr Hochzyter hätt's nit anderisch tho, het si lo umen und ane gutschiere.

Da'sch am ene prächtige junge Maietag gsi, d' Bögel hei gsunge wie närrsch vor Freud, d' Bäum und Estrüücher sp voll Bluest ghanget über und über, vom blaue Himmel oben abe het d' Sunne glüüchtet so häl und fromm. Und i 's Gottliebs und Nanni's Herzen inn het's ebefals glüüchtet wie Sunneschun, wie ne häle bluemeryche Früehlig.

Dr Köbel aber het denkt: Babah! Amym Hochzyt mueß 's denn anderisch luut und höch hergoh, pot Hagel! So armüethig, wie die, do lohn i die Sach nit abgoh!

Das het 'r denkt, dr Köbel. Aber zuen eren eigene Hochzyt het 'r 's au dä Rung²) nit brocht. Au dä Schatz het 'n zum Beste gha — dr einezwänzgisch! Bsunders wo's das Bäsi³) vrnoh het, 's Gottlieds Brlodig, het's 's Käsli gar häfti aso rümpse: "Au mit 'm ganze Mühliguet wär dä Köbel chuum z'näh gsi! jetz wo's theilt müest werde — nei, bezdank mi!"

¹⁾ Zorn. 2) dies Mal. 3) Bäschen.

Dä arm Köbel — 'r het si dry gschiekt, z'erscht fryli mit großem Chyb und böser Luun, notisnoh mit meh Rueih und Glychmueth. "Sy alli faltsch, die Meitschi, faltsch wie d' Chatze — ne Nar, wer no eis aluegt! Lieber my Freud ha am Schöpplitrinke, mit de Rosse, mit 'm Roß= und Behhandel. Nes Roß, wenn me's streichlet, oder ne Stier, wenn men 'm Brot git, sy eim treu und thüeih ein schlecke, 's Wyber= volch aber — v euse Liebel, dä dumm Tüüssel, wird's scho no ersahre!"

Was dr "Liebel" erfahre het, nach Johr und Tag, da'sch ne wunderfröhligi Tausete gsi — nes Buebli syn und zart und doch so chrestig — o d' Großmuetter Müllere het's nit gnue chönnen aluege. "Dr uußgspeut Gottlieb, won 'r chly gsi isch, aber nei! Bhüet's Gott, das herzige Chind!"

Dr Götti-Röbel aber het gseit: "Loz, Liebel, was i säge: Dä Bueb do, wenn 'r gsund blybt, mueß nit i d' Stadt go lehre chledere und drob d' Chnoche vrheie öppe wege me Fözelwybli: Dä nimmen i zue mr i Roßstall, da'sch de myne, gel, Nanni? Nen andere de em Liebel syne, hahahaha!"

Vo dört a het d' Muetter Müllere mehr und mehr afo chränklen und abnäh. Und mängsmol, die Zyt uus, het sie zum Gottlieb und zum Nanni gseit: "Chinder, 's goht nümme lang — Aber i stirbe gern, weiß i jo, aß Dyr glücklig syt, so glücklig, wie's uf dr Welt müglig isch; und Alls recht isch — cha's em Herrgett nit gnue danke!"

Alls Doktere het nüt meh welle helfe. Me het dr

Tochter Madlung Bricht gmacht, sie möcht schlüünig hei cho, wege dr Muetter — Sie chömm, het sie g'antwortet, sie chömm übermorn, am Samstig, sobald dr Bal übere syg. Dr Herr heb halt subschgribiert —

's isch z'Mittag gsi nom Esse. Dr Köbel het grad nes alts Roß unterhänds gno gha, er und d' Chnechte, im Hof unte. Do schreit 's Nanni zum Fenster uus: "Götti, frei weidli — d' Muetter — —"

"Fo, i chume", het dr Köbel g'antwortet; me het nume no fünf Zäh z'malauche*) gha. "F chume grad!"

Won 'r aber ine cho isch, het 's Nanni grüüsli gschroue; es und dr Gottlieb hei d' Muetter i den Arme gha, d' Muetter tod, mit brochnen Auge. "Ach Gott", het 's Nanni gseit, "worum syt dr au nit ehnder cho? heit jeh sie nit emol gseh sterbe, die gueti Muetter!"

Das het doch dem runche Köbel ordli weh tho, recht weh; und 'r het si nochedee etschuldiget und gseit; "Hm! wie hätt i das selle wüsse, aß 's so gleitig goht? Süscht het men eisder öppe nes Zeiche tho, ne Tagzwee drvor, gruchsen und berzen und übelwerden, öb me gstorben isch, da'sich dr Brunch gsi, so lang i weiß!"

Bo dr Chilchhoflinde si d' Bletter gfalle, bruun und müed; dr Morgewind het sie i nes wyts teufs Grab abegwäiht. Do druuf, uf das linde Bett, het me d' Müllere gleit zum letichte sanste Schlof.

Und wo sie hei cho sy vom Grab, het dr Gottlieb gseit: "Jet bisch Du d' Müllere, Nanni! Loh dr's nit gruuse, 's Muetters Sege rueihet uf Dir, dr Sege vo zwo Müettere!"

^{*)} Zähne absägen.



's Bäle-Nauggi.

Nen armüethigi Gschicht.

e het ere nume 's Bäse-Nauggi gseit. Wie sie aber eigetlig g'heiße het mit Tauf- und Gschlächtsname, sang han i's nit gwüßt und 's het mi au nit stark Wunder gno für's z'vrnäh — wofür au, so nes armüethigs g'fählts und vrlachets Whbervölchli?

Fo, nes g'fählts! Denn wenn si scho bä, wo b' Mönsche macht, in ere bsunderbare Luun ganz bsunders bar agstrengt gha hätt, nes mißgstaltets, unschynders Gschöpfli z'schaffe, besser hätt's nit chönne g'rothe, das Fähle. Chlip, vrwachsen und bugglig, mit eme breite, vrschnürpfte Gsicht, wo die chlynen Neugli druus use gluegt hei. wie ne Chunz zuem ene Höppli uus, drzue nes Hoor, das az'luege gsi isch wie äldi Schoswulle— so het 's Bäse-Nauggi uusgseh. Drzue no die gfählte Händ, die linggi mit bloß drei Stumpfingere; drzue das watschelig Gangwerch, wie nen Ente; drzue die Stimm, die ne Ton gha het wie nes gspaltnigs Muesbecti oder nes gluggsigs Huehn . . .

Scho won i no ne ganz chlyne liebeswürdige Rüt= nut afi bi, bei mir Bueben und Meitschi, die ganzi noochbüürligi Rott, schier kei größeri Freud chönne ha, as wenn eis von is g'ruefe het: "'s Nauggi chunnt, '3 Bafe=Nauggi isch wieder do, dört chunnt's 's Chilchaäkli uuf mit spr Burdi Base!" Und vo wytem scho hei mr em zuegschroue: "Nauggi, chräih!" Und wenn's benn g'chräiht bet wie ne Güggel, gageret wie nes Huehn - o wie hei mir Freud aha und g'lachet und g'johlet und 's gluegt noche 3'machen uf alli Wus! Au de Tuube bet's chonne spotte, 's Nauggi, de Chate, wie sie raule, de Müüse, wie sie mütere und pfofe, em Gugger im Wald, gang näteral -- ömel eus het's fo dunkt, felbmol. Und ne Stund zwo hätte mr em Rauggi zueglost und 's uufghalte, wenn's g'wartet hätt. Es aber bet nit g'wartet, isch emfig wieder wyters gange syne Chundehüusere noh, gab wie mr em ghoopet und mangmol sogar grobi Sache noha'ruefe hei us luuter Täubi 1), af 's eus nit länger het welle Churzizht mache.

Ne Zytlang isch em Nauggi au no nes chlys Strupsmeitschi a dr Chutte ghanget. 's chly Meitschi isch notisnoh größer worde, het selber au Bäse treit, isch druoh uf eimol zruggbliebe, vrschwunde, 's "jung Nauggeli." 's Alten aber het 's Huusiere furt und surtgsetzt. Armi und fürnemmi Lüüt hei aso bärze, sy chrant worde, gstorbe — 's Nauggi, het's vrdrießelig g'heiße, 's Nauggi, wo's doch kei große Schade wär, es chunt für!²) — We het 'm nit emol 's

¹⁾ Zorn. 2) Bleibt übrig.

Läben und d' Gsundheit gönnt, em arme Nanggi! Und wo's endlige nümme cho isch — aber i will nit so wyt goh, will lieber brichte, was sie einisch zue= treit het, wo 's Rauggi no ordli chach und buschper afi isch und ig selber zuem ene Chnab vo achzäh, nüün= zäh Johre ane gwachse afi bi.

Do einisch, bi strenger Winterszyt, wo's gege 'nt Oben ane het afo chuuten und schneien und wäihe, aß men abselut kei Hund me hätt dörfe vor d' Thur use jage, isch au 's Nauggi no drhär= und i 's Huus cho g'laufe, es und in Burdi Bafen über und über voll Schnee, halbtod vor Müedi und churzen Othe*) wol, do het mr 's chonne gfeh, af 's au em Rauggi boset, aß au es nit vo Dsen und Stachel isch. Und mb Muetter het großes Beduure aba mit dem arme Gschöpf und em warme Gaffee naschenkt und nes Stücki Nydlemäihe drzue gleit; und 's gheißen uf e warm Dfesit hocke, het 'm nes warms Glieger an= erbote für die Nacht. Lang bet si 's Nauggi gwehrt und aseit, bas war 's erste Mol sit viele viele Johren, aß '& 3'Nacht furt bliebe sing vo Huns: endlige het se si doch lo überreden und isch bliebe, drby aber nit weni afüüfzget und a'jommeret wege 'm Geißli, wege m Büüßi.

Drunf, i dr länge Chiltnacht — my Vater isch ebefalls mued und naß, fruehantig i 's Bett gange afi - bet 's Nauggi, eimol erwarmet und quet ab= afuetteret, mor Muetter, uf ihre Wunsch, in Lebes= lauf erzellt.

^{*)} Athem.

Em Bäse-Nauggi sp Lebeslauf — isch das nit eifältig gsi 3'lose? Und doch han au ig, am Tisch und über mym Gschichtebuech, die druckti Gschicht mehr und mehr usser Acht gloh und dr andere g'luuschet, dere vom arme Bäsefraueli.

[

u mon Gott, feit 's Nauggi, wo fell i benn afo erzelle? Deppe vo mym Großätti, em Zimmerma, wo das Hünsli bouet bet, eufers Stammbungli? Fo bouet bet 'r 's, druuf aber alv aftorbe, vo dem Fal vom Chilchedach abe. 'r het nes Fraueli hinterloh mit eme Meitschi. 's Meitschi isch groß worden und uusnehmed hübsch; aber au uusnehmed hoffartig und uusnehmed liechtsinnig, het nit uf die chränkligi Muetter, desto lieber aber dene schlimme Buebe a'lost: bet bsunderbar eim glost, und zwar eim wo sie gar nit bätt felle, eim wot über ihrem Stand. Bis 's Unglück do asi isch, nämlig dä Fal, wo d' Meitli 's wyß Schäubeli müeße dehinte loh. Und da Burscht isch nit nume ne schlimme asi, au no ne schlechte drzue. Het alls welle lougne, vo Hüurothe, wie Pflicht und Recht, fei Red, het ne freche sündhaste Schwur tho, wenn das Chind süs sig, sell's, wenn's uf d' Welt chomm, feini Händ ha -

Und so isch's au cho, wien 'r gseit het. Ig bi das Chind gsi. Und wenn i au Händ ha — sueget do die elende gsehlte — D' Lüüt hei si drob etsieht, au wege myr ganze Gstalt, und hei z'säme gseit:

"Hesch's au gseh, em Zimmerjöggis Bäbeli sus Chind? 's schönste Meitli wyt und breit und die absordi Miß= geburt, frei zum Schüüche!"

Jo, dass va nes Gichwätz asi, zäntume! Und 's Gäßlibuure Bandi, my Bater, bet si schout's niene meh dörfe lo blicke, isch uuf und furt gange, go Frank= ruch ine, 3'Chriea: und isch nümm umecho, nümm! Und mängisch scho, sitdem i größer und älter worde bi, ha mi afroat: sellsch ächt au bäte für in ormi Seel? Er bet d' Muetter i Schand und Ungfell brocht, mir die elendi Gstalt agwünscht - - Aber 'r isch gradglych dy Vater asi, bet au ihn selber, dur sy vrmesseni Red, i 's Unglück brocht, i früehzytig Tod, i 's Käckfüur. Und wenn i bu am Allerseeletag au a ihn deuft und für en bätet ha recht uufrichtig - öb's em würklig 3'Rut cho isch und öb's öppis battet bet? I weiß 's nit. I förchte schier, was 'r a mir und a mym arme Müetti gfündiget het, 's isch au gar z'viel afi.

Jo, gfündiget a mym arme Müetti. Denn vo dört, der Schand a und der tenurige Chindbitti, het sie nume no nes halbs Läbe g'füchet, kei Freud meh gha und kei Trost, nit emol a mir; denn just ig — wie mueß sie grad my mit Schrecken und Härzeleid agluegt ha, das wüeschte g'struppierte Chind i der Wiegle! Also kei Freud meh und kei Trost, het si schier niene meh dörsen zeige. 's isch also au gar nit so start z'verwundere gsi, aß, wo ihri Muetter gstorbe gsi und der Cheßlerspeter isch cho i 's Huns laufe mit emen ernsthafte Hürrothsantrag, mys Müetti ebefalls ernsthafti Ges

danken übercho het. Bloß het's 'n gfrogt: Und denn mys Chind, Peter? Sell 's Chind au Dys su, eusers blybe? Und won 'r druuf antwortet mit Widerwille: Nei, die Chrott mag i nit aluege! do stoht mys Müetti uuf und seit, roth und bleich im Gsicht: Guet aß ig's weiß! Also isch's au Fürobe mit dr ganze Hürrothsgschicht! Und het 'm d' Thür uuftho.

Aber dr Beter isch wieder cho, denn mys Müetti isch halt no alliwyl nes schöns gsi, so nes schöns! Und das Hüüsli — i glaube fast, 's Hüüsli heb dä Burscht nit weniger azoge as mys Müetti selber. Sie hei also nander ghüürothet und my, das arme mißsgstaltete Hüdeli, zwüschen ine gnoh, i dr Chilche, vor em Altar.

Dört zwüschen inne, i Fried und Einigkeit. Druuf aber nümme —

Me brichtet albe vom "böse Blick", mit dem eim d'Lüüt Ungfell, Chrankheit und Tod bringe chönne: 's isch nüt dra wohr a dr Red, i weiß 's, i weiß 's!

Denn wenn i vom erste böse Blick und vo dene nachfolgede Tuusige, wo mr my Vater, nämlig 's Muetters Ma, zuegworfe het i d' Wieglen und au spöter, won i ume g'chroche bi, o i lebti scho lang nümmemeh, wär nie zwöi Jöhrli alt worde!

Aber i bi fürcho, viellicht grad ihm z'leid, wül 'r mi so grüüsli gschochen und verachtet het; bi fürcho und sogar gwachse und die worde, trot der elende Chost und de Müpse, de bose Blicke und Worte.

Und erst wo die Chind cho su, dr Hansli, 's Marianneli, 's Regineli, eis no'm anderen, i churzer Byt. Dene han i müeße 's Chindemeitschi mache. Und het eis gschrouen, us Weisterlosigkeit oder wül's nit grad Alls het chönnen erzwänge, do bin i das gsi, wo Scheltwort und Chläpf übercho het, vo ihm, vom Bater. Het eis öppis vrderbt oder si i d' Finger gschnitte oder i dr Zwängerei ne läße Tritt tho, han i abermals Watsch übercho, mängsmol ganz überssünigi. Denn wer isch d' Schuld dra gsi, as grad ig, ig mit mym Muulasse?

Am Tisch, wenn 's Aesse wohl gnapp gsi isch — und wenn isch das nit dr Fal gsi? — do han i wol gwüßt, wer z'erscht mueß uushöre, natürlig ig. Und ha's doch alliwyl müeße köre, wie ne große Freßbuch aß ig sig.

Dr Bater isch mehr und mehr ne Sauffärli worde. Eigetlig isch 'r das früecher scho gsi, i syne lidige Johre, bloß het 'r 's vor dr Muetter besser chönne vrberge. Und das, sus Sauffe, het mi ordli gsreut. Denn wenn 'r di sym Cheßlen und Huussiere die meiste Mol länger as nöthig furtblieben isch, so lang nämslig, dis Alls, was 'r vrdienet, au grad wieder vrpust gsi isch — my het's nit blanget, o nei! Ha doch wenigstens die Zyt uus keini Schimpsereien und Schläg müeßen uusstoh. Und het d' Muetter au g'jommeret und pflännet wegen ihrem uhuuslige Ma und sym liederlige Leben, und alliwyl a 's Zyt gluegt oder zum Fensterli uus, öb 'r denn nonit chömm — ig selber ha heimlig gwünscht und bätet: wenn 'r nume nonit chäm', gar nümm chäm'!

Dann und wann, i settige Fale, het b' Muetter,

wenn 'r hei cho isch, ihres Leid und ihre Brdruß nit chönne vrschwyge. Denn het eis Wort 's ander gä und dr erscht Watsch, wo uustheilt worden isch, han ig übercho, ig dr "Banggert", dä "wüescht Böögg" und "Bergäbesresser", wo me frei schüücht und me gar nit sett dulden im Huus. Und d' Muetter, die armi, isch froh gsi z'schwyge, het mr nit emol dörse d' Partei anäh.

Ganz jung und chly, han i scho müeßen i Wald use go Holz sammle. Ha mi z'erscht so schröckli g'förchtet vor de böse Hase, de wilden Sichhorne und vor 'm Waldhüeter, dem stränge, vor jedem Grüüsch, ha fast nit herzaft dörse schnusse. Und so viel i au g'sammlet und heigschleipst ha, dürri Aestli und anderi Uusläsete, ihm, em Vater, isch's eisder no zweni gsi, und mängs Küetheli, won ig selber heibrocht ha, isch mir zum eigene Faugi¹) worde.

Und won i 's Regineli gstorben isch a de Chindsblotere, do hätt ig selle dra d' Schuld sy, und han ig sie doch erscht drei Tag noh ihm übercho. Er, dr Bater, het mr's sogar als Uverschantigkeit²) agrechnet, aß nit ig gstorbe bi und 's Regineli, das hübschen ordlige, het chönne doblybe.

Die Berachtig, wo mr beheim z'Theil worden isch, het si au uf ander Lüüt vrpslanzet. I ha eigetlig Broni gheiße; wül i aber längeri Zyt übel ha chönne rede und mängs Ding kurios uusgsproche ha, het mr dr Bater nie anderisch gseit as "Naugger", us luuter Bosheit und au für mi Muetter höhn z'mache. Het

¹⁾ Zuchfruhte. 2) Unverschämtheit.

me si do no müeße vrwundere, aß mr d' Chind, d' Schuels und Gassechind, kei andere Name meh gseit hei aß Nauggi, 's Cheßlernauggi? und mi uußgspielt und g'naret hei uf alli Manier? Bi dr Gsel gsi, wo Alli gmeint hei, aß sie dörfen uf 'm ume ryte. Denn wer hätt si myner sellen anäh, wenn's dr eige Bater nit thuet, sogar sy großi Freud dra gha het a dr Helcherei? Oder hätt das my Muetter selle thue, die armi chränkligi? Hätt 'r es nit welle rothe —

Und i dr Schuel selber: Bi allwäg nit 's g'schyder und 's dissiger gsi, will's gern zueg'stoh. Aber au nit 's uwodliger 1), ha mi im Gegetheil düüßt 2) und duldet. Gradglych, wenn albe z'Dbe 's Register abeglese worden isch vo dene wo g'schwätt oder süscht öppis vrbosget gha hei, do din i scho zum voruus uufgstande und süre gange go d' Tape 3) hole; denn i ha wol gwüßt, aß ig uufgschriebe di vom llufsichterbued, glych welem. Und au süscht het 's "Nauggi" müeßen umeha di alle Glägeheite, het jedes gmeint, ig sig dr Schuehlumpe, wo me d' Schueh chonn dra abwüsche; aß ig's am End selber au g'glaubt und mi ordli dry gschieft ha.

Deheim sy mr vo Johr zue Johr ärmer und nöthiger worde, hei mängsmol schier nit gwüßt was byßen und gnage. Denn dr Bater isch eisder wie teuser i d' Liederligkeit ine grothe, het drmit Verdienst und Kredit vrlore, am End, bi dem elende Schnapserlebe, Gsundheit und Brstand ybüeßt.

Und einisch, in ere würste cholte Winternacht, isch 'r wieder nit hei cho, nümme hei cho.

¹⁾ Unartigere. 2) geduckt. 3) Züchtigung mit der Haselruthe.

Doch, er isch hei cho, de Morge druuf, uf's Müllers Chare. Um Bähnlistut, im Schnee vrwäiht, so hei's 'n gfunde, chalt, gstyf und tod.

Und min Muetter het g'schrone, wie usinnig. Worum ächt? Bul's ne eineweg gern und lieb gha het? Ober wul se sie duuret het, das elenden ehlige Läbe, ba Ufriede, die halbdote Jöhrli uuß?

Dr Vater gftorbe — da Verluft het eigetlig dr Hunshaltig weni Schade brocht; denn Alls was my Muetter von 'm z'gnieße gha het, vo sym ganze Gwerb, das sy die vrlöcherete Hose gsi, die durnige Strümpf, die vrschmuslete Hömli, abgseh vo dem Chachelizüüg, won 'r dann und wann i syr Usödigseit a d' Band g'rüchrt het. Also sy mr arm gsi, vor wie noh.

Mit Muetter het frysi chönne wäbe. Aber bi dene chlyne Chinde isch ere dure Tag nit viel müglig gsi, und 3'Obe denn, i dr Chistnacht, het's dr Vater nit welle dulde, das Schnättere, wül's 'n am Schlose gstört het. Jet, won 'r gstorbe gsi isch, het si d' Muetter mit neuem Flyß a Wäbstuehl gmacht, het gwobe schier Tag e Nacht. Und ig ha gspuelet und gschlichtet, ebefalls schier Tag e Nacht. Het einder Wahl gha, etweder schaffen oder Noth und Hunger lyde; oder bättle. Vättle — das hätt mys siebe Müetti weder selber tho, no a de Chinde zuegä, sieber numen einisch g'essen im Tag.

D' Minetter het gwobe, Lynigs und Bouweligs, für Chunden und i d' Fabrike, het au denn no gwobe, won ere's doch dr Dokter scharpf prhote gha het wegen

ihrer Uuszehrig. Und het sie's gege 'm Obe ane nümme chönne prästiere wege dr Schwächi, wege 'm Uebel=werde, denn bin i uf e Sädel use g'chläderet und ha afo Schiffli schieße, mit myne stumphafte Fingere, so guet aß müglig.

D' Muetter het gwoben und gwobe, i churzer Int ihres eige Todtehömli awobe.

Wie ne Grashalm vor dr Zyt gmäiht, isch sie hig'sunken i 's früehzytig Grab. Und ach Gott! mir Chinder hei dä schröcklig Brlurst nit emol recht chönnen erfasse!

11.

m Tag druuf, erzellt 's Böse-Nauggi wyters, am Tag druuf, noh 's arme Müetti's Grebt, ih zwee Maunen i eusers Hüüsli cho, dr Ammen und dr Armevogt, und hei afo uufschryde; 's Hüüsli, das halb Hüüsli, was ma das werth sh zum Brchaufe, zum Uuslieh? Sächzg Franke; Schulde druff: tuusig Franke, macht vierzg Franke Zins; blyde no zwänzg. 's Huusröthli, d' Herdöpfel ab dr Allmendrüti und 's Schiff und Gschirr und allerhand Grümpel: zwölfhundert Franke, macht, i d' Sparkasse gleit, jährlig acht Franke, z'sämen achtezwänzg, dr ganz Abnuße —

Druuf hei sie au eus Chinder aso aluegen und uufschrybe; und aso rechne, wie billig aß mir drü ächt z'vrchostgelte syge; und hei gsunden, es läng nit, läng bi wyt e seer nit, do müeß dr Urmeseckel wieder ferm schwizen, etligi Johr. Und dr Urmevogt het

gmeint: "So chunnts und mueß so cho, wenn me das Fößelzüng loht hüurothe! Bi selbmol, wo si dr Cheßler= peter gmäldet het, nit vrgäbe so hert drwider gsi."

"Ig au!" seit dr Amme, "si aber nit Meister worde."

"Fet hei mr d' Suppe", brummlet dr Armevogt und macht drzue nes Gsicht wie nes vrbröunts Herd= öpfelröschti, "jet hei mr dr Chrom — was jet aso mit der Waar?"

"Jo, was afo!" seit au dr Ammen und chrațet i de Hoore. "Dr Bueb chunnt 's nööchst Johr us dr Schuel, dă nähm viellicht dr Müller umsunst, suecht jo so eine zum Vehhüete, zum z'Achertrybe, für "Bueb", graduse gseit — Aber das chlyne Meitschi, erst acht Johr olt, do wird's hert ha, das untere z'bringe, sogar mit füfzg, sächzg Franke, für d' Chleider und d' Chost, für Alls! Viellicht aß d' Holzbödemachere — aber 's isch, wie me kört, ne chly ne ruuchi, wüeschti —"

"Uf das cha me nit goh!" meint dr Ander churz; "so billig aß müglig untere brocht! da'sch für eus d' Hauptsach — —"

Das het mr fast 's Herz abgichnitte, won i das g'chört ha, wie myni arme Gschwisterti selle vrdinget, vrschaggeret wärde a gyzig, uverschant, unerchannt') Lüüt. Und wie 's Mariannesi mi bim Chuttli') packt und afoht pflänne, wie wenn i jetz sys Müetti wär, wo's sett b'schütze, do isch's mr uf eimol cho, ha nit gwüßt wie, 's Mitsyde, dr Chyb, 's Guräschi.

¹⁾ gewaltthätig. 2) Röcken.

Und wie si dr Ammen umchehrt urd frogt: "Und mit Dir, Nauggi, was selle mr mit Dir asoh?" do han i chärsch g'antwortet: "Mit mir? Mit mir heit Dir gar nüt azsoh! Ig cha schaffe, mys eige Brot vrdiene, wüll nüt vo dr Gmein!"

"So, so? Wie olt bisch denn, Nauggi, aß so groß thuesch? Wotsch's nit säge? Nu, afäng, wenn Du Di selber wotsch unsbringe desto besser, chost scho so und so viel weniger. Aber nimm Di in Acht, Meitschi, aß mr nit öppe gohsch go bättlen oder anderi Lumpereie mache und d'Emein i Schand und Chöste bringsch! Dere Gschichte wäre mr nit lieb — — Also, do nimm Dyni Cheidsi und gang!"

Wohn i well goh und was i well afoh, ig arms übelzytigs Meitschi, mit dene leere Hände, dene paar Fößlen am Lyb, das het die Vorgsetzte nit Wunder gnoh; für sie isch d' Hauptsach gsi: 's Nütchoste!

Wohy i goh well und was jet afo — ig ha's i selbem Augeblick selber nit gwüßt. My erst Gedanken isch gsi, i well i 's Pfarrhuus goh, dr Pfarrherr um Roth agoh. Bi würklig au higange. Ha's aber übel breicht.*) I dr Herrestube hei sie schynts grad nes großes Aesse gha, hei so fröhlig tho und luut glachet und mit de Glesere gchlinglet, wie an ere Hochzyt. Und gschwöckt het's so herrlig guet im ganze Huus ume, me hätt vor Gluscht fast möge d' Finger abboße, bsunders ig, wo dr ganz Tag no keis Brößemeli z'ässe gha ha. I bi im Gang uß gstanden und ha uf e Bricht gwartet. Und i köre, wie i dr Chuchi

^{*)} getroffen.

inn die dicki Pfarrchöchi 's Untermeitli frogt, wer das syg, wo mit 'm Pfarrher well rede? Und wo sie's vrnimmt wer, seit sie vrächlig! "So, nume das Pfumpsi? Säg 'm, es sell nes anders Wol cho, dr Pfarrer heb jet nit drwyl. Und loh's ömel nit ine, Zusi, me weiß halt nie, was settig Lüüt an ne hei!*) — d' Chilch= meieren, die rychi Buurefrau aber, wo i selbem Auge= blick cho isch mit eme Hase voll süezi Rydlen, die het scho ine chönne zum Pfarrher, i 's Näbetstübli, sosurt.

Bim Weggoh vom Pfarrhuus isch mr dr Gedanke cho, eismols, i well zue dr Base Lene goh, sie um ihri Meinig froge. Und die Meinig het g'luutet: "Channsch einstwyle, bis öppe ne Platz gfunde bim ene Buur, bi mir blybe. Aber 's wird Dr gly gnue vileide — —"

Em en andere wär's au allweg gly vrleidet bi dem armüethige Läbe, armüethiger schier, as mir 's deheim gha hei; bi dr Muetter sälig. Woher hätt sie's besser selle näh, die alti chinderlosi Wittfrau, arm wie ne Chilchemuus? Het im ene Hinterhüüsli gwohnt, im ene Stübli, chuum mehr as 's Chloster wyt allwäg, 's Bett abgrechnet; und do drinn isch nebstdem no nes gwaggeligs Tischli gstande, nes rueßigs wurmstichigs Chästli, im Winter, bi dr strenge Chölti, het sie au no 's Geißli und d' Hüehner ine gnoh.

Me het dr Base zäntume d' Bäsefrau oder 'š Bäse-Leni gseit. Bruuche denk nit z'säge worum. Drum isch's au my ersti bständigi Arbet gsi bi dr Base, das Bäserys z'holen im Wald usse, birchigs, tannigs und

^{*)} Unsauberes an sich haben.

anders, je no dr Johrzyt. Und bin i drby im Afang ordli dumm und ung'schickt vrsahren und het ere schier nüt welle gfalle, was i heibrocht ha, mit dr Zyt han i au das g'lehrt, die rechti lluswahl z'träffe. Sie selber isch dann und wann mit dr Waar go huusiere. Und einisch z'Obe, wo mir Zwöi schier i selbem Augeblick hei chömen, sie us dr Fröndi mit 'm uusvrchauste Hälfig '), ig mit ere Burdi Rys us 'm Wald, do, wer stoht vor euser Hunds oder Chuchisthür und pflännet überluut? Niemet anders as eusers Marianeli, mys Schwestersi. Es het's bi dr Holzbödemachere nümm meh chönnen uushalte wege dr llverschantigseit, wege 'm Bösha und de Schläge.

Was isch do z'mache gsi? 's Schwesterli het mi schröckli duurrt; und i ha dr Basen aghalte, sie sell's für einstwylen ebesalls zuen ere näh, mir Beedi welle schaffe, Kys holen und dr Geiß lauben, 2) und folgen aß nen Art heb.

Und ändlige, mit eme teufe Süüfzger, het d' Basen nywilliget, 's Schwesterli chönn blybe.

Mr heini's frysi ordsi müeße z'säme soh, mir drü Persönli, i dem enge Stübeli, a dem chlyne Tischli, i dem schmalen armselige Bett, mit dr Chlyne zwüschensinn — ig selber ha mi so schmal gmacht und so wut use gloh, uf 's Bettschgetbrett use, as müglig, und mängisch schier kei Decki gha, aß ömel d' Base nüt z'chlage gha het uf ihrer Syten äne.

Und ig selber ha ebefalls lehre Bäse binde, z'erscht die Glynere, tannige Fürstetbeseli, notisnoh au die

¹⁾ Strick. 2) junges Waldreffig zur Fütterung holen.

andere, gröbere und fürnemmere, wie suur und uns gschickt mi das au acho isch mit myne g'fählte Hände.

Dr Armevogt isch cho, wege 'm Marianneli, für 's zue dr Bödemachere zrugg z'bringe, wenn's sy müeß, mit Gwalt. Do het 's Meitschi hauthööchligen afo schreien, isch use gsprungen i 's Schüürli use, het si verschloffen') i hinterisch Winkel, aß mr 's z'Nacht schier nümme gsunde hei, das arme vertrorne Chind. Und d' Base het gseit, sie löih 's dr böse Bodehäx nümm, sieber well sie's vegäbe 2) ha.

"Brgäbe ha — jä da'sch öppis ganz angers!" seit dr Armevogt. Jet isch 'r 's scho z'friede gsi, an wenn 's Meitschi no meh hätt müeße hungeren, as i sym vorige Chosthuus.

Hungere — nu eigetlig hungere hei mr bi dr Base nit müeße, wenn au 's Aesse nit grad chöstlig gsi isch: Herdöpfel mit sammt dr Muntur, und Gassee; und de wieder Gassee und Herdöpfel, alben einisch ne Suppe; fryli wurd me die, wo d' Base g'chochet het, schwärli im ene Herrechochbuech sinde. Gassee het's ne Vierlig bruucht i dr Wuche; und wie mängi Bohne das, bi denen achzäh Channe voll, uf 's Mol breicht het, isch au guet uusz'rechne. — Und doch sy ig und 's Marianneli di dr Chost gsund bliebe, es isch sogar drug streng gwachsen, und ig eisder wie dicker worde. D' Base fryli, die isch nüt meh gwachsen, im Gegetheil het sie si mehr und mehr z'sämen und vorabe gloh — nüt z'verwundere di ihre siebezg Johre! Drzue si no d' Gsüchti cho und hei sie asoh plogen, aß sie

¹⁾ verkrochen.) umjonst.

mängisch, bi Bysluft oder Näbel, schier keis Glied meh het chönne rüchren und luut g'süüfzget und g'jommeret het vor Schmerze. Do bin ig das gsi, wo het müche d' Huushaltig machen und au mit de Bäse go huusiere. Und mehr as einisch het sie gseit: "'s chunnt no drzue, über churz oder lang, aß Dir Zwöi m y erhalte mücht, jo währli!"

Und 's isch würklig au drzue cho, ehnder ') as me's denkt het. Chuum aß sie no het chönne 's Chrys er-lesen und Hämpfeli mache, vo Bäsebinde scho kei Red meh.

Da'sch im cholte Winter gsi, anno Achtezwänzgi, ne Winter so uusnahmswys sträng, aß d' Rinden a de Nußbäumen uufg'sprungen isch und 's albe g'chlöpft het, währed dr Nacht, do und dört, wie Büchseschüß.

Sogar mir junge Meitschi sh fast vrfroren i dem unbschlussne Stübeli inn, bi dem schlechten Ofewerch, bi dem weneli Holz, wo mr z'erscht no hei müeße go z'säme suechen i dä gruusam vrschneit und grimmchalt Wald.

Und 's Ungfell') het's wellen, aß is einisch z'Nacht die wurmstichigi Bettschget') unter em Lyb z'säme gheit isch, eus Drüüne. Uch, wie sy mr erschrocke, wo das so g'chrachet het und mir abedrohlet si uf e Bode! Und d' Base het g'meint, 's Marianneli syg d' Schuld, aß 's so muethwillig abdrohlet isch und so hert g'rülzt het im Bett, im Schlof, im Traume. Und 's mag au wohr gsi sy. Aber was het's jet gnützt, das d' Schuldgäh und Chlage? D' Bettschget isch wol kaput gsi, und

¹⁾ früher. 2) Unglück. 3) Bettstatt.

fei Gäld, für ne neui soh z'mache, nit emol für sie z'flicke, hei's für anderi Sache müeßen uusgäh, für eusi drüü Müüser, die hungerige, für Strümpf und Holzbödeschueh. 's Bett isch am Bode gsi und am Bode bliebe. Ach, wie het si 's Marianneli gförchtet vor de Müüse, wo jet werde cho für ihm d' Zehen abz'byße; und wie d' Base g'jommeret het über die Armueth, über das Stächen in ihre Gliedere —

Dä schröckli hert Winter und das chlyne Brdienstli, schier nümm drwärth drvo z'rede! Denn wer het meh welle go Chrys hauen i Wald use, bi dem ellehöch Schnes, dem pickelhertgfrorne, bi dem vrschneite Struuchswärch? Und hei's ig und 's Marianneli dann und wann eineweg g'wogt und erzwunge, so isch wieder Niemet gsi, wo het welle Base chause, isch jo schier nüt meh gwüscht worden i dene Buurens und Tounershüßeren, as öppen unter em Dse füre, wo Alli, Chly und Groß, ohni Uushöre druf ume grütscht sp, uf 'm Osen ume nämlig.

Und wo endlige dr Hunstage cho isch und Schnee und Chölti vrschwunde si, do erst het's die armi Base recht afo zwägnäh bi dem Uufthaue; het gschwullni Bei übercho, isch ernftlig chrank worde, zum Stärbe. Und wien i dr Pfarrher g'holt ha, oder eigetlig dr Vikari, zum Verseh, und er het müeßen a Bode chneuen a 'S Base's G'lieger — o wie ha mi g'schämt und wie het's mi duuret!

Dr Tod aber het no kei Base chönne bruuchen, isch also, won 'r a d' Thur g'hoschet*) gha het, wieder

^{*)} angepocht.

vrbygange, für bim dicke Fallebuur na'chehre; dä het müeße mit 'm goh, vo sym große Buurehof und dicke Gültrodel und syr Geldbloteren, vo syne Späcksyten, g'fülltnen Ankehäfen und Fruchtchästen ewägg. Gusi bluetarmi Base drgegen isch wieder fürcho, drby aber die blödi, hülflosi Frau bliebe, für nüt meh guet, aß für 's Süüfzge, 's Chlagen und 's Bäte.

Wie ganz anderisch drgege 's Marianneli! Bo wytems scho het me's chönne före jublen und singen im sunnige junggrüene Wald usse, bi dene Blüemlenc, Chäferle und Summervögle, bi sym Gras= und Rys=sammle, bim Ardbeerigwünne, Ardbeeri für 's eige Schnäbeli, Ärdbeeri uf e Chauf.

Jo, uf e Chauf. Aber do bin ig, mit dem Huusiere, nit quet achoh. 's erscht Chrättli voll han i dr Schloß= herrschaft brocht. Was het d' Madam gseit, ganz grad uje? D' Ardbeeri snge fryli scheen, aber — sie thuet mi afthf betrachte vo Chopf bis zue de Füeße, my vrwachsni Gftalt, mys uschynber Gsicht, myni gfählte Sand, aber seit sie, vo Dir chauf i keini Beeri -Grad isch 's Sechlerkarli's Truddli cho, dem bei sie du abg'chauft mit großem Wohlafalle, vo dem hübsche Meitschi. Und mir isch's drby i Sinn cho, was mr eusers Marianneli erzellt het und was au ig mit eigenen Auge gseh ha im Wald uß, nämlig wie das Hechlers chlyne Buebe ihri Ardbeeri sammle: do hei sie die schmutige Chappli vo ihre rüdigen Eiterchöpfe anoh und die Beeri dry gwunnen und drnoh i 's Chrättli g'leert — pfi Tüüfel! — 's Marianneli bet häl= uuf g'lachet, mi aber het's nit weni duuret; han i doch eisder so flyßig myni Hand g'wäsche.

Druuf hei mr is, nämlig 's Marianneli, huusiere gschickt; ihm, dem syne, rothbackige Meitschi, hei sie d' Beeri scho abg'chauft!

Jo, 's isch nes spins, hübsches gsi, nips Schwesterli; und isch vo Tag zue Tag spiner und hübscher worde; und vo Tag zue Tag fröhliger und muethwilliger. Lache, Singen und Afächtigthue, da'sch spis Läbe gsi, vo Chummer und Sorge nit die Spur, settigs het's mir übersoh, em Nauggi.

Und ig bi's ordli z'friede gfi, ha gwünscht, aß 's nume so sve Brblybe hätt.

Aber 's isch nit lang so bliebe. Mit dr Base het's unter einisch aso böse, sie isch vo eim Uebelwerden i 's ander gfalle. Und dr Dokter, won ere dr Bulz 'griffen und druuf a d' Uhr gluegt het — i han em's agseh, am Chopfschüttlen a, aß 's nit guet stoht mit euser liebe Base; und 'r het's au graduse gseit bim Furtgoh: kei Bluet meh, kei Bluet! 's Beste wird wol sh, Chinder, dir löiht sie bizhte vrseh, hüt noh!

Brseh — jo, wenn dr Pfarrher selb Tag nit grad nusg'reist gsi wär a ne Herrez'sämekunft! Eigetlig het si d' Base scho vrseh gha uf ihres Stündli, sit Johr und Tag, mit Geduldigsy und Bäte, vorbereitet gsi i aller frommer Smäethsrneih uf e Tod, dä jet an cho isch, still und hübscheli, nud ere d' Auge zuesdrückt het, selb Obe no, zum längen, eebige Schlof, zuem ene säligen Erwache, dört änen im Himmelrych.

Und wieder isch, grad no dr Gräbt — aber z'erscht

will i doch no churz vo dr Gräbt erzelle. Schier 's halb Dorf isch dr Base sälig vrwandt gsi, wyt ober nooch. Und sie bet's manasmol erzellt, wie bi ihres Aetti's Tod die halbi Gmein, die ruche Buuren allg'same g'Lych cho sige; denn er ing felber ne Buur und drzue no Grichtsfäß afi, bis drunf die großi Brunft cho isch, eis Ungfell um's ander, drzue die liechtsinnige, liederlige Sühn — — Und a 's Bases Gräbt sp's vo dr ganze ryche Brwandtschaft nit nes Dote Bei erschiene, dell hei nume d' Magd gschickt oder nes Chind, i mindere Chleidere — quet anue jo für die armi Bäsefrau — – Also wo dr Amme cho isch cho die Sach aluegen im Hung inn, die armnethigi - nei, do bet 'r nit mögen uufschrybe, bet si gleitig*) drvo zäpft mit sone Gschrifte. Und dr Pfarrher, won 'm Gräbt zahlt ha, das Mäßläse, do het 'r mr 's Holbe aschenkt, selb mueß i rüehme. Aber au ihm isch's nit i Sinn cho, so weni af de Vorgsetten, oppe g'froge, was mir zwöi vrweisete Hüdeli jet wellen afoh, wie eus uusbringe. Men isch allweg froh gfi, af ig selber nüt drvo aafange ha und aln gange bi - -

Wo also d' Base vegraben und all Chöste zahlt gsi sy, han i im Naselumpezopse no ne Halbbate gha, euse ganz Rychthum. Und just het ne Hanberchsburscht a d' Thüre g'hoschet — v! han i denkt, wie isch dä arm Züttel, dä g'hinkig, so wüescht vrirret! Dä Halbbate han i no alliwil i de Fingeren ume dröhlt, jet gib ig 'n hurti dem Bürschtli, us Witslyden, us — wie sell i sägen? — us lunter Eländs

^{*)} eilig.

übermueth, so arm und hülflos bi mr vorcho, ia und mys Schwesterli, uf dr cholten öde Wält - - Wie mi aber das Bürschtli, mit 'm Gschenk i dr Hand, fo groß galuegt bet und 's Hüetli vor mr lüpft und mr gar fyn danket bim Furtgoh — da'ich mr fo gspässia vorchoh, aß au einisch öpper mit mr höflig thuet und dr Reveränz macht! 's Marianneli aber foht afo uufbegähre : feis Stückli Brot meh im huns, fei Bohne Gaffee, nit emol nes Pryfeli Salz zue de Herdöpflen; und Du channsch no so groß thue und 's lescht Stückli Gald nume so waag aheie, Nauagi! Do han i gfeit: Jet, Schwesterli, foih mir ganz frusch afo huuse, nüt Frönds und Olts chläbt meh dra, a euser Sach. Und da Gott, wo d' Buuren erhaltet und 's Herrevolch, er wird au für eus armi Weisli forgen, af mr nit 3'Grund göih - - Lueg, dört im Eageli isch no nes Bürdeli Bäserns, hurti hol nes paar Wydli, will fie binde. Und denn gohich mr go huufieren im Dorf ume, für das neu groß Handelshung, Nauggi und Rumpenei. Und bringich für die drei Bate nes halbwyfies Brötli bei. Drwyle milch i 's Geifili, rupfen 'm Gras

D' Lüüt hei g'redt und g'spöttlet: 's Bäsenauggi und das jung Meitschi, wie die z'same huusholte werde!

Do han i zum Marianneli gseit: Fetz erscht wei mr ne zeige, was mr sp und was mr chönne, wei schaffen und huusen aß 's nen Art het! Schaffen und huuse, scho dr Base z'lieb, wenn sie vom Himmel abe luegt, was mir Zwöi mache. Drum früsch hi a 's Bäsemachen, a 's Beeri- und Chrüütersuechen und a

's Hunsiere, vo Morge früeh bis z'Nacht spot! Muesch denn, wenn flußig bisch, ne neue Rock uf d' Chilbi ha und ne Spitlichappe. Ig für my Theil will mi gern no lyde mit mym olte Jippli, wüll's nomol pläge.²)

Das Brspräche, wäge 'm neue Rock, das het g'würkt. Wie überhaupt 's Meitschi so überuus hoffärtig gsi isch, vo Chlynem uf scho, i de Fögle. Keis Bändeli so leid', feis Nesteli ab eme Wüschetehuusse, aß 's nit uufgha und a 's Chleid g'heftet, keis Blüemli im Wald oder am Weg, nes bsunderbar schöns, wo's nit abgrissen und i 's Hoor gsteckt het. Und mängsmol han i 's gseh, wie's, wenn's gmeint het, es gseih's Niemer, probiert het z'lause, wie das und dieses hos färtige Meitli, sogar mit de Bäsen untere'm Urm, probiert het z'ränggele, es, das Strupsmeitschi!

Mit dr Zyt aber isch's kei Strupf meh blieben, isch gwachse wie nes Kohr bi all der magere, lüzele Chost. Und einisch, wo's Pächbrönners Meitschi, glych olt wie es, hei cho isch us dr Stadt, wo's dienet het as Chindemeitli, und au zue eus cho isch uf B'suech, i dem gälblüemlete Kock, mit 'm Strouhüetli uff, mit dem Meye druff, do, vo dört a isch eusers Marianeli gsi wie umgwandlet; het kei Freud meh gha am Schaffen, am Lesse, nüt isch 'm meh guet gnue gsi, sogar 's Dorf z'wüescht und d' Sunne so büürsch'), vo de Lüüte gar nit z'schwäße, dene grobe; het 's Furtgoh i 's Chöpfli gfasset, die fürnemme Chleider, die schöne Hüßer, die herrligi Chost, das spne Thue

¹⁾ Joppe. 2) flicken. 3) gering. 4) bäuerisch.

vo dene fyne Lüüte. Und alls mys Abwehre het gar nüt batted, feis Biheli. Chuum sy acht Tag ume gsi, isch scho Bricht cho dur d' Böti, vom Pächbrönner-meitschi — 's isch also Alls scho abgchartet gsi! — jetz syg ne Platz off zum Atrete, bim ene Herr Per-sässer oder Stärneschmöcker, nämlig bi dr Frau oder eigetlig bim Chind, für's z'rothsammen, umez'trägen, umez'füehre im ene schöne Chindewägeli, i dr Stadt ume. Do het si 's Warianneli scho nümm chönne still ha vor Glust und Freud, het nüt meh uf myni Wort, uf mys Schälte glost, het syni Chleidli z'sämepackt, isch uuf und furt g'rönnt, schier ohni Adie z'mache. So sy mr g'scheide, mir Zwöi, schier im Chyb.

Jetz bin i, 's erscht Wol i mym Läbe, elleini gsi, muetterseelellei, im Hüsli, uf dr Welt. Jo uf dr Welt, kei Mönsch besser as dr ander. Denn my Brueder Hansli, 's Müllers Chnechtli, isch drwyle ne große Hans worden, isch, d' Tubackpfyssen im Muul, mit sym Roßzug hochmüethig bi eusem Hüsli vrby gsahre ohni ine z'luege, het dr Chopf uufgha, as wär dä Zug sy eige, het euserein scho gar nümme könnt, mi scho gar nümm.

Elleini. Aber nit lang elleini. Gly, bi Nacht e Näbel, isch 's Marianneli wieder ag'ruckt, mit 'm Bündeli unter em Arm. Und het aso chlage, 's heb's nümm länger meh mögen uusg'halten bi dem Ripp von ere Heremagd, woneren es nume hätt selle Hund und Nar sy; heb's nümm mögen erlyde bi dem Bizeli Aesse, denen elende Gnämseli, dene Räschtlene, wo's ihm breicht heb am Chuchitisch — Wie si das Meitschi a die dicki Herdöpfelsuppe higmacht het — ig selber

ha nit drei Löffel voll drvo gnoh und doch isch 's Schüsseli leer worden im Augeblick. Und do han i gmeint: Gel, Chind, jetz hesch doch gnue Stadtläben übercho? Aber wol, das het mi schön abtrümpst: 's Stadtläbe nit, das syg halt nes herrligs Läbe; i acht Tage scho chönn's in en andere Platz ytrete, bin eren eigetlige Herrschaft, wo de Lüüte vrmöge z'ässe z'gä, ganz nobel —

's het scho fürnemm und glehrt chönne rede, 's Weitschi!

Und würklig, won 'm d' Hömli früsch g'wäschen und pläzet gha ha, het's wieder 's Muul gwüscht und isch gwanderet, dr Stadt zue. Adiö, mersidiäng! het's gseit dim Furtgoh. 's isch so hösslig worden i dr Stadi, die churzi Byt uuß! —— 's isch scho bi'm Stäg uß gsi, do isch's nonemol z'ruggcho: I han 'm no müeße nes paar Bake Reisgäld gä; und drnoh no drei für Hooröl z'chause; au a mys rothghüüslete Halstüechli het's denkt, mys Gottegschänk vom letschte Reujohr noche, won i so bhuetsam uusbewahrt ha im Chästli inn; denn so leid mög's nit gern i das Hereshuus goh. Für my aber, i dem dumme Buuredorf, syg jo Alls guet gnue, het's gmeint.

III.

cho han i gförchtet, em Nauggi sy Gschicht sig scho uuß; do brichtet's aber wyters:

Nes Johr isch vrgange gsi oder öppis e chly meh. Und d' Wohret z'säge: so wol, wie selbi Zyt, isch's mr mym Läbe no nie afi. Ha ungstört chonnen em Schaffe, Basemache, Chrüütersammlen und Würzegrabe nogoh, ha eisder wie meh und besseri Chunden über= cho, Geld vrdienet ganz haudentisch. Und numen eis Muul 3'erhalte. Jet han i denkt, jet wotsch einisch au chly guet läbe, hesch lang gnue bos gha! Grad druuf aber isch's mr wieder anderisch i Sinn cho. Und anstatt Pfanntätsche*) 3'machen und Nydlegaffee drzue, han i d' Eier prchauft, Tag für Tag, und mi wieder a de Herdöpfel g'halte; ha au d' Milch g'spart und mit 'm Ueberräfte nes jungs Giti abtränkt, 's Gigi brchauft und mit 'm Erlös und em anderen er= hüüselete Geld mir höppigs Tuech ag'schaffet für Hömli; ha Garn g'chauft für Strümpf, ha nes Paar Läber= schueh lo amässe — bi, so bet's mi dunkt, jet lang anue q'lauffe gfi i bene schwere Holzbode, Summer= und Winterszyt. D wie han i Freud gha a bene Sache, dene neue, währschafte; und mi schier rycher dunkt as die rychsti Buuretochter! Und ha benkt : jet Winter dumm, das Mol machsch mr nit bang! -- Ha fogar no nes Säfeli voll Geiganten ng'fotte aba; und uf 'm Läubeli mängi schwäri Burdi Baferys und Wydli, für alli Fal, und uf 'm Bühneli ne schöne Huuffen Uufläsholz.

Und dr Winter isch cho mit rauhe Schritte, mit syne churze Tage und länge Nächte, mit Schnee und Ysch und Chölti — ig, i mym warme Stübeli inn, bi mym ämsige Schaffe, Bäsebinden und Chorbslächte, han 'n nüt g'schoche. Ha au, i myne neue warme

^{*)} Pfanntuchen.

Chleideren inn, 's Hunfiere nit g'schoche; und au b' Lüüt nüt meh g'schoche, bi über die zwänza Johr olt asi und, wenn au chly vo Gstalt, doch ordli guräschiert, ömel mit 'm Muul. Und hei's mr au das und dieses nobaruefen us Gipott und Neckereie - eitweders bin i zuegloffe mus Wegs, wie wenn ig's nit forti, ober han en muethige tropige Bicheid ga ober au g'spässige, wie's mr ebe drum gsi isch. Ha mi sogar guetwillig dry gichickt i das Tichumple, das heißt, wenn's nit öpppe grad z'dick cho isch; hei mr doch d' Lüüt drfür desto lieber Bäsen und Chörbli abg'chauft und mr für die Freud ihri schöne Bätli ga. Und bin i gege grobs und unt unfambligs 1) Mannevolch au selber grob und usöd2) worden und ne d' Meinig aseit, gar nit fon, do erscht het se sie recht lustig dunkt, hei ihri Freud aha am boje "Bäsenauggi" und mr nume besto lieber myni Stallbafen abg'chauft. Das ha mr amerkt; ha mr's au amerkt die Freud vo de Chindere, wenn ig i 's Dorf cho by, die hei's scho vo wytem vrchündt den Alte: 's Nauggi isch wieder do. das aspässig; brum han 'n au gern 3'Gfalle g'labt, hei mr's doch d' Deltere praulte, die quete Müettere — —

Fo, dr Winter isch cho; mit ihm aber au öppis anders, ungsinnets. Am helgen Obe 3) nämlig chunnt nes Jümpserli i d' Stube cho z'ruusche. Fo, cho z'ruusche! Denn 's isch ag'leit 4) gsi wie nes Stadtsfräuli, aß ig ordli erschrocke bi. Und 's isch doch nume my Schwester gsi, eusers Marianneli — Und won i 's Ampeli azündet gha ha, wie han i do gluegt!

¹⁾ unartiges. 2) unwillig. 3) heilig Abend. 4) gekleibet.

Wie groß und schlangg das worde gsi isch, wie syn und hübsch! Desto größer isch drum au my Freud gsi über da uverhofft lieb Bsuech. Ha hurti 's Pfanni übertho, früsche Gaffee gmacht, nes Eierbräusi drzue, wußes Brot.

Aber was mr d' Schwester bi dem Nachtässeli erzellt het, het mr schier die ganzi Freud wieder gnoh. Es, 's Marianneli, isch nit öppe numen uf churze Bsuch cho, us Freud und Churzwyl; nei, 's het kei anderi Wahl gha, isch vo dr Madam us 'm Dienstgschickt worde ganz eismols. Worum? Wül's ere gmuulet het. Worum gmuulet? Wül 'm die uverschanti Frau dr Schap nit het möge gönne —

Du ne Schatz? han i gseit. Du mit Dyne bluetjungen achzäh Jöhrlene?

Was het's mr druuf g'antwortet? I dr Stadt, seit's, sing das Mode. Wer wit em siebezehnte Johr — 's het scho so frönd chönne rede, 's Meitschi! — no sei Schatz heb und mit 'm zwänzigste kei Ma, mit der Jungfer sing's halt bös bstellt — —

I ha vo Juged uuf — und b' Lüüt hei mr's jo gnue um d' Nase zoge — eisder ne dicke Hals gha. Selb Oben aber han i bold gförchtet, i chömm nen eigetlige Chropf über, so het mi das gwürgt, was i so gern druuf gseit hätt und doch nit ha möge säge, für nit dr heilig Obe z'schände.

Wo 's Meitschi aber, bim Bettgoh, das g'ruuschig orspiplet Chleid abzieht und die elände Föple drunter zum Vorschun cho sp, 's dunne, glöcherige Junteli*),

^{*)} Unterröckchen.

die glöcherige Strümpf, 's glöcherig Bomli, 's Gor= jeh vo Bappedeckel und Packschnüere, do ha mi nümm länger chönnen überha, ha abermols gfeit: Du, ne Schat, nes settigs Fötellöchli! Und han 'm afo Bor= würf machen über sy gränzelosi Hoffert, über sy Liecht= finn. Sa überhaupt keini Wort meh g'spart. Und won i fertia asi bi mit mpr Bredia und i zuefellia a mp Hals glängt ha, isch's mr asi, dr Chropf sna wieder vollständig vrgange. Und 's Meitschi neben am 'r het afo schnüpfe1), schier überluut; am End het's mi doch wieder afo duure, han 'm wieder afo queti Wort aa und gfeit, es syg das Alls doch nit gar so bos gmeint; bloß sell's jet dra dänken und, wenn's wieder Mol a Plata heb, achtsamer und aschnder sy und einst= wole die dummi Bättelhoffert und zum Voruus das Liebele lo fo, nämlig fo lang, bis 's wenigstes nes aanzes Sömli am Lyb heb, nes felber g'chauftnigs. I han 'm nämlig sufurt eis vo myne neue az'legge 2) gä.

De Morgen aber het's wieder sys g'ruuschig Chleid azogen und 's Hoor uufgringgelet und si uufg'strüüblet wie nes Stadtsräuli. Und wül ig selber kei Spiegel gha ha, hätt i ein selle go etlehnen zue 's Noochbers übere; und won i nit ha welle, het es 's Liecht azündet und vor die ruessig Laternlischybe gstellt für e Nothbehälf. Und isch gar syn z'Chilche g'ränggelet, af 'm all Lüüt nohgluegt hei, b'sunders d' Chnaben und d' Meitli. Und ig, won i hintedry cho bi mit myr eisältige Chutte, ha's ganz guet chönne köre, das G'srögel, das G'red, das Gspött: Isch das nit 's

¹⁾ schluchzen. 2) zum Anziehen.

Cheßlers Marianneli? Pot Tüüfel, wie das 's Näsi hööch treit! das redt nümm mit den Arme — hihihi — hahaha! Und zue mir hei sie gseit: Ru, Nauggi, darssch Du nit mit 'm Fräuli laufe? Nei, hesch Recht, aß z'rugg blydsch! Und wieder hei sie g'lachet wie närrisch, ig aber bi innerlig bös worde wie ne Chrott, ha die ganzi Chilchen uns schier keis rechts Bort chönne bäte, denn au do han i gseh, wie d' Meitli nander gmüpst und noh eusem Meitschi higschilet hei. Und deheim, do han em neuerdings d' Zäggen abeg'läse über sy eisältig, halbbatig Gstad und Firlisanz; und 'm Vorstellige gmacht und 'm zueg'redt, es sell si au kleide wie's dr Bruuch hieumen und no sym Stand, und dä Stand, eusen armüethig, syg jo bekannt, mehr as gnue.

Das und wohl au die lützeli Choft — benn i ha ebe nit all Tag vrmöge Eiertätsche z'choche, mit dem isch's wieder für nes schöns Chehrli vrby gsi — hei em Meitschi dr Unsethalt im Heimet ordli vrleidet. Es het mit srüschem Pser nom ene neue Platz trachtet, aber pärseh i nes Herehuns, uf 'm Land möcht's nit dienen um kei Prys, psi tunsig! Doch die hei nit uf euses Marianreli g'wartet, 's Meitschi het no ne Wyli müeße beiten uf ne schickligi Glägeheit. Und won i 's gfrogt ha nume ganz hübscheli: Wotsch mr nit au e chly hälfe di dem Bäsedinden und Chörbe, do het's hochmüethig 's Näsli g'rümpst und gseit, das gfalle 'm neume nüt, 's mög nit gern syni syne Händ versderben a dem runche Züüg; es syg jo schändig gnue, aß mr 'm hiedure nume 's Cheßlers oder Bäsemeitschi

säg. Aber einisch wieder furt, wärd's chuum meh wieder zue dem grobe Buurepack cho oder es syg denn, für sie recht chybig und schalu z'mache, 's wüß wol wenn. — Wenn i de Morgen und z'Obe bätet ha, wie mir's alliwyl im Bruuch gha hei bi 's Müetti's und 's Base's Läbzyte — es, 's Meitschi, het chuum einisch 's Müüli uustho, isch scho drüber uus gsi, über 's Bäte. O das Stadtläbe! han i g'süüfzget.

Dr ganz läng Tag het 's Meitschi nüt gmacht as sys Chöpfli uufgstrüüßt, syni Chruseli gstrählt, am Chleid Bändel abtrönnt und wieder anderisch uufgnäiht; oder am ene Briefli g'chriztet oder am Gurt ume brodiert für sy Max — so het nämlig sy Hölder, 's Buechbinderli, g'heiße; oder d' Händ i Schooß gleit und i eis Loch ine gluegt, Kaländer g'macht und g'ssüfzget — o da'sch so längwylig gsi, das Drbysy, i ha selber afoh blange, bis die Bricht cho isch für 's Pträte, für 's Furtgoh.

Aber 's isch nonit gnue gsi, ha no mehr Vrdruß müessen erläbe. 's Marianneli isch mit spr Gurthööggsterei d' Stubete gange zue 's Schnüerliwäbers Meitschi uf 'm Allmedhübeli, und erscht z'Obe hei cho, wo's scho ordli dunklet und g'näblet het; und Ein isch hyn 'm gsi, nes rahus hoffärtigs Mannevolch, mit ere Weidtäsche, mit eme Gwehrli a dr Axle. I han 'n bim erschte Bliek scho g'chönnt unter dr Chuchisthüür, denn wyter inen isch 'r nit cho, het nume gar fründli Aldie gmacht, em Marianneli, und em 's Händli drückt und 's Hüelligsschi glüpft und si hurti drvo dycht*), hinter em Huusegge dur, wie ne Hüehnerschelm.

^{*)} geschlichen.

Und i ha 's Meitschi sofurt z'Red gstellt: "Do das jung Schloßherli — was hesch Du für Kundsami mit dem Schloßherli?"

"Ig?" seit's schnäppisch, "was wett i mit 'm ha? Uf 'm Heiwäg, bym Stuudehag isch 'r zue mr cho ab dr Jagd und het mr 's Bleit*) anerbote, ganz höflig, wül me nit chönn wüsse, was so me hübsche Frauezimmer um die Zyt begegne chönnt. Und hätt 'm öppe selle für die Fründlichkeit Grobheite machen und 'n abwyse? Nei, settigs thuen i nit, da'sch schickt si öppe für grobi Buuretotsche, wo nit wüsse, was Wanier und Höfligkeit isch — Au dunkt's mi, es syg gnue gsi a dem Blick, wo em Herli zuegworse hesch — v i han 'n wol gseh, dä Blick, dä uhöflig, suur!"

Also hätt ig no sellen uusgscholte werde! Das het mr's au gar nit chönne. Drum han i gseit, ganz ernstlig: "Los, Meitschi, was Dr säge wüll: Deppis Schlimmers und G'föhrligers as die Lybwacht selber, wo mit Dr heibrocht hesch, hätt 'r nit chönne begägne! Dä Zeger könnt me, me könnt au das Gwild, won 'r sagt — Gang zue 's Hanoggels Breni uf 'm Meyestut obe, won 'r so schändlig i 's Unglück brocht het, 's Breni, so jung und hübsch und dumm wie Du!"

So öppis het 's Meitschi aber nit welle glaube. Das wird men em Schloßherli uufgrupft ha, me wüß jo, wie usläthig die Müüler sogen uf 'm Land usse. Drum sog's au gar kei Wunder, wenn die Lüüt i dr Stadt vrachtet sogen und men e nume Buuresirmlen, Buurementscher säg — Und grad do vom Herr

^{*)} Begleitung.

Gastung im Schloß z'rede — gwüß thüe me dem Unrecht, sog jo so ne gebildete manierliche — —

's het nüt Schlimms welle glaube vo dem Fink, i ha's wol gmerkt. I ha no meh g'merkt, meh as mr lieb gsi isch; das nämlig, aß vo Zyt zue Zyt, bsunders i finstere Chiltnächten, öpper um 's Hüüsli ume dichen isch wie ne Marder. Und 's Muurers Hansli isch's nit gsi, dä isch herzaft i d' Stuben ine cho, z'Obesit, em Meitschi z'lieb; het mr hulse Bäse binde und allerlei schaffen — em Meitschi z'lieb; het, dä hübsch brav Burscht, am Meitschi s'lieb; het, dä hübsch brav Burscht, am Meitschi förmlig dr Nar gfresse gha — worum de nit? Het's doch keis schöners und syners gä im gonze Dorf, wytume, selb het me müeße bestönne. Dr Hansli aber, mit sym scharpsen vsersüchtigen Aug, er isch gly drüber cho, wer dä Kärli syg, wo um 's Hüßli ume gschmöckt het: kei Dorfe, kei Buures bueb, 's Schloßherli isch's gsi —

Und einisch isch das Herli so fräch gsi, abermols mit eusem Meitschi hei z'cho, so Arm in Arm cho drhär z'spaziere, sogar i d' Chuchi ine, won i grad Mähl g'röstet ha für d' Dbedsuppe. Und wien i dä fürnem Nütnutz gseh, so fräch vor a mr stoh, do bin i uf eimol in e Wueth ine cho wie nes wilds Thier, dem me sys Junge wäll raube. Ha 's Meitschi binn Arm gnoh und 's von 'm ewägg gschlungge: ha hurti no'm große scharpse Schnizer glängt uf 'm Chuchi=tisch, ha's gägen 'm ine gschwunge und gseit: "No ne Tritt i mys Hüüsli, Bürschtli, denn hesch 's letschte Mos" — aber 'r het's scho nümme g'chört das Dröue, die wüeschte Näme, won 'm nohg'schroue ha,

isch uuf und droo g'rönnt, i die feischteri Nacht use, aß wenn 'n ne Hund bisse oder dr Tüüfel bim Chittelsfäcke packt gha hätt.

's Meitschi het schier überluut pflännet. Mi aber, einisch im Chyb, het das nit chönne rüchre, ha an ihm, em Mariann, gseit, was mr eben i Sinn cho isch, nüt Ihns: Do het's afo dröue, 's gang furt, uf dr Stell, blyb kei Stund meh länger bim ene settige Drack, won 'm keis Freudeli gönn, au nit 's unsschuldigst.

Aber i ha mi nit loh erschrecke. Gang nume, gang! han i gseit. Jedefals wird i nes settigs Gschleipf nümme dulbe, kei Minute meh, aß 's weisch! Will nit 's Brantworte ha, will nit einisch i dr Hell ume tanze mit Dir und Dym Schloßhund!

Do het si doch 's Meitschi bsunnen, isch nit gern us dem warme Stübeli use gange demitts i dr strenge Winterszyt, ohni ne Chrüüzer Gäld, i die wyti fröndi Wält use. Viellicht het em's au 's Gwüsse gseit, wie Recht i gha ha mit mym Uusbegähre. Item, 's isch bliebe, het sogar süüferli aso schaffe helse das und dieses, und fründlig aso zelle, as wär nüt passiert zwüschen eus Zwöine.

Grad drunf aber, i dr Fasnecht, han i ne früsche Brdruß müessen erläbe. 's het nämlig em Meitschi spölder gschrieben us dr Stadt, er werd's cho b'sueche, mit 'm z'Tanz go i 's Lindewirthshuus, wo Bal agsept gsi isch — o 's Meitschi wird 'n wol gnuegsam brichtet ha! Und 's het scho die Nacht drvor uümm chönne schlose, het g'rülzt im Bett ume wie wenn's d' Flöh

oder hööchbeinig Mugge thäte bife, wie närrsch; und am Morge biznte scho afo seipfen und züpfen 1) und i 's Spiegeli g'luegt, wo's weiß wo unfaablet aha het. Duß isch grimmcholt gsi; dinn aber, im Stübeli, het 's Meitschi g'sungen und g'jubiliert wie d' Lörchli im warme Maisunneschyn; und si am Zähni2) scho afo aleage, het das und dieses zweeni aba. Ach, wien i drby ploat afi bi! Ha mueke myni Strumpf hargah. druuf sogar mus Junti,3) Ha em Hölder müeße Gaffee machen und Fotelschnitte4) drzue; und ne Vierlia woße Zucker chaufen und i 's Zweiers Huus goh nes wnßes Tällerli etlehne, nes blüemlets Gaffeebeckli o selb Tag bin i so lieb gfi, so lieb! - - Mi aber, ohni Strümpf und Unterchleid i dr cholte Chuchi uß het's erbärmlig afo früre: benn i han 'm 's wol ag'merkt, em Marianneli, af 's nit gern het, wenn i dinne blyb währed 'm Aesse, mit mym unschynberen armüethigen Uusfäche. Chuum aber si sie furt zoge asi a Bal, han i mys dünne Triescheröckli⁵) abzogen und bi i 's Bett gangen am heiterhale Tag. Dort, im warme Bett, han i aln Alls vraäffe aba, dr Brdruß und au die beede Lüütli im Wirthshuus

F acht Tage drunf isch 's Marianneli i ne Dienst träte, won 'm sys Buechbinderli gsuecht gha het i dr Stadt. Die Zuesprüch, won 'm gha ha bim Abie-mache — o es het si chuum g'chört, so wat isch 'm gsi mit dem Furtgoh. Und fast het's mi welle renen, aß 'm myni beede bessere Hömli gä ha zum Ppacke,

¹⁾ Böpfe flechten. 2) zehn Uhr. 9) Unterrock. 4) in Butter gebacene Gierschnitten. 5) Kattunröcken.

mnni bessere Naselümpli, schier mus letscht Chrüüzerli Gäld.

Glychzhtig het au dr Brüeder Hans lo Abies fäge: 'r göih i 's Wältschen ine, wo's besser Löhn gäb und meh z'Trinke. Ihm isch si nit drwerth gsi, selber zue mr z'cho — worum au, zue dem arme, gschupste Nauggi?

IV.

et bin i wieder ellei gsi mit mhm Büüßi, mhne zwöi Hüchnere, mhm Muttigeißli.

Und dr Huustagen isch cho. Und ei Tag bin ig i Wald gange go Chrys hole, dr ander han i Bäse gmacht, dr dritt bin ig sie go vrhuusiere. Und bi dem Huusiere — i bi ase zäntumen ordli bekannt gsi, ha fryli do und dört gnue uverschannt und grob Lüüt atrosse, wo gmeint hei, 's Nauggi syg nume sür das do, aß sie chönne mit 'm Flouse tryben oder d' Waar ablätschlen um e halb Prys. Gueti Lüüt han i aber au wieder gsunde, Lüüt, wo dem arme Meitli nüt abgmärtet hei, Buuren= und Herrewyder, wo mr sogar no z'ässe gä hei, Fleisch und Gmües, Gasse und Wyßsbrot oder anderi gueti Sache, völlig zum Guete, sogar d' Ueberräste no i 's Chörbli tho hei für deheim uussywärme.

Aber i ha welle vo selbem Summer rede' vo selbem Jöhrli — Also han i gar flyßig g'schaffet und emsig g'huusiert. Und 's het mi dunkt, Alls gang no 'm Schnürli wie no nie; ha Gäld vrdienet, ganzi Hämpfeli1), und feis Chrüüzerli z'unnut uusgah, alli Bätli schön 3'fame aba, i Stroufact vrborgen, i br Letschti du i 's Dferohr, i 's hinterisch rueßigsten Eggli, ha deheim mager g'läbt, Alls uf e Gedanke hi, i well 's mit Gotteswille z'wegbringen, af i uf e Winter chonn anstatt dem eland herte Glieger nes neus Bett chaufe. Und i ha's zwägbrocht, wenn au erst uf e Santiklausobe. D die Freud, won i gha ha, a dem linden Unterbett, der Käderedecki, dem Fluumchuffi, aar nit z'bschrube! Und wo Alls uufgrüschtet gsi isch i dr neue tannige Bettschaet, hööch und lind, ha mi sofurt abzogen und bi i 's Bett g'läge, scho 3'Dben am Vieri, ung'äffe2); und wien i abepletscht bi i die Fäderen ine, bin i schier erschrocke; graddruuf aber hätt i möge juuzge, wenn i nit hätt mueße förchte, b' Stafilippene, my Hunsfrau, chonnt's koren und meinen, i sing narrächtig worde. Das schöne linde warme Bett — i bi mr uf eimol so ruch vorcho, rucher schier as d' Schlofmadam, hätt mi ordli bfinnt, öb i mit ere wett tuusche.

Da'sch, wie gseit, am Santiklausobe gsi. Und wien i i dem linde warme wohlgschmöckige Bett druff und dra gsi di für nx'schlose — duß isch's drwyle finsteri Nacht worde und vo dr Chilche noche han i g'chört x'Bätte lüüte³), das het mi wieder ordli wachber g'macht, ha dr englisch Grueß aso bäte; und i weiß nit, wie mr dr Gedanken a eusers Marianneli cho isch. Wie goht's 'm ächt? han i dänkt. Wie das erscht jet

¹⁾ Hand voll. 2) ohne etwas genoffen zu haben. 3) Angelus läuten.

nes prächtig schöns Meitli wird worde sy bi syne nüünzäh Johre, bi dr liechten Arbet, dr guete Chost. Möcht's gern au wieder einisch gseh; grad morn säg i es Hüslers Meitschi, es selle i mym Name nes Briesli schrybe wege'm Heicho, wenn's müglig syg uf Wiehnecht. Das wird's aluege, mys neue Bett! und si vrwundere, wien i das z'säme brocht ha, das viele Gäld drfür, die ölf Neuthaler! — Do plöglig kör i nes Grüüsch im Huusgängli usse, kören a d' Thür hosche, z'erscht nume ganz schüüch und hübscheli, druuf eisder wie stärker und mi dim Name rüese ne wybligi Stimm — Wer isch do? han i gfrogt.

Numen ig, heißt's, 's Marianneli — —

Himmel, wie bin i do gleitig zum Bett uns und uf d' Thür losg'sprunge go dr Riegel zieh! Und die übergroßi Freud, mynersyts!

Fo, mynersyts, nume mynersyts. Denn 's Meitschi het numeso lys und 'rdatteret g'grüeßt und die Hand, wo's mr g'längt het, die syni Hand, isch so cholt gsi, het zitteret. Und won i Liecht g'macht gha ha: do isch 's Meitschi g'standen i syr schöne Stedtsertracht, nes Uhrechetteli inn und mit eme hoffärtige Modehüetli uf 'm Chopf; 's Hoor aber het g'hurstig drunter süre g'suegt. Drzue die bleiche, blaulächtige Bäckli, die yg'sallnen Auge — Herrje! rüesen i, bisch öppe chrank, Chind?

Und wie's nüt druuf antwortet und ig 's Bündeli gseh unter em Arm, do frog i wyters: Bisch öppe druus g'losse, Chind? So red' denn au! Kei Antwort synersyts, stoht nume do wie eis, wo 's Del vrschüttet het, luegt z'Boden, i eis Loch ine.

Und was i wyters gseh by nööcherem Aluege, dorab bin i no viel meh erschrocke. Meitschi! Meitschi! han i g'ruese, wie chunnsch Du hei! Isch das die gueti Uuffüehrig, won i dir, bim Furtgoh, so gnue a 's Herz g'leit ha? Gang, gang! I ma Di nit aluege, cha sie nit agseh, die Schand!

I ha no viel meh gseit, Wort, wo mr süscht nit i Sinn cho wäre, grobi, unbarmhärzigi; ha em Chyb und 'm Cländ kei Gränze meh gwüßt.

's Meitschi aber het aso pflänne, het aso schreie, het tho wie vrzwyslet, het mi ume Hals ume gnoh und mr sys liebs, liebs Schwesterli g'seit; und mr aghalten, i sell's doch nit vrstoße, nit vo Huns jage! 's stell süscht öppis a, spring i 's Wasser —

Was han i welle mache?

O die Nacht! Das Pflännen und Heulen und Brzwysletthue, em Meitschi sys! Vo Schlofe kei Red, trop em neue Bett — — o jo, das neue Bett, a das han i scho nümme denkt, numen a das Eländ, wo über 's Meitschi cho isch und au über my.

Und nes Eländ isch das gsi, jo gwüß! 's Meitschi däwäg zwäg. 's Bürschtli, 's Buechbinderli, sobold 'r der Pfäffer gschmöckt het, uuf und druuß, weiß Niemer wohy. Und hätt me's au gwüßt, was hätt's de gnüßt? Isch jo doch nen Ußländer gsi, vo Usueche kei Red.

Und 's Meitschi het's vrrothe: scho vierzäh Tag drei Buchen sisch's us 'm Platzg träte gsi und het si bin ere Fründi uufghalten i dr Nööchi vo dr Stadt, dort sps letschte vrdienet Chritizerli Galb vrbruucht, alls i dr Hoffnig, 's Bürschtli werd wieder ume choh und sps Vrspräche halte, 's Hüurothsvrspräche; het's schier nit chönne glauben, af 'r so ne Hundsfutt spg.

D was werde d' Lüüt säge, han i denkt, wenn sie das vrnähme, die Gschicht!

Und i ba's chonnen 'rfahre, scho aly druuf, bim Huusiere; das G'frögel, das Uusschänzele, das G'lächter, das D'rmarschmache; und die Grobheite, die Vorwürf, wo mr die Buure g'macht hei, d' Gmeinröth und anderi, wege'm Meitschi, wie wenn ig selber dra d' Schuld asi warr! bei mr sogar no my Muetter sälig fürgha, mn eigen unehligi Geburt, und wie si jet Gmein mück schäme wege bem frusche Fal, und i d' Chösten ine chömm. Do ha mi aber nümm länger chönnen überha, ha ebefals afo reden, ohni ne Hand vor 's Minul z'näh; han ne gseit, dene grobe Buure, sie hebe wäder für mys arm Müetti, no für my selber, no für myni Gichwisterti ne Chrüützer uusgah, hebe jo nit emol Rechnig gah, was mit dem Brmögeli gange spg, wo men eus Chinde newägg gnoh und vrsteigeret beb no 's Muetters Tod. Ig beig no nüt droö g'feh und nüt drvo übercho; und well an nüt drvo, die wo's i Sack g'steckt hebe, selle's b'halte — — Und wege'm Marianneli, au um das Meitschi heb si d' Smein nit z'chümmeten und au wyters kei Mönsch as ig selher. Drum heb au Niemet anders 's groß Muul uufz'thue wege der Gschicht, wüßt nit worum: '3 Nämlige spa jo au scho fürnemme Buuretochtere passiert, nume beb me dört d' Schand mit eme Hüuffli Neuthaler zuedeckt.

So han i g'redt und g'nferet. Und mänge, wo's g'chört het, het si großi Freud dra gha und mi uuf=gftüpft: Jo jo, säg nes nume, Rauggi, dene Schmier=finke! 's isch Aus nume z'wohr, was seisch!

Aber 's het mr nit weni gschade, das Uusbegähre, das Troze. Vor gar mänger Thür, won i my Waar atreit ha, het's furta gheiße: Adie, Nauggi, vo Dir chauf i nüt meh ab, bisch jo schynts rych gnue, aß so grob sh und pöchele channsch! — Bi schier wäder Bäse no Chörb meh abcho, Alls wäge'm Meitschi, won i doch nüt drfür ha chönne, für sh Liechtsinn, sh Schand. Ha also wyters müeße go huusieren, i Dörfer, won i no nie gsi bi, bi Wind und Wätter, bi rauher Winterszyt, neui Chunde go sueche.

Und drwysen isch 's Marianneli deheime g'sässe im warme Stübeli und het Trüebsal blost; oder öppe nes olts, unstreits') Hömli oder Lyntuech vrichnäslet, won i vo guete Lüüten übercho ha, het Windle druns g'macht und anders Chindszüüg. Und mängmol, wenn i naß, müed und vrfrore hei cho bi us 'm Wald, vom Hunsiere, isch keis warms Glüethli meh im Dse gsi, keis warms Tröpsli im Oferohr. Und ha nit emol dörfe chlagen oder schmähle'); denn 's Meitschi isch so lysmüethig gsi, het so schwärmüethig tho, aß eim ganz het chönne bang werde.

Jo, da'sch ne Zyt gsi, i ma nit dra dänke! Aber glychwohl hätt mr Alls nit emol so ne schröcklige Chummer g'macht. Dr lieb Gott, han i denkt, isch au no do, und myni guete Lüüt und myni gsunde Glieder.

¹⁾ ausgetragenes. 2) schelten.

Aber ebe mit myne gsunde Gliedere het's uf eismels gar fatal afv böse, grad i dr schlächtischte Zyt, won ig sie ebe so nöthig gha hätt. Und wie eifältig das cho isch, schier nit z'glaube: ne Hick') mit 'm Schnizer i d' Handballe, bim Bäsebinde — ha's nit emol viel g'achtet, bi mörnderisch wieder huusiere gange. 's isch aber häfti cholt gsi; und z'Nacht, won i hei chumen a d' Wärmi, soht mi d' Hand afv füüre wie Glueth, soht afv gschwälle, wird roth wie ne Ziegel, chestenebruun. Und aß ig's churz erzelle: dr ganz Winter über han i keis Chindswärchli meh chönne schmärze Tag e Nacht keis Aug meh chönne zuethue. Dr Dokter het sogar vom Handabnäh welle brichte, wäge Bluetvrgiftig —

Und 's Gälbli, 's surrordienete, vrbruucht bim letschte Chrüüzer, kei Brdienst meh, au nit dr Chrüüzer. Und ha mi gschämt, öpperem eusi Armueth z'chlage. Und die zwöi hungerige Müüler!

Die zwöi hungerige Müüler, am Fasnechtmäntig ogar eusere drüü. 's isch nämlig no eis drzue cho, em Marianneli sys Chind, nes Meiteli.

Thm, em Marianneli, isch jet mys neue, linde, warme Bett gar wohl cho. Währed ig selber gar mängi längi cholti Nacht uf 'm cholte Stuehl, bi dr Abwart oder uf dr herte lähe Chunst zuebrocht ha.

Und 's Geißli guscht'). I ha das und dieses verschauft, für d' Hebamm und dr Dokter z'zahle, für Milch z'chause, em Marianneli, em Chind, für Brot und anderi nothwendigi Sache. Ha am And 's Geißli

¹⁾ Schnitt, Stich. 2) trocken = galt = ohne Misch.

vrchauft, die paar Herdöpfeli; denn 's Warianneli het gar nümm welle zue dr Chraft cho.

's Marianneli het nit welle zum Lett us cho, isch anstatt chreftiger eisder wie schwecher worde. I ha müeße Wy und Fleischsuppe holen im Wirthshuus.

Ja ha 's neu Pfänni vrchauft, d' Haue, dr Charst
— Alls um e häle Spott.

Dr Dotter het welle noche zahlt su, denn dr Armevogt het 'm zum Bscheid ga, 'r nähm si um die H höste nüt a.

I ha mys filberig Bätli*) vrchauft, mys liebe Gottegschänk, vom Firmle noche. Denn 's Marianneli het 's Chindbetterefieber übercho — Dokterzüüg, Rys und Zucker här! Und 's Chind het all Tag wie meh Milch mögen, und die het mr ömel nit chönnen absy, em arme Hüdeli; 's het au Fädere bruucht i 's Deckli. Drum han i au no my neu halblynig Schüpung verschauft, dr Hächlere, für drei und e halbi Franke.

Einisch 3'Oben, am Liechtmesobe, het 's Marianneli wieder gar schröckli afo siebere. Dr ganz Tag
bin i nit vom Bett ewägg gsi, dr ganz Tag han i
au nüt g'ässe gha, nit es Brösmeli. Hätt au nüt meh
z'ässe gha, nit es Brösmeli. Duß het dr Mon gschiene,
duß isch dr Schnee g'läge, höch, hert und glizerig;
duß hei d' Jaghünd bället, ha Mannevölcher före hei
und vrby goh: d' Schloßherre mit ihre Jegere, hei
lustig brichtet und g'lachet und Gugelsuehr tribe. Und
wien i use goh go ne früsche Biz Psch holen, em
Marianneli uf e Chops, so gsehn i, wie ein vo de

^{*)} Rosenfranz.

Hünden öppis muethwillig umezehrt, öppis loht fallen und uuf= und drvo springt, den andere noh. I hebe das Ding uuf — ne Big Brot, hert g'frore. Ig aber ha Gott danket: denn jet han i doch öppis z'Nacht übercho für my eländ hungerig Mage —

Sell i 's no wyter erzelle: wie 's arme Marianneli chränkner und chränkner worden isch, und am Tag druuf scho d' Auge zuetho het, für nümme z'erwachen, i dr elände Welt?

V.

p Muetter het em Rauggi nes Gläsli Recholder ng'schenkt; und druuf het's su Gschicht wuter 'rzellt, zue End:

Me sell nit säge, 's gab nit au guet Lüüt nf dr Wält. Won ig, no 's Marianneli's Gräbt, selber chrank worde und teuf im Bett g'läge bi, do isch's d' Hauliwäbere*) gsi, selber nes huusarms Wybervölchli, wo si um mi agnoh het, Tag e Nacht, und zue de Buurewybere gangen isch go brichte, my Chranket, my Armueth, mys Eländ. Und d' Mülleren isch cho und d' Metgere, sogar d' Pfarrchöchi, hei das und dieses brocht, was i ebe nöthig gha ha. Mir, hei sie gseit, möge sie's wohl gönne. Em Meitschi aber — nu, jetz sug's i dr Eebigkeit, und de Todtne sell me nüt schlächts nohrede.

Me het au für 's Chindli g'sorget im Wydechorb." Und d' Wäbere het's nit gnue chönnen aluege, het

^{*)} Beberin.

mr's zum Bett zuebrocht und gseit: Luegs au a, wie nes hübsches, syns! Und so nes g'sunds — g'sehsch, wie's zablet und scho d' Händli uusstreckt und so hungerig thuet! Und sehrt nit emol einisch sys Müetti können, ach Gott!

Do ha mr's g'lobt, ig well 'm Müetti sy, em arme Bürmli.

llud wo uf 's Gheiß vo dr Müllere dr Stattshalter chunnt für my's Chind wägz'näh und i nes Chofthüüsli z'thue, do han 'm ag'holte was i ha vrmögen, 'r fell mr das nit z'leid thue, i well für is forgen us Lybschreften, aß 's guet 'rzoge wärd, 'r chönn druuf zelle

Jich's mys Aholte gsi oder die Uussicht, em Armeseckel so und so viel z'erhuuse? Item, me het mr 's Chindli gloh.

Und d'Chilchebüüri selber isch als Gotte zueg'standen und dr Müller als Götti, und wo sie 's Chindli wieder hei brocht hei vo dr Tauf, us 'm Wirthshuus, z'Obe spot, do hei ihri G'sichter g'lüüchtet wie dr Bollmon, wo dur 's Fänsterli gschyne het, und hei lustig brichtet und Gugelsuehr triebe, die zwöi olte dicke Lüütli, wie jungi Brliebti, frei zum Lache— für die wo hei mögen; ig aber ha nit möge, bi no eisder grunsam schwach und leid gsi,

Und d' Wäberen isch's mr cho zeige, die Gottenund Göttig'schänk: ne Butälli herrlig guete Wy,ne s prächtigs Ankebälli, nes Bündeli Simmelmähl, paar Ell Bouweletnech für Windle — ach wie guet, wie viel!

Und doch hätt i. anstatt die viele quete Sache, nes vaar Franke Gald lieber anoh. Worum? 3 will's fäge: dr Hans het g'schriebe, my Brüeder, us 'm Elsis ufe, wien 'r d' Hand uusg'rankt heb bi dem Mählseckumeschleipfen, und jet füg 'r so arm -I ha scho dänkt, wien i ächt das Ankebälli chönnt vrchaufen oder 's Mähl und 's Gäld em arme Hans schicke. D' Wäberen aber, won ere ganz sünferli droo brichtet ba, wie si das ächt ließ mache, foht gwolt afon uufbegähren und seit: Wie? Dem große stolze Sans, bam si nit emol brwarth afi ifch, Dir adie 3'mache vor luuter Hochmueth, dam wotsch Du Gald schicke? Däm große starke Burscht, wo sit Johre groß Löhn bet chönne zieh und nume für ins eige Munl bet z'sorge aba, däm wotsch Du arme chrankne Tschumpel Gäld schicke? Rei, das ascheht nit, Proni! seit sie reselut und bichlüßt Unten und Mähl p, i 's Gänterli, und nimmt 's Schlüsseli i Sack und seit : Jet wirdsch es scho lo blybe, das Brchaufe, das Furtschicke, die Marrheit!

D' Früehligsunne, die guete Süppli und myni eigene junge Johr — i bi viel ehnder*) wieder zwäg gfi, as i g'rächnet ha.

Und i bi wieder 's Bäsenauggi worde wie vorsdäm; ha zue den olte guete Chunde neui übercho, ha nes guets Brdienstli gfunde, myni Grümpelschulden chönne zahlen und allerhand aschaffe, notisnoh, was mr a'manglet, was i us Noth vrchauft aha ha.

Bi wieder 's Bäsenauggi gsi wie vordam. Und

^{*)} früher.

doch nümme ganz wie vordäm! Denn 's Chind, 's Chind! 's Anneli, das het si zwäg g'loh und isch gwachse, wie nes Rohr und het rothi Bäckli übercho und ein afoh alachen und d' Händli gäge mi uußftrecke — wie hät me's nit müeße gern ha, das liebe Muusi?

Und hätt i nit willig selle laufen und schaffen und buusen und wäschen und allerhand Chindswärkli mache für so nes chlys, unschuldigs Ding, wo's eim jo zäh Mol danket het mit sym Ordlithue und Liebha? Fryli bin i demit ordli g'schiniert asi, ha 's Chind nit elleini chönne deheime soh. Wie ban i 's amacht? A funniae Tagen ober au wenn 's Wätter nit gar z'ruuch gfi isch, han ig's mit mr ano i Wald und 's uf 's Deckli a'sett und 'm Meyen oder Tannzapfen oder Buech2) i Schook ga zum g'fätterle3), währed i Chrys ghoue ha uf alli Scherpfi4); han 'm au, für 'm Churzizyt z'mache, nes Liedli gfunge — wenn's füscht Niemer g'chört het — — Bin i aber vo Hung gange go huusiere, ja do han i halt 's Chind nit chonne mit mr näh, ha's zue dr Wäberen übere treit und nes Häfeli Geißmilch drzue, zum Barme, nes Bigli Brot. D' Wäberen isch so ne gueti gsi und so ne vrständigi; und hätt 's Chind bald lieber aba, af ig felber; jo fie hätt mr's bold meifterlosig gmacht, so daß i recht froh asi bi, af dr Winter cho isch und ig 's Anneli meh as füscht ha chönne debeime ha, pflegen und 'rzieh.

Erzieh! da'sch my eigetlig groß Borsat gsi. I ha alliwyl a 's Marianneli sälig, em Chind sys arme

¹⁾ Mäuschen. 2) Buchnüffe. 3) spielen. 4) Schärfe.

Müetti, denkt — jet im Grab, so jung im Grab. dur sy eige Schuld, dur anderi Schuld, wül's so lützel erzoge worden isch. Ach myn Gott, wer hätt's sellen erzieh? Fg? Mir het's jo nüt gfolget! 1)

Sys Chind aber, 's Anneli, das het mr müeße folge. D' Ruethen isch nooch bi dr Hand gsi, Rhs gnue, guets birchigs, ganz Hampsele. Und i ha sie nit g'spart, d' Ruethe, ha alls Beduuren uf d' Syte g'sett und alls Wehren und Schreie nüt g'achtet — folgen oder g'fouzt' werde! han i denkt; besser afe jung und mit dr Ruethe g'souzt z'werden, as spöter dur Schand und Ungsell, dur e Liebeherget.

's Anneli isch größer und größer worde, chäch und doll — Dir heit's jo gseh, Frau Chilchmeiere, wie's als jungs Rockmeitschi mit mr cho isch bim Hugiere, do und börthy. Deheime het's mr scho bizzyte müeße lehre schaffe, natürlig Alls sym Alter, syne schwache Händlenen ag'mässe. Und ha's du i d' Schuel gschickt. Wie dissign Weitschi gsi isch bim Lehre! Dr Schuelmeister het si großi Freud an 'm gha und ig nit minder. Und wenn's mr alben uf 'm Chneu die schwe Gätzli und Bärsli vorg'läse het us 'm Schuelbüechli — ig selber ha halt nit chönne wüssen, öb's recht oder lätz gsi isch, das Läse, denn my eige Schuelzyt isch gar ne churzi uvd g'fählti gsi und ha zuedem Alls so gly wieder vrgässe gha.

's het au alli Alage gha für nes Hoffertsbündeli z'werde, 's Anneli. Aber do han i g'wehrt: denk a eusi Armueth und Niederträchtigkeit, denk a 's arm

¹⁾ gehorsamt. 2) mit ber Ruthe gestrichen.

Bäsewybli und was d' Lüüt wurde säge, wenn Du so püşelet drhär chämsch!

I han em's nonit dörfe säge: denk a Dys arme Müetti — Bo der Gschicht het's halt no nüt dörfe wüsse, so gern i 's au gseit hätt.

Geschter vor acht Tagen aber han em's gseit, em Anneli. 's isch sälb Tag just füfzähni worden und het 's erschte Mol dr neu, warm, wullig Rock agha, won 'm ha lo mache für i d' Lehr nz'träte bi dr Karlisschnydere — 's mueß nämlig drüü Johr mache, bruuche denn kei Lehrlohn z'zahle — — jo, do han 'm sie 'rzellt, die ganzi truurigi Gschicht vom Marianneli, sym Müetti sälig, das heißt, wie me settige junge Lüütlenen erzelle darf. Und 's Augewasser isch mr drby d' Backen abdrolet; und ihm au, em Meitschi. Und 's het mr müeße vrsprächen, alle Liechtsinn z'myden und nes bravs fromms Meitli z'werde.

D' Karlischnyderen isch ebe so ne scharpfi wie g'schickti Lehrmeisterne. Und i han ere gnuegsam ag'halte, sie sell ömel 's Meitschi tüchtig i dr Kur ha. Um ene Sunntig und Fyrtig mueß 's zue mr cho, hei; ig wüll's a dene Tägen unter mynen eigenen Auge ha, 's darf mr nit im Dorf ume pfänderle und di de Meitschene und Bueben umerülze. Und 's thuet's, thuet mr g'chorsamen, i weiß 's! — Und sei Tag goht drby, aß i nit, de Morge dim Uusstoh, di dr Arbet, uf dr Reis, dim Bettgoh, 's Meitschi i mys Gebät pschließe: B'hüet's Gott! — Dir, Chilchmehere, heit allwäg das Meitschi scho lang nümme gseh? Uch, Dir wurdet luege, wie groß und hübsch das worden

isch, die Zyt uus, groß und hübsch, wie my Muetter sälig eini gsi isch, groß und hübsch, wie sys eige Müetti!
— I förchte numen eisder, es thüe em's öpper säge, wie hübsch aß 's syg — —

So! da'sch my ganzi Gschicht, bis dohn! Aber Euch het sie gwüß recht eisältig und langwylig dunkt, gelet, Frau Chilchmeyere? Und wie spot aß 's drwyle worden isch — werdet ömel nit höhn, Frau Chilchmeyere, aß i so lang plauderet ha!

Am Morge drunf, wo das übelzytig olte Meitli, 's Bürdeli Bäsen unter em Arm und mit eme herzlige "Brgeltsgott" vo Huns gangen isch, do ha mr vorgnoh, über das Gschöpfli well i ömel myr Läbtag keis Spottwort meh säge, no settigs dulde vo andere Lüüte, so viel 's vo mir abhang. Jo, 's het mi dunkt, i möcht d' Chappe lüpse, wien ig sie no vor keim Oberamtmen, vor keim Pfarrher und kei'r Chlostersfrau teuser g'süpst ha, vor ihm, dem mißgstaltete, versichüpsten, olte Bäse-Nauggi!









